







儒門事親卷之八

戴人張子和著  
新安吳勉學校

內積形

傷冷酒一百二十二

戴人出遊道經陽夏。問一舊友。其人病已危矣。戴人往視之。其人曰。我別無病。三年前當隆暑時。出村野。有以煮酒饋予者。適村落無錫器。冷飲數升。便覺左脇下悶漸痛。結硬至今不散。鍼灸磨藥。殊不得效。戴人診其兩手脈俱沉實而有力。先以獨聖散吐之。一涌二三升。色如煮酒。香氣不變。後服和胃散去濕藥。五七日。百脈冲和。始知針灸無功。增苦楚矣。

心下沉積一百二十三

顯慶寺僧應公有沉積數年。雖不卧牀枕。每于四更後。心頭悶硬。不能安卧。須起行寺中。習以為常。人莫知為何病。以藥請于戴人。戴人令涌出膠涎一二升。如黑礬水。繼出黃綠水。又下膿血數升。自爾胸中如失巨山。飲餌無筭。安眠至曉。

茶癖一百二十四

一緇侶好茶成癖。積在左脇。戴人曰。此與肥氣頗同。然瘖瘖不作。便非肥氣。雖病十年。

不勞一日。况兩手脉沉細。有積故。然吾治無鍼灸之苦。但小腦一餉。可享壽盡期。先以茶調散吐。出宿茶水數升。再如水如意。搦之。又涌數升。皆作茶色。次以三花神佑丸九十餘粒。是夜瀉二十餘行。膿水相兼。燥糞瘀血雜然而下。明日以除濕之劑服十餘日。諸苦悉蠲。神清色瑩。

腹脹水氣一百二十五

臧鞠張承應年歲五十。腹如孕婦。面黃食減。欲作水氣。或令服黃芪建中湯。及溫補之劑。小溲涸閉。從戴人療焉。戴人曰。建中湯攻表之藥也。古之用方。攻裏已誤也。今更以此取積。兩重誤也。先以涌劑吐之。置火于其旁。大汗之。次與猪腎散四錢。以舟車丸引之下。六年殊不困。續下兩次。約三十餘行。腹平軟健。啖如昔。常仲明曰。向聞人言瀉五六缶。人豈能任。及聞張承應渠云。誠然。乃知養生與攻病本自不同。今人以補劑療病。宜乎不効。

疝氣一百二十六

王亭村一童子。入門狀如鞠。恭而行。戴人曰。疝氣也。令解衣揣之。二道如臂。其家求療于戴人。先刺其左。如刺重紙。剝然有聲而斷。令按磨之。立軟。其右亦然。觀者感嗟異之。或問曰。石關穴也。

胸膈不利一百二十七

沈丘王宰妻病胸膈不利。口流涎沫。自言咽下。胃中常雷聲。心間作微痛。又復發昏。胸乳之間。灸癥如碁。化痰利膈等藥服之。三載病亦依然。其家知戴人痰藥不損。來求之一。涌而出。雪白。蟲一條。長五六寸。有口鼻牙齒。走于涎中。病者忿而斷之。中有白髮一莖。此正與徐文伯所吐宮人髮癥一同。蟲出立安。

冷疾一百二十八

戴人過醮都營中飲會。隣席有一卒。說出妻事。戴人問其故。答曰。吾婦為室女。心下有冷積。如覆杯。按之如水聲。以熱手熨之。如水聚。來已十五年矣。恐斷我嗣。是故棄之。戴人曰。公勿黜也。如用吾藥。病可除。孕可得。卒從之。戴人診其脉沉而遲。尺脉洪大。而有力。非無子之候也。可不踰年而孕。其良人笑曰。試之。先以三聖散吐涎一斗。心下平軟。次服白朮調中湯五苓散。後以四物湯和之。不再月氣血合度。數月而娠。二子。戴人常曰。用吾此法。無不子之婦。此言不誣矣。

積塊一百二十九

巢菌劉子平妻。腹中有塊如瓢。十八年矣。經水斷絕。諸法無措。戴人令一月之內。涌四次。下六次。所去痰約一二桶。其中不化之物。有如菜者。爛魚腸之狀。涌時以水如意。搦之。覺病積如刮。漸漸而平。及積之既盡。塊痕反窪如臼。畧無少損。至是而面有童色。經水既行。若當年少。可以有子。

肥氣積一百三十

陽夏張主簿之妻病肥氣。初如酒杯大。發寒熱。十五餘年後。因性急悲感。病益甚。惟心下三指許。無病。滿腹如石片。不能坐卧。鍼灸罔矣。徒勞力耳。乃敬邀戴人而問之。既至。斷之曰。此肥氣也。得之季夏戊己日。在左脇下。如覆杯。久不愈。令人發瘡。瘡瘡者寒熱也。以瓜蒂散吐之。魚腥黃涎約一二缶。至夜繼用舟丸車通經散投之。五更黃涎膿水相半五六行。凡有積處。皆覺痛。後用白朮散當歸散和血流經之藥。如斯涌泄。凡三四次而方愈。

伏癥一百三十一

汴梁曹大使女。年既笄。病數血癥年。太醫宜企賢。以破血等藥治之不愈。企賢曰。除得陳州張戴人方愈。一日戴承語至汴京。曹大使乃邀戴人問焉。戴人曰。小腸遺熱于大腸。為伏癥。故結硬如塊。面黃不月。乃用涌泄之法。數年之疾。不再旬而効。女由是得聘。企賢問誰治之。曹大使曰。張戴人。企賢立使人邀之。

停飲一百三十二

一婦從年少時。因大哭罷。痛飲水。困卧水停心下。漸發痛悶。醫氏咸以為冷積。治之以溫熱劑。及禁食冷物。一聞茶氣。病輒作。如此數年。燎鍼燒艾。瘡孔數十。十餘年後。小便赤黃。大便秘悶。兩目加昏。積水轉甚。流于兩脇。世謂水癖。或謂支飲。嗣漆陵茂。攻

磨之藥竟施之矣。食日衰。積日茂。上至鳩尾。旁至兩脇及臍下。但發之時。按之如水聲。心腹結硬。手不可近者。月發五七次。甚則欲死。諸醫皆厭。二十餘年。求戴人發藥。診其脈寸口獨沉而遲。此胸中有痰。先以瓜蒂散涌痰五七升。不數日再越痰水及蚪。又數日上涌數升。凡三涌三下。汗如水者亦三。其積皆去。以流濕飲之。藥調之。月餘大瘥。

### 積氣一百三十三

寄西華縣庠山東顏先生。有積二十年。目視物不真。細字不覩。當心如頑石。每發痛不可忍。食減肉消。黑黥滿面。腰不能直。因遇戴人。令涌寒痰一大盆。如片粉。夜以舟車丸通經散。下爛魚腸。葵菜汁七八行。病十去三四。以熱漿粥投之。復去痰一盆。次日又以舟車丸通經散前後約百餘行。略無少困。不五六日面紅點去。食進目明。心中空曠。遂失頑石所在。旬日外來謝。

### 沉積疑胎一百三十四

脩弓杜匠。其子婦年三十。有孕已歲半矣。每發痛則召侍媪待之。以為將產也。一二日復故。凡數次。乃問戴人。戴人診其脈濇而小。斷之曰。塊病也。非孕也。脈訣所謂濇脈如刀刮竹形。主丈夫傷精。女人敗血。治之治法。有病當瀉之。先以舟車丸百餘粒。後以調胃承氣湯加當歸桃仁。用河水煎。乘熱投之。三兩日。又以舟車丸桃仁承氣湯瀉青黃膿血。雜然而下。每更衣以手向下推之。揉之。則出。後三二日。又用舟車丸以猪腎散佐



之一二日。又以舟車丸通經如前。數服病十去九。俟睛明當未食時。以鍼瀉三陰交穴。不再旬塊已沒矣。此與膈腹視五臟者復何異哉。

是胎非積一百三十五

鬚王之妻病。臍下積塊。嘔食面黃肌瘦而不月。或謂之乾血氣。治之無效。戴人見之曰。孕也。其人不信。再三求治于戴人。與之平藥以應其意。終不肯下毒藥。後月到果胎也。人問何以別之。戴人曰。尺脈洪大也。素問陰陽別論。所謂陰搏陽別之脈。

外積形

瘤一百三十六

戴人在西華。衆人皆訕以為吐瀉。一日魏壽之與戴人入食肆中。見一夫病一瘤。正當目之上網內。皆色如灰李。下垂覆目之睛。不能視物。戴人謂壽之曰。吾不待食熟。立取此瘤。魏未之信也。戴人曰。吾與爾取此瘤。何如其人曰。人皆不敢割。戴人曰。吾非用刀。割別有一術焉。其人從之。乃引入一小室中。令俛卧一牀。以繩束其臍。刺乳中大出血。先令以手揉其目。瘤上亦刺出。雀糞立平出。戶壽之大驚。戴人曰。人之有技。可盡窺乎。

膠瘤一百三十七

郃城戴人之鄉也。一女子未嫁。年十八。兩手背皆有瘤。一類雞距。一類角丸。腕不能釗。向明望之如桃膠然。夫家欲棄之。戴人見之曰。在手背為膠瘤。在面者為粉瘤。此膠瘤。

也。以銚鍼十字刺破。按出黃膠膿三兩匙。立平瘤核。更不再作。婚事復成。非素明者不敢用此法矣。

### 癭一百三十八

新寨婦人年四十餘。有癭三瓣。戴人令以鹹吐之。三涌三汗三下。癭已半消。次服化癭之藥。遂大消去。夫病在上者皆宜吐。亦自有消息之法耳。

### 痔一百三十九

趙君玉常病痔。鳳眼草刺。蝟皮槐根。狸首之類。皆用之。或以乾薑作末。塗猪肉炙食之。大便燥結不利。且痛後數日。因病黃。大涌瀉數次。不言痔作。麻先生偶記而書之。君玉自識。戴人之後痔更不發耳。





儒門事親卷之九

雜記九門

誤中涌法

嗽

張板村鹿子春一小兒七八歲夏月病嗽羸甚戴人欲涌之子春以為兒幼弱懼其不勝少難之一日因飲酒家人與之酒傷多乃大吐吐定而嗽止蓋酒味苦苦屬通劑子春乃大悟戴人之言也

疥

貨生藥焦百善云有堯夫來買苦參欲治疥不識藥性緩急但聞人言可治濃煎一碗服之須臾大吐涎一盆三二日疥作痂矣

赤目

一小兒名德孫眼發赤其母買銅碌欲洗兒目煎成家人誤與兒飲之須臾大吐吐訖立開

感風寒

焦百善偶感風寒壯熱頭痛其巷人點蜜茶一碗使啜之焦因熱服之訖偶思戴人語

戴人張子和著  
新安吳勉學校

曰。凡苦味皆能涌。百善兼頭痛。是病在上。試以筋探之。畢。其痛立解。

誤中寒涼

經閉

一婦人年二十餘歲。病經閉不行。寒熱往來。欬嗽潮熱。庸醫禁切無物可食。一日當暑出門。忽見賣涼粉者。以冰水和飲。大為一食。頓覺神清骨健。數月經水自下。

下血

一男子臟毒下血。當六月間。熱不可堪。自甘于死。忽思冰蜜水。猛捨性命。飲一大盃。痛止血住。

痢

一男子病膿血惡痢。痛不可忍。忽見水浸甜瓜。心酷喜之。連皮食數枚。膿血皆已。人言下痢無正形。是何言也。人止知痢是虛冷。溫之澁之。截之。此外無術矣。豈知風暑火濕燥寒六者皆為痢。此冰蜜甜瓜所以効也。

臨變不惑 涌法

戴人在西華夏公宅。其僕鄭驢病。法當吐。命女僮下藥。藥失不製。又用之太多。涌之不出。反悶亂不醒。乃告戴人。戴人令以新實馬槽既平。昇鄭驢卧其上。倒垂其頭。須臾大吐。吐訖而快。戴人曰。先宜少進。不涌旋加。西華一老夫病。法當吐。令門人樂景先下藥。景先初學。其人不吐。反下走二行。乃告戴

人戴人令取溫薑汁飲二碗。再下涌藥一錢。以雞翎探之。乃吐。既藥行。方大吐。吐訖。又安戴人曰。凡用吐藥。先以薑汁一碗橫截之。藥既咽下。待少頃。其雞翎勿令離口。酸苦鹹雖能吐人。然不擦何由出也。

李仲安宅。四婦人病。同日下涌劑。置燠室中。火兩盆。其一婦人發昏。衆人皆驚。戴人笑曰。內火見外火。故然昇之門外。使飲冰雪水立醒。時正雪晴。戴人曰。熱見寒則醒。衆由是皆服。非老手識練。必不能鎮衆人之驚也。

### 涌嗽

楊壽之妻。病嗽十餘年。法當吐之。一日不止。以麝香湯止之。夜半猶不定。再止之。明旦頗覺惡心。更以人參湯止之。二日稍寤。自下藥。凡三來。問戴人。不顧。謂藥景先曰。病久嗽藥已擒。病自然遲解。涌後調理數日乃止。戴人常言。涌後有頓快者。有徐快者。有反悶者。病未盡也。有反熱者。不可不下也。大抵三日後無不快者。凡下不止者。以冰水解之。凡藥熱則行。寒則止矣。

### 當禁不禁

病愈後犯禁而死

孟大亨病腫既平。當節食及鹽。血房室等。不慎病再。適戴人歸家。無救之者。乃死。

郟城董德。因病勞嗽。戴人曰。愈後當戒房事。其病愈。恃其安。觸禁而死。死後妻生一子。正當病瘥之日也。董初堅諱。至是乃彰。

一宦家小兒病痢自郢頭車載至朱葛寺入門而死戴人曰有病遠行不可車載馬馱病已擾矣又以車馬動搖之是為重擾其即死

陽夏韓氏為犬所噬大痛不可忍偏痒燥自莊頭載至家二十里一夕而死時人皆不知車之誤也戴人常言傷寒之後忌葷肉房事勞水腫之後禁房及油鹽滋味等三年滑泄之後忌油膩此三者決不可不禁也戴人常曰病久否閉忽得涌泄氣血冲和心腎交媾陽事必舉尤切戒房室元氣新至犯之則病再作恐罪于涌泄

不忌反忌

不忌口得愈

一男子病泄十餘年。豈寇阿膠訶子龍骨烏梅枯礬皆用之矣。中脘臍下三里。歲歲灸之。皮肉皴槁神昏足腫泄如泔水。日夜無度。戴人診其兩手脈沉且微曰生也。病人忽曰羊肝生可食乎。戴人應聲曰羊肝止泄尤宜服。病人悅而食一小盞許。可以漿粥送之。病人飲粥數口。幾半升。續又食羊肝生一盞許。次日泄幾七分。如此月餘而安。此皆忌口太過之罪也。戴人常曰胃為水穀之海。不可虛怯。虛怯則百邪皆入矣。或思葷茹。雖與病相反。亦令少食。圖引漿粥。此權變之道也。若專以淡粥責之。則病人不悅而食減。久則病增損命。世俗誤人矣。

不可忌口

戴人常曰臟毒酒毒下血嘔血婦人三十已下血閉六月七月間膿血惡痢疼痛不止

婦人初得孕。擇食者。已上皆不忌口。

高技常孤

戴人常曰。人言我不接衆工。戴人曰。余豈不欲接人。但道不同。不相為謀。醫之善。惟素問一經為祖。有平生不識其面者。有看其文。不知其義者。此等雖日相親。欲何說。止不過求一二藥方而已矣。大凡藥方。前人所以立法。病有百變。豈可執方。設于富貴之家。病者數工同治。戴人必不能從衆工。衆工亦不能從戴人。以此常孤。惟書生高士推者。復來日不離門。戴人又曰。我之術止。可以教書生。不能受醫者。忽授老書生曰。我是書生。豈不知書生。書生固多許。可以易慢。戴人問之曰。彼未嘗見予治病。故有是言。若親見予治病數十人。自反思矣。凡謗我者。皆望風取信于羣醫之口也。孔子曰。浸潤之譖。膚受之愬。不行焉。可謂明也已矣。

羣言難正

謫吐

或言人有病不可吐。人身骨節皆有涎。若吐出骨節間涎。令人偏枯。戴人問之曰。我之藥止是吐腸胃間久積。或膜盲間宿沫。皆是胃膈中溢出者。天下與一理也。但病有上下。故用藥有逆順耳。

謗三法

或言戴人汗下吐三法。欲該天下之醫者非也。夫古人醫法未備。故立此三法。後世醫



法皆備自有成說。豈可廢後世之法而從遠古。譬猶上古結繩。今日可廢書契而從結繩乎。戴人問之曰。易之法雖多。不離八卦五行。刑章雖多。不過笞杖徒流。岐伯曰。知其要者一言而終。然則岐伯亦誑人乎。大抵舉綱則簡。計目則繁。

### 誇峻藥

或言戴人用藥皆峻激。乃本草中下品藥也。豈可服哉。戴人曰。甚矣。人之不讀書。本草言上藥為君。中品為臣。下品為佐使者。所以辨其性剛柔也。內經言所謂君臣佐使者。非本草中三品之謂也。主治之為君。次君之謂臣。應臣之為佐使。假如大黃能治此病。則大黃為君。甘遂能治此病。則甘遂為君矣。若專以人參黃芪治人之邪氣。此庸工所以常誤人命也。李嗣榮言京中閑人云。戴人醫殺二婦。遂辭太醫之職而去。又有人云。昔曾醫殺穎守私遁而去。麻知幾初聞亦疑之。乃載見戴人于穎陽。觀其用藥。百發百中。論議該贍。應變無窮。其所治之疾。則不二三十年。即十年。或五六年。應手輒愈。羣醫之領袖。無以養生。及其歸也。誇言滿市。皆曰。戴人醫殺倉使耿四而去。時倉使以病卒。與余未嘗通姓名。耿曰。病嗽咯血。曾問戴人。戴人曰。公病消困。不可峻攻。宜以調養。戴人已去後而卒矣。麻先生乃肖李嗣榮所言。皆誣也。凡余所治之病。皆眾壞之證。將危且死而治之。死則當恕于戴人。又戴人所論按經切理。眾誤皆露。以是嫉之。又戴人治病多用峻激之藥。將愈未愈之間。適戴人去。羣醫毀之曰。病為戴人攻損。急補之。遂用

相反之藥。如病愈則我藥可久服。攻疾之藥可暫用。我方攻疾。豈欲常服哉。疾去則止藥。若果欲養氣。五穀。五肉。五菜。非上藥耶。亦安在枯草死木之根核哉。

病人負德愈後吝財

南鄉刀鑷工衛氏。病風。半身無汗。已再中矣。戴人以三法療之。尋愈。恐其求報。乃給曰。余夜夢一長髯人。鍼余左耳。故愈。巫者武媪。年四十。病勞三年。羸瘦不足。觀諸醫。枝絕。適五六月間。求治。願奉白金五兩。戴人治之。五六日而安。止答曰。白金三兩。乃曰。一道士投我一符。焚而吞之。乃痊。如此等人。不可勝計。若病再作。何以求治。至有恥前言而不敢復求治療。而殺其身者。此所以世之庸工。當正病時。以犀珠龍麝。丁沈木乳。乘其急而巧取之。然君子博愛。賢愚亦不當効若輩也。

同類始平

羣口誣戴人

有扶救之功。如死我則有攻擊之罪。明者不可不察也。麻先生常見他醫。言戴人能治奇病。不能治常病。能治雜病。不能治傷寒。他日見戴人。問以傷寒事。超然獨出。仲景言外之意。謂余曰。公慎勿殆。仲景紙上語。惑殺世人。余他日再讀仲景方。省其旨。戴人云。人常見傷寒。疫氣動時。輒避曰。大傷寒多變。須朝夕再視。若十人病。已不能給。况闔郡。廷中。皆親故人乎。其死生常在六七日之間。稍不往視。別變矣。以此他醫咸誚之。以為不能治傷寒。蓋未嘗其窺涯涘。浪為之訾云。

儒門事親卷之九

竹  
山  
集

卷  
九

四



儒門事親撮要圖卷之十

難素撮要究治

太		太初 也始之氣		太易 也氣見未	
戊胃	丁心	丙小腸	乙肝	甲膽	三焦
肺	心	包絡	小腸	大腸	三焦
手太陰 未濕土	手少陰 午君火	手厥陰 巳風木	手太陽 辰寒水	手陽明 卯燥金	手少陽 寅相火

從其氣則和

<p>人六腑。膽胃三焦膀胱</p>	<p>水穀之寒熱。感則害</p>	<p>可下之而已也。</p>	<p>天之邪。感則害人五臟。肝心脾</p>	<p>肺腎實而不滿。</p>	<p>氣之所感也。</p>	<p>是動則病者。</p>
-------------------	------------------	----------------	-----------------------	----------------	---------------	---------------

# 識病用藥之圖

極

太始

太素

形之始也

質之始也

巳脾

庚大腸

辛肺

壬膀胱

癸腎

膽

胃

膀胱

肝

腎

脾

申相火  
足少陽

酉燥金  
足陽明

戌寒水  
足太陽

亥風木  
足厥陰

子君火  
足少陰

丑濕土  
足太陰

違

其

氣

則

病

膀胱大腸小腸滿而不實。可吐之而已也。

地之濕氣。感則

害人皮肉筋脉

肌膚。從外而入。

可下之而已也。

所生病者。血

之所成也。

天此  
屬上二位天

屬

屬中二位人

屬

屬下二位地

屬

地論

大虛  
天面

風雲  
萬物  
之路  
之路

地面  
黃泉

六元

位無

金火合德

火

木火合德

火

土水合德

水

藏此

燥金主清

君火主熱

風木主溫

相火主極熱

濕土主涼

寒水主寒

象圖

肺  
象上焦天

心  
絡包

肝  
象中焦人

膽

脾  
象下焦地

腎

之添

圖之

下絡大腸

下絡小腸

下絡膽經

終

下絡胃

旁絡膀胱

外有風寒暑濕屬天之四令。無形也。內有饑飽勞逸屬天之四令。有形也。

一者始因氣動而內有所成者。謂積聚癥瘕。瘤氣癭起。結核狂發。癩癧。疏曰。癥堅也。積也。瘕氣血也。

二者始因氣動而外有所成者。謂癰腫瘡瘍疥癬疽痔。掉瘈浮腫。目赤燥。瘕肘腫痛痒之類是也。

三者不因氣動而病生于內者。謂瘤飲癖食。饑飽勞損。宿食霍亂。悲恐喜怒。想慕憂結之類是也。

四者不因氣動而病生于外者。謂瘴氣賊魅。蟲蛇蠱毒。伏尸鬼擊。衝薄墜墮。風寒暑濕。斫射割刺之類是也。

風水鬱之病

故民病胃脘當心而痛。四肢兩脇咽膈不通。飲食不下。甚則耳鳴眩轉。目不識人。善僵仆。筋骨強直而不用。卒倒而無所知也。

暑火鬱之病

故民病少氣。瘡瘍癰腫。脇肋胸背首面四肢。膜臄臄脹。瘍癩。逆瘕。癰骨痛節疼。及有動泄注下。溫瘧。腹中暴痛。血溢流注。精液衰少。目赤心痛。甚則昏悶。懊惱。善暴死也。

濕土鬱之病

故民病心腹脹腹鳴而為數後。甚則心痛脇腹嘔逆霍亂飲發注下。肘腫身重。脾熱之生也。

燥金鬱之病

故民病欬逆心腹滿引少腹。善暴痛不可反側。嗑乾面塵色惡。金勝而木病也。

寒水鬱之病

故民病寒客心痛腰推痛。大關節不利。屈伸不便。善厥痞堅腹滿。陰乘陽故也。

初之氣

自大寒至立春春分。厥陰風木之位。陽用事而氣微。故曰少陽得甲子元頭。常准以大寒交初之氣。分以六週甲子以應六氣。下倣一月正月二月少陽三陰三陽亦同。

二之氣

春分至小滿。少陰君火之位。陽氣清明之間。又陽明之位。

三之氣

小滿至大暑。少陽相火之位。陽氣發。萬物俱成。故亦云太陽旺。其脈洪大而長。天氣并萬物人脈盛衰。造物造化亦同。

四之氣

大暑至秋分太陰濕土之位天氣吉感夏後陰已用事故曰太陰旺此三陰三陽與天氣標本陰陽異矣脉緩大而長燥金旺緊細短濇以萬物乾燥明可見矣

五之氣

秋分至小雪陽明燥金之位氣衰陰盛故云金氣旺其脈細而微

終之氣

小雪至大寒太陽寒分之位陰極而盡天氣所收故曰厥陰旺厥者盡也

風水肝酸

達鍼

與膽為表裏東方木也色青外應目主治血芍藥味酸微寒澤瀉鹹平烏梅酸熱諸風掉眩皆属于肝水主動治法曰達者吐也其高者因而越之可刺大敦灸亦同

暑火心苦

發汗

與小腸為表裏南方火色外應舌主血運諸經大黃苦寒木香苦溫黃連苦涼沒藥苦熱

諸痛痒瘡瘍皆属于心火治法曰熱者汗之令其疎散也可刺少衝灸之亦同

濕土脾甘

奪鍼

與胃為表裏中央土也色黃應唇主肌肉應四時蜜甘涼甘草甘平諸濕腫滿皆属于脾土治法曰奪者瀉也分陰陽利水道可刺隱白灸亦同



燥金肺辛

清鍼

與大腸為表裏。西方金也。色白。外應皮。毛鼻亦。行氣乾薑。辛熱生薑。辛溫。薄荷。辛涼。諸氣憤鬱。皆屬於肺金。治法曰。清者。清膈利小便。解表可刺少商。灸亦同。

寒水腎鹹

折鍼

與膀胱為表裏。北方水也。色黑。外應耳。主骨髓。牡蠣。鹹寒。水蛭。鹹寒。諸寒收引。皆屬於腎水。治法曰。折之。謂抑之。制其衝逆。可刺涌泉。灸亦同。

大寒子上初之氣

初之氣為病多發。欬嗽。風痰。風厥。涎潮。痺塞。口喎。半身不遂。失音。風癩。風中。婦人胸中留飲。兩臍腹微痛。嘔逆。惡旋。運驚。悸狂。陽心風。搖擗。顫掉。初之氣。病宜以瓜蒂散吐之。在下泄之。

春分卯上二之氣

二之氣為病多發。風溫。風熱。經曰。風傷于陽。濕傷于陰。微頭痛。身熱。發作。風溫之候。風傷于衛氣也。濕傷于脾氣也。是以風溫為病。陰陽俱自浮。汗出身重。多眠。鼻息。語言難出。此已上二證。不宜下。若與巴豆大毒丸藥。熱證併生。重者必死。二之氣。病宜以桂枝麻黃湯發汗而已。

小滿已上三之氣

三之氣為病多發熱。皆傳足經者多矣。太陽陽明少陽太陰少陰厥陰。陽者發熱惡寒。頭項痛。腰脊強。陽明身熱目疼鼻乾不得卧。少陽者胸脇痛耳聾口苦寒熱往來而嘔。此三陽屬熱。太陰者腹滿咽乾手足自溫自利不渴。或腹滿時痛。少陰者故口燥舌乾而渴。厥陰者腹滿囊縮喘熱悶亂四肢厥冷。瓜甲青色。三之氣病宜以清涼上溫下養。不宜用巴豆丸下之。

### 大暑未上四之氣

四之氣為病多發暑氣。頭痛身熱發渴。不宜作熱病治。宜以白虎湯。得此病不傳染。次發脾泄胃泄大腸泄小腸泄大瘕泄霍亂吐瀉下痢及赤白相雜水穀不分消腸鳴切痛面浮足腫目黃口乾脹滿氣痞手足無力小兒亦如此。四之氣病宜滲泄五苓散之類。

### 秋分酉上五之氣

五之氣為病多發喘息嘔逆欬嗽。及婦人寒熱往來瘡癰痺痔消渴中滿。小兒疳癪瘡。五之氣病宜以大小柴胡湯。宜解治表裏之類。

### 小雪亥上終之氣

終之氣為病多發風痰。風寒濕痺四肢。秋收多冬水復旺。水濕相搏。肺氣又衰。冬寒甚。故發則收則痿厥弱無以運用。水液澄清冷。大寒之疾。積滯癥塊。寒疝血癥。凡氣之疾。



終之氣病宜破積發汗之類

肝之經足厥陰風乙水

是動則病腰痛不可以俯仰丈夫癩疝婦人少腹腫甚則嗑乾面塵脫色是肝所生病者胸滿嘔逆飧泄狐疝遺溺閉癢為此諸病

膽之經足少陽風甲木

是動則病口苦善大息心脇痛不能轉側甚則面微有塵體無膏澤足外反熱是為陽厥是主骨所生病者頭痛領痛目內眇痛缺盆中腫痛腋下腫馬刀俠癭汗出振寒瘧胸脇助髀膝外至脛絕骨外踝前及諸瘡皆痛小指次指不用為此諸病

心之經手少陰暑丁火

是動則病嗑乾心痛渴而欲飲是為臂厥是主心所生病者目黃脇痛膈臂內後廉痛厥掌中熱痛為此諸病

小腸經手太陽暑丙火

是動則病嗑痛領腫不可以顧肩似拔臑似折是主液所生病者耳聾目黃頰腫頸領肩臑肘臂外後廉痛為此諸病

脾之經足太陰濕己土

是動則病舌本強食則嘔胃脘痛腹脹善噫得後與氣則快然如衰身體皆重是主脾

所生病者。舌本痛。體不能動。搖食不下。煩心。心下急痛。溇瘕泄水。閉黃疸不能卧。強立。股膝內腫。厥足大指不用。為此諸病。

胃之經足陽明濕戊土

是動則病。灑灑振寒。善呻數欠。顏黑。至則惡人與火。聞木聲則惕然而驚。心欲動。獨閉戶塞牖而處。甚則欲上高而歌。棄衣而走。責響腹脹。是為肝厥。是主血所生病者。狂癡。溫淫汗出。軌衄。口喎唇胗。頸腫。喉痺。大腹水腫。膝膕腫痛。循膺乳氣衝股。伏兔。肝外廉足跗上皆痛。中指不用。氣盛則身以前皆熱。其有餘于胃則消渴。善饑。溺色黃。氣不足則身以前皆寒。悚。胃中寒則脹滿。為此諸病。

心包絡手厥陰為母血

是動則病。手心熱。臂肘攣急。腋腫。甚則胸脇支滿。心中憺憺大動。面赤目黃。喜笑不休。是主脈所生病者。煩心。心痛。掌中熱。為此諸病。

三焦經手少陽為父氣

是動則病。耳聾。渾渾焯焯。噎腫。喉痺。是主氣所生病者。汗出。目銳皆痛。耳後肩臑肘臂外皆痛。小指次指不用。為此諸病。

大腸經手陽明燥庚金

是動則病。齒痛。頸腫。是主津液所生病者。目黃。口乾。軌衄。喉痺。肩前臑痛。大指次指痛。

不用氣有餘則當脈所過者熱腫虛則寒慄不復為此諸病

肺之經手太陰燥辛金

是動則病肺脹滿膨脹而喘咳。缺盆中痛。甚則交兩手而脅。此為臂厥。是主肺所生病者。欬上氣喘渴。煩心胸滿。臍臂內前廉痛。厥掌中熱。氣盛有餘則肩背痛。風寒汗出。中風小便數而欠。氣虛則肩背痛。寒少氣不足以息。溺色變。為此諸病。

腎之經足少陰寒癸水

是動則病。饑不欲食。面如漆柴。欬唾則有血。喝喝坐而欲起。目眈眈如無所見。心如懸。若饑狀。氣不足則善恐。心惕。惕如人將捕之。是為骨厥。是主腎所生病者。口熱舌乾。噤腫。上氣噤乾及痛。煩心。心痛。黃疸。腸澼。脊股內後廉痛。痿厥嗜卧。足下熱而痛。為此諸病。

膀胱經足太陽寒壬水

是動則病衝頭痛。目似脫。項如拔。脊痛。腰似折。髀不可以曲。膕如結。踣如裂。是為蹠厥。是主筋所生病者。痔瘡。狂癲疾。頭顛項痛。目黃淚出。衄血。項背腰尻膕踣脚皆痛。小指不用。為此諸病。

風治法。風淫于內。治以辛涼。佐以甘草。以甘緩之。以辛散之。

- 防風通聖散
- 天麻散
- 防風湯
- 祛風湯
- 小續命湯
- 消風散
- 排風湯

暑治法。熱淫于內。治以鹹寒。佐以甘苦。以酸收之。以苦發之。

白虎湯 桂苓湯 玉壺丸 碧玉散 玉露散 石膏湯

濕治法。濕淫于內。治以苦熱。佐以鹹淡。以苦燥之。以淡泄之。

白朮木香散 桂苓白朮丸 五苓散 葶藶木香散 益元散 神功散

火治法。火淫于內。治以鹹寒。佐以甘辛。以酸收之。以苦發之。

涼膈散 解毒丸 神功丸 八正散 調胃散

大小承氣湯

燥治法。燥淫于內。治以苦溫。佐以甘辛。以辛潤之。以苦下之。

神功丸 麻仁丸 脾約丸 潤體丸 潤腸丸

四生丸 葶藶散

寒治法。寒淫于內。治以甘熱。佐以苦辛。以辛散之。以苦堅之。

薑附湯 四逆湯 二薑湯 木附湯 大戊己丸

附子理中湯

六門病證藥方

風門獨治於內者。

防風通聖散 防風天麻丸 防風湯 小續命湯 消風散

祛風丸

承氣湯

陷胸湯

神芎丸

大黃丸

備急丹

暑門獨治于外者。

白虎湯

桂苓甘露散

化痰玉壺丸

益元散

玉露散

石膏散

拔毒散

水澄膏

魚膽丸

金絲膏

生肌散

濕門兼治于內者。

五苓散

葶藶木香散

白朮木香散

益元散

大橘皮湯

桂苓白朮丸

神助散

大柴胡湯

小柴胡湯

柴胡飲子

防風通聖散

防風當歸飲子

火門兼治于外者。

涼膈散

黃連解毒湯

瀉心湯

神芎丸

八正散

調胃散

調胃承氣湯

桂苓湯

麻黃湯

小建中湯

升麻湯

五積散

燥門先治于內。後治于外者。

神芎丸

脾約丸

麻仁丸

潤體丸

四生丸



謂寒藥攻其裡。大黃兼牽牛之類。

謂熱藥攻其表。桂枝麻黃升麻之類。

薑附湯

四逆湯

二薑湯

朮附湯

寒門先治于外。後治于內者。

大已寒丸

理中丸

謂熱藥攻其表。

謂寒藥攻其裏。

內經濕變五泄。

六氣屬天。無形。風暑濕火燥寒。

五形。濕屬戊己。濕入肺經為實。

六味屬地。有質。酸苦甘辛鹹淡。

五臟濕屬脾胃。濕入大腸為虛。

胃泄風濕

夫胃泄者。飲食不化。完穀出。色黃。風乘胃也。宜化劑之類。

脾泄暑濕

夫脾泄者。腹脹滿。注實則生嘔逆。三證宜和劑。淡劑。甘劑。清劑之類。

大腸泄燥濕

夫大腸泄者。腸鳴切痛。先宜寒劑奪之。次甘劑分其陰陽也。

小腸泄熱濕

夫裹急後重。數至圜而不能便。先宜清劑。寒劑奪之。後以淡劑。甘劑分之。或莖中痛亦同。

金櫃十全之法

飧泄。春傷于風。夏必飧泄。暮食不化。亦成飧泄。風而飧泄者。先宜發劑。次宜淡劑。甘劑分劑之類。

洞泄。春傷于風。邪氣留連。乃為洞泄。瀉下褐色。治法同上。又宜灸分水穴。濕氣在下。又宜以苦劑越之。

洞泄寒中。洞泄寒中。俗呼曰休息痢。洞泄屬甲乙風木。可灸氣海。水分三里。慎勿服峻熱之藥。小便澁則生足腫。腹脹滿者。死于庚辛之日。如糞臭者不治。

霍亂。吐瀉水穀不化。陰陽錯亂。可服淡劑。調以水。水令頓服之則愈。注下。火氣太過。宜涼劑。又宜淡劑。調水。水令頓服之則愈。此為暴下不止也。

腫蠱。三焦閉澁。水道不行。水滿皮膚。身體否腫。宜越劑發劑奪劑。膜脹。濁氣在上。不散。可服水香檳榔丸。青皮陳皮。屬大腸為濁氣逆。肺金為清氣逆。

氣化則愈矣。腸鳴。燥濕相搏為腸鳴。中有濕亦為腸鳴。火濕相攻亦為腸鳴。治法同上。治之大効。

支滿。鶩瀉。上滿而後泄。下泄而後復上滿。治法同上。久則反寒。治法同寒中。如鶩瀉。

而腸寒者亦斯義風濕亦有支滿者

腸澼 大小便膿血治法同上又宜不二丸地榆散駐車丸及車前子等藥次宜淡劑

甘劑分劑之類

臟毒 下血治法同上又宜苦劑奪劑以苦燥之如酒毒下血同

大小便血 大小便治法同上血溫身熱者死火之成數七日而死如糞臭者不治

脫肛 大腸熱甚也用酸漿水煎三五沸稍熱漂洗三五度次以苦劑堅之則愈

廣腸痛 治法同上又大黃牽牛丸散奪之法燥瀆亦同痔漏廣腸痛腸風下血皆同

臟毒治法

乳痔腸風必肛門左右有核內經曰因而飽食筋脈橫解腸澼為痔屬大腸經可服枳殼之屬大癖生腸風乳痔相連

金櫃十全五泄法後論

天之氣一也一之用為風火燥濕寒暑故濕之氣一之一也相乘而為五變其化在天為雨在地為泥在人為脾甚則為泄故風而濕其泄也胃暑而濕其泄也脾燥而濕其泄也大腸熱而濕其泄也小腸寒而濕其泄也大瘕若胃不已變而為飧泄飧泄不已變而為洞泄洞泄不已變而為脾泄寒中此風乘濕之變也若脾泄不已變而為霍亂霍亂不已變而為注下注下不已變而為腫蠱此暑乘濕之變也若大腸泄不已變而



為臍脹。臍脹不已。變而為腸鳴。腸鳴不已。變而為支滿。驚澹。此燥濕乘之變也。若小腸泄不已。變而為腸辟。腸辟不已。變而為腸毒。腸毒不已。變而為前後便血。此熱乘濕之變也。若大瘕泄不已。變而為脫肛。脫肛不已。變而為廣腸痛。廣腸痛不已。變而為乳痔。腸風。此風乘濕之變也。凡此二十五變。若無濕則終不成疾。况脾胃二土共管中州。脾好飲。脾亦惡濕。此泄之所由生也。凡下痢之脈。微且小者生。浮大者死。水腫之反是。浮大者生。沉細者死。夫病在裏脈沉。在表脈浮。裡當下之。表當汗之。下痢而脈浮滑。水腫者脈沉細。表裡俱受病。故不治也。凡下血便血。兩手脈俱弦者死。絕俱滑大者生。血溫身熱者死。王太僕則曰。若下血而身熱。血溫是血去而外逸也。血厲火故也。七日而死者。火之成數也。夫飧泄得之于風。亦汗可愈。或伏驚怖。則膽木受邪。暴下綠水。蓋謂戊己見伐于甲木也。嬰兒泄綠水。素問有嬰兒風。理亦如之。洞泄者。飧泄之甚。但飧泄近於洞泄。洞泄久則寒中。溫之可也。治法曰。和之則可也。汗之則不可。蓋在腑則易治。入臟則難攻。洞泄寒中。自府而入臟。宜和解而勿爭。水腫之作者。未遽而然也。由濕遍于大腸。小溲自瀦。水濕既瀦。腫滿日倍。面黃腹大。肢體如泥。濕氣週身。難專一法。越其高而奪其下。發其表而滲其中。酸收而辛散。淡滲而苦堅。用攻劑以救其甚。緩劑以平其餘。如是則孤精得氣。獨魄反陽。亦可保形。陳莖去而淨府潔矣。彼豆蔻烏梅罌粟囊。勿驟用也。設病形一變。必致大誤。或通而塞。或塞而通。塞塞通通。豈限一法。世俗止知塞

劑之能塞而不知通劑之能塞者拘于方也。凡治濕皆以利小溲為主。諸泄不已宜灸水分穴。謂水穀之所別也。劑之上一寸半灸五七壯。腹鳴如雷。水道行之候也。凡濕勿鍼內經雖云謬刺其處。莫若以張長沙治傷寒法治之。蓋泄者亦四時傷寒之一也。仲景曰上涌而下泄。表汗而裏攻。半在表半在裏。則宜和解之。表裏俱見。隨證滲泄。此雖以治傷寒。其于治濕也。同。仍察脈以視深淺。問年壯以視虛實。所投必如其意矣。頃商水縣白堤酒監單昭信病殮。泄逾年不愈。此邑劉繼先命予藥之。為桂枝麻黃湯數兩。一劑而愈。因作五泄圖。撫難素本意。書錄于上。刊而行之。誠有望于後之君子。戴人張子和述。以上之圖。校改為篇法。

戴人張子和著  
新安吳勉學校

風論

論曰。人之生也。負陰而抱陽。人居一氣道在其中矣。外有八邪之相盪。內有喜怒之交侵。真氣內弱。風邪襲之。風之傷人。或為寒熱。或為疼痛。或為偏枯。或為拘攣。其候不一。風者善行而數變。此乃風者百病之始。萬病之長也。蓋內不得通。外不得泄。此謂之病生于變亂也。或失音而昏冒。或口目而喎斜。可用二聖散吐之。或不知人事者。或牙關緊急者。粥不能下。不能嚥者。煎三聖散。鼻內灌之。吐出涎沫。口自開也。次服無憂散。通解丸。通聖涼膈人參半夏丸。桂苓甘露散。消風散。熱除濕潤養液之寒藥。排而用之。切忌雞猪魚兔油膩酒醋。蕎麥動風之物。及引痰之食。大凡頭風眩暈。手足麻痺。胃脘發痛。心酸滿悶。按之有聲。若因風風寒濕三氣雜至。合而為痺也。在上謂之停飲。可用獨聖散吐之。吐訖後服清上辛涼之藥。通聖散加半夏之辛。仲景云。此痰結胸中而致也。大凡風癩病發。項強直視。不省人事。此及肝經有熱也。或有咬牙者。先用葶藶苦酒湯吐之。吐後可服瀉青丸下之。次服加減通聖散。顯咬牙證。用導赤散治之。則愈。如病發

者可用輕粉白礬礞石代赭石發過米飲調之。經云重劑以鎮之。

大凡人病雷頭懶于俗呼之謬名也。頭痛昏眩皆因浴髮而得之。即為首風。此因邪風在於胸中熱甚化而為痰風之所致也。可以茶調散吐之。吐訖次用藏用丸下之。後可服烏荊丸。若是雷頭者上部多有赤腫結核。或面熱無汗。經云火鬱發之。開導之。決之。可用銚針出血則愈。靈樞經云奪血者無汗。奪汗者無血。血汗俱蕩。豈不妙哉。衰老者可用涼膈解毒消風散熱為治。年壯者可以蕩滌積熱。大黃牽牛氣血宣通便無壅滯而愈。

凡人患目腫。經年不瘥。俗言頭風所注。更加頭痛者。豈非頭風者歟。此乃足厥陰肝之經。手少陰心之經。兼五臟俱有大熱也。可先用通解丸。通利大小便。大黃越桃飲子。治肝熱者。羌活決明散服之。大有神效驗矣。

凡人目有淚出。俗言作冷淚者非也。內經曰肝液不禁。此大熱薰蒸于肝也。熱極生風。風衝于外。火發于內。風熱相搏。此大淚出也。內外皆治。可以愈也。治外以貝母一枚。白膩者加胡椒七枚。不犯銅鐵。細研。臨卧點之。治內者去風散熱之劑。可用當歸飲子服之。陽熱極盛者。目睛發痛不可忍者。可用四物湯加漢防己。草龍膽。送下神芎丸。五七十丸。利三五行即愈。

凡人病痰發者。其證不一。蓋有五焉。一曰風痰。二曰熱痰。三曰濕痰。四曰酒痰。五曰沫。

痰諸痰在于膈上。使頭目不能清利。涕唾稠粘。或效唾喘滿。或時發潮熱。可用獨聖散吐之。次服加減飲子。或疏風丸。間而服之。內經曰。所謂流濕潤燥之義也。

凡人但冒風邪。溫病前三日在表。未入于裏。其候頭項強痛。身熱惡風寒。有汗無汗。腰痛不能俛仰。可用益元散五錢。通聖散五錢。相合服之。名曰雙解散。用水一大椀。生薑十餘片。連鬚葱白五七莖。豆豉一撮。煎至三五沸。去滓。先服大半。良久以釵子探咽喉中。吐出痰涎。不可嗽口。次又服少半。投之。如未汗出。更用葱醋酸辣湯再投之。衣被蓋覆。汗出則愈矣。氣交變大論云。歲火太過。炎暑流行。火氣太劇。肺金受邪。上應熒惑。大而明現。其病熱鬱。可用辛涼之劑。萬舉萬全。夫擾攘之世。藥宜以辛涼解火。治世人民安靜。如用升麻葛根湯。敗毒散。辛溫之劑。亦無加害。亦可加葱白鹽豉。上而越之。表而解之。內經曰。因其輕而揚之。揚者發揚也。吐汗之後。宜大將息。旬日之後。不可犯之。犯之其病復作也。

凡傷寒痲痛一法。若無藥之處。可用酸齏汁一大椀。煎三五沸。去菜葉。飲訖。候少時。用釵子咽喉中探吐。如此三次。再煎葱醋湯。投之。衣被蓋覆。汗出而瘥。內經曰。醋苦涌泄。為陰傷寒三日。頭痛身熱。病在上。宜涌之。涌後以淡粥養之。

又一法。用鳳凰臺散。置于鼻內。連嚏二三十次。噉藥時。坐于煖室中。嚏罷。以漿水粥投之。衣被蓋之。汗出而愈。嚏法同吐法用之。



一法導引若無藥處用之令人盤兩足而坐以兩手交十指攀頭後風池風府二穴此風之門也向前仰首數至于地如此連折點地一百二十數急以酸醋白湯投之汗出即解。

凡男子婦人小兒手足麻痺肌肉不仁者風寒濕三氣相雜至合為痺先用黃芩芍藥湯吐之吐訖次用通解丸通經而瀉之瀉訖更用辛甘之劑汗之汗瀉之後可用當歸清涼飲子兼烏荊丸除濕丹和血行經之藥則愈矣。

凡人病痰證發者比前論更多有三證顯證共成五也。一曰風痰。二曰熱痰。三曰濕痰。四曰酒痰。五曰食痰。諸痰在口上焦毒薰于頭者諸陽之會首也故令病人頭重目澁涕唾稠粘或欬嗽喘滿時發寒熱可用赤小豆湯吐之吐後各隨其證而治之可服消風去熱導濕化痰者可服通聖加半夏導氣之劑豈不妙哉如新暴風痰者形寒飲冷熱痰者火盛制金濕痰者停飲不散可服加減連翹飲子除濕丹無憂散亦有酒痰者解毒三聖丸主之五者食痰可用漢防己丸丹砂選而用之若依法服之決有神効。

論火熱二門

凡傷寒中風溫疫時氣冒暑感四時不正之氣若邪毒之氣人或感之始于巨陽受之二日陽明受之三日少陽受之前三日在于表陽也後三日在于裏陰也內經熱論通謂之傷寒熱病者言一身之熱氣也傷寒者外感于寒邪也夫傷寒之寒熱者惡寒為



表熱裏和。故惡寒。脈浮大也。發熱為裡熱。表和。故發熱。脈滑實也。可以吐法而解之。用拔雪湯。主之。生薑葱白豆豉同煎。葶藶苦酒湯上而越之。若病人脈沉實者。或不大便。喘滿譫語。不必拘日數。急攻于裏。可用通解丸。胃中渴燥者。大承氣湯下之。慎不可用銀粉。巴豆粉。霜杏仁。羌花熱性之藥。用之必致危殆。仲景云。調理傷寒者。皆在汗下之理。當明表裡無不愈矣。差之毫釐。失之千里。深可慎之。汗下之後。切宜慎口。可服淡粥而養之。不然其病復作。

又論傷寒七八日。潮熱腹滿。發黃有斑者。何臟使然。內經云。手太陰肺經。足太陰脾經。足陽明胃經。手少陰心經。此四經受病也。仲景云。兩寸口脈俱浮滑。胸中有痰攻上者。可用瓜蒂散吐之。吐後隨證調治。處藥發黃之證。皆因陽明中風。太陽中濕。瘀血與宿穀相搏。令人發黃。煎梔子茵陳蒿湯。調加減五苓散。服之後利小便快者。如皂角色汁。此為效矣。發斑者。心經受熱。故有此證。詳斑輕重用藥之理。輕者斑紅。可用越桃飲子。重者斑紫。毒氣胃中盛也。大青四物湯。玄參升麻湯。主之。潮熱腹滿者。謂邪熱在胃中。也可以蕩滌邪熱。流濕潤燥。宜急治之。雜病寸口脈沉實者。亦在胸中。有啟玄子注云。上盈不愈者。吐而奪之。此病乃瘰矣。斑黑者。危而難治也。黃病血病。問其小便利與不利也。驗又有頭痛數日不止者。此乃六陽受病也。手之三陽。從手走至頭。足之三陽。從下走至上。蓋六陽之聚會也。久痛不愈者。令人喪目。以胸膈亦有宿痰故也。先以

卷活散涌之。以川芎石膏散白虎湯選而服之則愈矣。

又一法治頭痛不愈者可煎連鬚葱白豆豉湯多服之後吐為効。吐後可服川芎薄荷湯辛涼之劑清上之藥。疎風丸散之類。仲景云傷寒頭痛脈寸口急而頭痛是也。

凡男子有病面黃身熱肌瘦寒熱往來如瘧狀更加涎嗽不止或喘滿面目浮腫者或身體俱熱或有自汗內經云病名傷寒夾勞之證也治之奈何病在上者其高者因而越之可用防己散吐之吐後切用通解丸一服次服人參黃耆散當歸飲子加減小柴胡湯擇而用之內經謂男女之證皆同類用其治法也依此調治無不取効矣。

凡人病心胸痞悶不欲飲食身體壯熱口燥舌乾大小便不利有一工治之說下元虛冷便投煖藥十數服其病不愈又一醫所論與前亦同又投煖藥五七日其證轉加困弱請余治之診脈而說曰審問日數飲食大小便何似小便赤色大便黑色便言傷寒瘀血之證初用大黃芍藥湯二劑次用犀角地黄湯二服後用通經丸一服換過大便秘黃色以為効驗此藥服十餘服方可病瘥矣。

凡男子婦人所顯症候皮膚發熱肌肉消瘦四肢倦怠兼有頭痛頰赤心忪唇乾舌燥日晡潮熱夜有盜汗涕唾稠粘胸膈不利或時喘嗽五心煩熱睡卧不安飲食減少多思水漿經脈不通病名曰何病奇病論曰女子不月血滯之病也男子腎虛精不足也凡法此證降心火益腎水此之謂也可先用通解丸瀉三二行次服當歸飲子又用加

減五苓散。木香三稜丸。人參黃芪散。犀角散之類。詳其虛實。選而用之。若咯膿咯血。大小便血。但亡血者。不可宣吐。勿服酸辛熱物。薑附之類。藥不可不戒慎也。若犯諸亡血之證者。不可發汗。不可溫補脾胃之藥。若服之。雖進飲食。不生肌肉。此病轉加危篤。乃成虛勞之病也。

凡醫人不明發表攻裏。亂投湯劑。有誤性命。更大忌。夏月燔灸中脘臍下。闕元氣。海背俞三里等。燔灸千百壯者。全無一効。使病者反受其殃。豈不痛哉。虛勞之疾。私嗜肉食。麪辛酸之物。不可食之。但可食者。謹按神農食療。而與之。菠薐菜。冰水。清涼之物。不可禁也。且圖寒涼。滑利腸胃。使氣血並無壅礙。燥澀。經曰。穀入于胃。脈道乃行。水入於經。其血乃成。若不忌慎。致令病人胃口閉澀。則形體漸瘦。此乃死之由也。諸勞皆做此。但諸人咯膿血。衄血。大小便血者。可服三黃丸。黃連解毒丸。涼膈散。加桔梗。當歸。大黃。芍藥。犀角。地黃湯。大作劑。時時呷之。內經曰。所謂邪熱傷于肝心之病。依此調治。萬舉萬全矣。

凡人年四十以上。日久多言。以致虛損。面色黧黑。飲食無味。心胸痞悶。四肢倦怠。肌體餘熱。大小便不利。治之奈何。內經曰。不可熱補之。夫男子腎虛水不足也。凡補虛之劑。多用烏附。天雄之類。豈知腎惡燥也。女子陰虛血不足也。凡補虛多以陽劑。是以知陽勝而陰虧也。不可用性熱之藥。補之。空心可服。加減八物丸。當歸飲子。減桂五苓散。煩

渴加益元名曰淡滲散。更服通解丸。顯仁丸亦可服之。大有神效。  
凡人有臟毒下血。何謂也。生氣通天論曰。邪熱傷肝。因而大飽。筋脈橫解。腸澀為痔。故  
膿血者。血隨熱行。參差入于腸胃之間。乃成瀉血也。若身體壯熱。則為難治。身涼者可  
治也。可先調中消血。蕩除積血。瀉之。三二行。瀉後服芍藥。檳皮丸。黃連解毒湯。五苓散。  
益元散。各停新汲水調下五七錢。甚者取地黃汁半盞服之。則愈矣。  
凡下利膿血腹痛不止者。何也。諸痛拜皆屬于心火也。可用通解丸加減瀉之。量其虛  
實用之。次用消濕散加生薑大棗芍藥服之。瀉訖。又用新水調五苓散服之。  
又一法。煎燈心湯調下益元散五七錢。此病大忌油膩腥葷熱物。

濕熱門

凡吐嘔而瀉。病名曰何也。內經熱論云。此乃轉筋霍亂之證也。何氣使然。此乃邪氣在  
於中焦。使陰陽二氣不能升降。其證心痛而吐。吐則先腹痛而瀉。心腹俱痛。則吐瀉並  
作。使致揮霍之間。自然撩亂。此證喜寒涼之物。可用水水調五苓散。益元則愈矣。大忌熱  
物。轉筋之病。治之奈何。經曰。勞者溫之。溫者溫存之意也。  
又一法。生薑湯益元散白朮散禹攻散加水沉冷細細呷之。渴未止者頻頻飲之。如無  
水。新汲水亦得用之。大忌白粥米湯桂附種種之燥藥。不可服之。服之必死。如無藥處  
可服地漿。地漿者掘地作坑。注新水于其中攪渾。旋旋取澄清者飲三五盞立愈。

凡大人小兒暴注水瀉不止。內經曰。此病暴速注瀉。久而不愈者為涌泄。注下。此乃火運太過之病也。火注暴速故也。急宜用新汲水調下甘露飲子。五苓散天水散。或用井花水煎此藥。放冷服之。病即瘥矣。不可用御米殼乾薑豆豉聖散子之類。縱然瀉止。腸胃氣滯不通。變為腹脹。此法宜分陰陽利水道。乃為治法之妙也。

上古天真論云。一陰一陽之謂道。故男女有陰陽之質不同。則天癸精血之形亦異。陰靜而海滿。血溢陽動而應合。精泄二者通和。故能有子。易繫辭曰。男女構精。萬物化生。人稟天地而成形也。

### 風門

凡中風失音。悶亂。口眼喎斜。內經曰。風之為病。善行而數變。感則害人。有倉猝之變。故百病皆生於風也。可用三聖散鼻內灌之。吐出涎。口自開也。如不省人事。牙關緊閉。粥藥不能下者。用此藥。如無此證。可三聖散吐之。次服通聖涼膈人參半夏丸。桂苓甘露散等。切忌雞猪魚兔酒醋蕎麥動風之物。引痰之食。吐痰之法。在方論中。

凡頭風眩暈。手足麻痺。胃脘發痛。心腹滿悶。按如水聲。可用獨聖散吐之。吐訖。可用清上辛涼之藥。仲景曰。此寒痰結在胸中而致然也。

凡癩病。至于呆證者。用三聖散吐之於煖室中。勿令透風。可以汗下吐三法俱行。次服通聖散百餘日。則愈矣。



凡雷頭懶干。俗呼之謬名也。此疾胸中有寒痰。由多沐之所致也。可以茶調散吐訖。三二升。次用神芎丸下訖三五行。然後服愈風餅子則愈矣。此雷頭者。是頭上有赤腫結核。或如酸棗狀。可用銇鍼出血則愈。

凡赤目經年不愈。是謂頭風所注。更加頭痛。可用獨聖散吐之。次服洗心散八正散之類。赤目腫作。是足厥陰肝經有熱。用利小便瀉肝經除風熱之寒藥則愈矣。

凡風衝泣下。俗呼為冷淚者。謬也。內經曰。大陽不能禁固。因風衝于外。火焚于內。風熱相搏。由此泣下。內經曰。熱則五液皆出。熱甚則淚出。治之以貝母一枚。白膩者佳。胡椒七枚。不犯銅鐵。研細點之。臨卧治法曰。風宜辛散。寒宜甘發。氣遇寒則凝。血得熱則散。凡諸痰在于膈上。使頭目不能清利。涕唾稠粘。或咳嗽喘滿。時發潮熱。可用獨聖散吐之。次服搜風丸之類。內經曰。所謂流濕潤燥之義也。

凡冒風時氣溫病。傷寒三日已裏。頭痛身熱惡寒。可用通聖散益元散各五七錢。水一大椀。入生薑十餘片。連鬚葱白十餘莖。豆豉一撮。同煎三五沸。去滓。先服多半。良久以釵子探于咽中。吐了。不得嗽口。次用少半投之。更用酸辛葱醋湯投之。衣被蓋覆。汗出則解。夫擾攘之世。常與內經歲火太過同法。歲火太過。炎暑流行。火氣大劇。金肺受邪。上應熒惑。大而明顯。若用辛涼之劑解之。萬舉萬全。人民安靜。則便同水化。可以升麻湯葛根湯敗毒散辛溫之劑解之。雖有潮熱。亦無加害。亦可加豆豉葱白上涌而表汗。



自出內經曰。因其輕而揚之。揚者發揚也。吐汗所以發寒熱之邪也。吐汗之後。必大將息。旬日之後。其邪不傷作也。

凡大人小兒。風濕寒三氣合而為痺。及手足麻痺不仁。內經曰。榮虛衛實。皮膚不仁。痺而不知痒痛。可用蔚金散吐之。次服導水丸。輕寒之藥。泄之。泄訖。次以辛溫之劑發散汗出。後常服當歸芍藥烏附行經和血之藥。則愈矣。

凡風蛀牙疼。久不愈者。用鍼籤巴豆一枚。以燈燎之。煙盡存性。于牙根盤上燻之。則愈。凡泄瀉米穀不化。日夜無度。腹中雷鳴。下利完穀。可用導水丸。禹攻散泄之。或病人老弱氣虛。可用無憂散泄之。再觀病勢強弱。候一二可服。胃風湯。以治其風。如不愈者。更服桂枝麻黃湯。汗之則愈。內經曰。夫風之中。為腸風飧泄。啟玄子云。風入胃中。上薰于胃。故食不化而下泄。又云。暮食不化。為飧泄。又經曰。春傷于風。夏為飧泄。故風宜出汗。腸中鳴者。風以動之。動而有聲。慎不可用豐粟豆蔻乾薑太燥之藥。病漸者。燥之去其濕。則愈。病甚者。攻之不動。反能為害。經曰。其減則漸。其加則甚。可用五苓散去猪苓。加人參散服之。

凡富貴膏粱之家。病瘧。或間日。或頻日。發。或熱多寒少。或寒多熱少。宜大柴胡湯下過。三五行。次服白虎湯。或玉露散。桂苓甘露散之類。如不愈者。是積熱太甚。以神芎三花神佑丸。調胃承氣湯等。大作劑料下之。下後。以長流水煎五苓散服之。或服小柴胡亦

可。或先以常山散吐之。後服涼膈白虎之類。必愈矣。大忌發熱之物。猪雞魚兔五辛之物。犯之則再發也。

凡田野貧寒之家。病瘧。為飲食麓糲。衣服寒薄。勞力動作。不與膏粱同法。臨發日可用野夫多効方中溫脾散治之。如不愈。服辰砂丹治之。必愈矣。如喫罷此藥。以長流水煎白虎湯服之。不服食熱物。為瘧疾是傷暑伏熱故也。內經曰。夏傷于暑。秋必病瘧。

凡男子婦人。骨蒸熱發。皮膚枯乾。痰唾稠粘。四肢疼痛。面赤唇焦。盜汗煩燥。睡卧不安。或時喘嗽。飲食無味。困弱無力。虛汗黃瘦等證。內經曰。男子因精不足。女子因血不流。而得此證。可以茶調散。輕涌訖。次以導水丸。禹功散。輕瀉。三五行後。服柴胡飲子。桂苓。

甘露散。犀角散之類。大搜風丸。白朮丸。調中湯。木香檳榔丸。人參散。量虛實選用之。或咯血便血。諸亡血者。並不宜吐。不可不知。慎勿服峻熱薑附之藥。若服之。飲食難進。肌肉消滅。轉加危篤。五勞之病。今人不明發表攻裏。遂誤至此。大忌暑月于手腕足踝。

上著灸。以其手足者。諸陽之表。起于五指之外。內經曰。諸陽發四肢。此穴皆是淺薄之處。灸瘡最難痊也。及胸穴中脫臍下背俞三里等穴。或有灸數百壯者。加以燔鍼。畧無寸効。病人反受苦楚。可不思之。勞疾多饒。所思之物。但可食者。宜照食療本草而與。波。

菜。葵羹水。水涼物。慎不可禁。且因水穀入胃。脈道乃行也。若遇禁。則胃口閉。而形體漸瘦。而脈大。乃死之候也。諸勞皆倣此。

凡病人虛勞多日無力別無熱證者宜補之可用無比山藥丸則愈矣

凡痔漏腫痛內經曰因而大飽筋脈橫解腸辟為痔而不愈變為漏痔與漏其治同法至真要大論云太陽之勝凝凜且至非時水水痔瘡取法注云水氣太勝陽火不行此言陽火畏水鬱而為痔又少陰之復痺疹瘡瘍癰疽瘰癧注云火氣內蒸金氣外拒陽熱內鬱故為痺疹瘡瘍疹甚亦為瘡也熱少則外生痺疹熱多則內結癰瘰小腸有熱則中外為痔其熱復之變皆病于身後及外側也又靈樞云太陽經虛則為痔瘡癰疾蓋水虛則火所乘故也可先用導水丸禹功散瀉訖次服枳殼丸木香檳榔丸更以葵羹渡菜通利腸胃大忌房室雞魚酒醋辛熱之物

凡富貴之人痰嗽多是厚味所致內經云所謂味厚則發熱可服通聖散加半夏以止咳更服人參半夏丸以化痰墜涎止咳定喘貧乏之人多感風冷寒濕內經曰秋傷于濕冬生欬嗽可服寧神散寧肺散加白朮之類若效極面赤煩冤半晌者此火化乘肺也宜詳辨之

凡大人小兒病沙石淋及五種淋澀癢閉并臍腹痛益元散主之以長流水調下蓋因熱在膀胱燥其津液故俗謂冷淋者天下之通弊也五苓散減桂加益元散名曰淡滲散凡兩目暴赤痛者腫不止睛脹胬肉結成翳膜速宜用稗草左右鼻竅內彈之出血立愈病甚人顯上百會穴攢竹眉間皆可出血則愈矣口噙水緊扣衣領不可便噴水

候血盡便吐了水。蓋暴赤腫痛腫。乃龍火之疾。養成之熱也。難經曰。目得血而能視。不得已而用之。血化淚痛而所出。經曰。本病相傳。先以治其氣。急則治其標。緩則治其本。又一法。兩目赤腫發痛不止。用長流水煎鹽湯吐之。次服神芎丸。四物湯之類。經曰。暴病暴死。皆屬于火也。又曰。治病有緩急。急則治其標。緩則治其本。標者赤腫也。本者火熱也。鹽湯鹹寒。所以制火。兩目赤腫痛不能開者。以青金散鼻內嚙之。嚏之。真氣上涌。邪氣自出矣。

凡大人小兒。口瘡唇緊。用酸漿水洗去白痴。臨卧貼赴筵散。如不愈。貼鉛白霜散。必愈矣。

凡婦人男子。喉閉腫痛不能言者。刺兩手大拇指爪甲。如韭葉。少商井穴也。以銚鍼淺刺去血立愈。如不愈。以溫血湯口中含漱。是以熱導熱之法也。

凡頭腫痛瘰癧。及胸臆脇肋之間。或有瘡痂腫核不消。及膿水不止。可用滄鹽一二兩炒過。以長流水一大碗煎之。放溫作三五次頓服。訖良久于咽喉中以釵股探引吐之。去冷痰三二升。次服和血通經之藥。內經曰。鹹味涌泄為陰。銅人記。少陽起于目銳眦。行耳後下脇肋。過期門。瘰癧結核。馬刀挾癭。足少陽膽經。多氣少血之病也。

凡癭瘰腫悶。養生論云。兩山挾水。其人多癭疾。土厚水深。其人多癭。地勢使然也。此可服人參化癭丹。自消癭藥。多用海藻海帶。味屬鹹寒。

凡背瘡初發便可用藏用丸玉燭散大作劑料下臟腑一二十行。次用銚鍼于腫焮處循紅暈周圍內密刺三層出血盡以溫軟帛拭去血甚者百會委中皆出。後用陽起散傳之不可便服十味內托散其中犯官桂更用酒煎男子以背為陽更以熱投熱無乃太熱乎。

凡便癰者謬名也。乃男子血疝也。難素所不載。然而厥陰肝之經絡是血流行之道。路也。衝脈任脈督脈亦屬肝經之旁絡也。難經曰男子七疝血疝者乃七疝之一也。治以導水丸桃仁承氣湯或抵當湯投之。同瘀血法聚而不散。可以大作劑料大瀉一二十行。次以玉燭散和血通經之類是也。世人多用大黃牡蠣間有不愈者。是不知何血通經之道也。

凡下疳久不愈者。俗呼曰臊疳。可以導水丸禹功散先瀉肝經訖。以木香散傳之。日上一三兩度。後服淡粥一二日止。

凡一切惡瘡久不愈者。以木香檳榔散貼之則愈矣。

凡男子婦人欬逆俗呼曰喫忒。乃陰陽不和之故。火欲上行。為寒所抑。寒不勝火。故作凝滯之聲。傷寒亦有此證。並宜既濟散治之。

濕門

凡男子婦人病水濕瀉注不止。因服豆蔻烏梅薑附酸熱之劑。經曰陽氣耗減于內。陰



精損削於外。三焦閉溢水道不行。水滿皮膚。身體痞腫。面黃腹大。小便赤色。兩足按之陷而不起。內經曰。諸濕腫滿皆屬脾土。可用獨聖散吐之。如時月涼寒。宜于燠室不透風處用火一盆。藉火力出汗。次以導水禹功量病人虛實。瀉十餘行。濕去腫減則愈矣。是汗下吐三法俱行。三法行畢。臟腑空虛。先宜以淡漿粥養腸胃。三兩日。次服五苓。益元同煎。或燈心湯調下亦可。如大勢未盡。更服神功散。可以流濕潤燥。分陰陽利水道。既平之後。宜大將息。慎忌油鹽酒果房室等事。三年則不復作矣。

凡上喘中滿。酸心腹脹。時時作聲。痞氣上下不能宣暢。叔和云。氣壅三焦。不得昌是也。可用獨聖散吐之。次用導水禹功散。輕瀉三四行。使上下無礙。氣血宣通。並無壅滯。後服平胃散。五苓散。益元甘露散。分陰陽利水道之藥。則愈矣。

凡老人久病大便澀滯不通者。可服神功丸。麻仁丸。時時服葵羹。菠菜。自然通利也。凡三焦者。內經所謂肺消渴等。可取生藕汁服則愈。

### 寒門

經曰。寒瘍流水。俗呼為凍瘡。因冬月行于冰雪中而得此證。或經年不愈者。用坡野中淨土。熬乾。以大蒜研如泥土。捏作餅子。如大觀錢厚薄。量瘡口大小貼之。以火艾加于餅上灸之。不計壯數。以泥乾為度。去乾餅子。再換濕餅灸。不問多少。直至瘡痂覺痛。痒是瘡活也。然後口含漿水洗漬。用雞翎一二十莖。縛作刷子。于瘡上洗刷淨。以此洗刷。



不致肌肉損傷也。以軟帛拭乾。次用水香檳榔散傳之。如夏月醫之更妙。

內傷

凡一切冷食不消。宿食不散。亦類傷寒。身熱惡寒。戰慄頭痛。腰脊強。不可用雙解散。止可導飲丸。水香檳榔丸。五六十丸。量虛實加減。利五七行。所傷冷物。宿酒。推盡。頭痛病自愈矣。次以五苓散。生薑棗煎。用長流水煎取五六錢。不可服酒。癥丸。進食丸。此藥皆犯巴豆。有大毒故也。

凡膏粱之人。起居閒逸。奉養過度。酒食所傷。以致中脫留飲。惡悶痞膈。醋心。可服水香導飲丸治之。若由野蕩蕩之人。食疎衣薄。動作勞役。若酒食所傷。心腹滿悶。醋心。時時吐酸水。可用進食丸。以其勝毒也。病甚者。每月瀉三五次。

凡一切沉積。或有水不能食。使頭目昏眩。不能清利。可茶調散吐之。次服七宣丸。水香檳榔丸。

凡人咳嗽一聲。或作悲笑啼泣。擡鼻重物。忽然腰痛氣刺。不能轉側。或不能出氣者。可用不卧散。嚏之。汗出痛止。

外傷治法

凡一切刀器所傷。用風化石灰一觔。龍骨四兩。二味為細末。先于端午日。採下刺薊菜。於端午日五更合搗和成團子。中間穿眼。懸于背陰處。陰乾。搗羅為末。于瘡上摻貼。亦

得裏外腫瘡并諸雜瘡皆効

凡犬咬蛇傷不可使貼膏藥及生肌散之類內經云先治內而後治外可也先當用導水丸禹功散之類可瀉驚恐不散毒氣或瀉十餘行即時痛減腫消然後可用膏藥生肌散之類傳之則愈矣

凡一切蟲獸所傷及背瘡腫毒杖瘡焮發或透入裏者可服木香檳榔丸七八十九或至百餘丸生薑湯下五七行量虛實加減用之內經曰先治內而後治外是也

凡落馬墜奔因而打撲便生心志是痰涎散于上也內經曰所謂因氣動而病生于外宜三聖散空心服之如本人虛弱瘦瘁可用獨聖散吐之後服安魄之藥如定志丸之類牛黃人參朱砂之屬

### 婦人風門

凡婦人頭風眩暈登車乘船眩暈眼澁手麻髮脫健忘喜怒皆胸中宿痰所致可用瓜蒂散吐之次以長流水煎五苓散大人參半夏丸

凡婦人腰膝痛兩脚麻木惡寒喜暖內經曰風寒濕合而為痺先用服除濕丹七八十丸量虛實以意加減次以禹功散投之瀉十餘行清冷積水青黃涎沫為驗後用長流水煎生薑棗同五苓散服之風濕散而氣血自和也

凡婦人乳癰發痛者亦生于心也俗呼吹癰是也吹者風也風熱結于乳房之間血脈

凝注久而不散。潰腐為膿。宜用益元散。生薑湯調下。冷服。或新汲水時時呷之。勿輟。晝夜可三五十次。自解矣。或煎解毒湯頓服之。

### 火類門

凡婦人月事沉滯。數月不行。肌肉漸減。內經曰。小腸熱已滿。移熱于大腸。則伏瘕為沉。沉者。月事沉滯不行。故云伏瘕。急宜桃仁承氣湯。加當歸。大作劑。煎服。不過三服。立愈。後用四物湯補之。更宜服宣明中檳榔丸。

凡婦人血崩。或年及四十已上。或悲哀太甚。故內經曰。悲哀太甚。則心系急。心系急。則肺舉而上焦不通。熱氣在中。故經云。血崩。下心系者。血山也。如久不愈。則面黃肌熱。瘦弱。慎不可以熱治之。蓋血得熱而散。故禁之。宜以當歸散等藥治之。

凡婦人年五十以上。經脈暴下。婦人經血。終于七七之數。數外暴下者。此乃內經所謂。火主暴速。亦因暴喜暴怒。憂愁驚恐。致然。慎勿作冷病治之。如下峻熱藥治之。必死。止宜黃連解毒湯以清上。更宜蓮殼棕毛灰以滲其下。然後用四物湯。玄胡索散。涼血和經之藥也。

凡婦人月事不來。室女亦同。內經曰。謂月事不來。皆宜胞脈閉也。胞脈者。屬心。而絡于胞中。令氣上通于肺。心下不通。故月事不來也。可用茶調散吐之。次用玉燭散。芫蕪湯。三和湯。桂苓白朮散之類。降心火。益腎水。開胃進食。分陰陽利水道之藥。皆是也。慎勿

服峻熱有毒之藥。若服之。變成肺痿。骨蒸潮熱。欬嗽咯膿。嘔血喘滿。大小不便。寢汗不止。漸至形瘦脈大。雖遇良醫。亦成不救。嗚呼人之死者。豈命使之然也。

凡懷孕婦人病瘧。可煎白虎湯。小柴胡。柴胡。飲子等藥。如大便結硬。可用大柴胡湯。下微利。過不可大吐瀉。恐傷其孕也。經曰。夏傷于暑。秋必痲瘧。

凡雙身婦人。傷寒時氣。溫疫。頭痛身熱。可用升麻散。一兩水半碗。大作劑料。去滓分作二服。先一服吐了。後一服勿吐。次以長流水。加生薑棗。煎五苓散。熱以之汗盡。其痛立止。

凡雙身婦人。大小便不利。可用八正散。大作劑料。去滑石。加葵菜子煎服。經曰。膀胱不利為瘕。瘕者小便閉而不通也。如八正散。加木香。取効更捷。經曰。膀胱氣化。則能出焉。然後服五苓散。三五服則愈矣。

凡婦人身重九月。而瘕瘕不言者。是胞之絡脈不相續也。故不能言。經曰。無治也。然有是言。不若煎玉燭散。二兩水半碗。同煎至七分。去滓入蜜。放溫時時呷之。令大下降。肺金自清。故聲復出也。肺主聲音也。

凡婦人難產者。皆因燥溢緊斂。故產戶不得開通。宜先于降誕之月。自月之日。用長流水調益元散。日三服。產必易。產後亦無一切虛熱。氣血不和之疾。如未八月。則不宜服之。以滑石滑胎故也。

凡婦人大產後。或臍腹腰痛。乃敗血惡物之致然也。醫者便作虛冷。以燥熱藥治之。誤已久矣。難經曰。諸痛為實。實者熱也。可用導水丸禹功散。瀉三五行。然後以玉燭散和血通經降火益水之藥治之。獨不可便服黑神散燥熱之藥。當同半產治之。

凡婦人產後心風者。不可便作風治之。宜調胃承氣湯二兩。加當歸半兩。細剉用水三四盞。同煎去滓。分作二服。大下三五行。則愈矣。如未愈。以三聖散吐之。蓋風狂便屬陽。凡婦人產後一二日。漸熱口乾。可用新汲水調玉燭散。或水調甘露散。亦効。勿作虛寒治之。

濕門

凡婦人赤白帶下。或出白物如脂。可服導水丸禹功散。或單用無憂散。量虛實加減。泄訖。服桂苓散五苓散。葶藶木香散。同治濕法。或用獨聖散。上涌亦是。室女白帶下。可用茶調散吐之。吐訖。可服導水丸禹功散。瀉之。次服葶藶木香散。四物湯。白朮散之類。則愈矣。治白帶者。同瀉濕法。則是也。婦人有濁污水不止。亦同此法也。

寒門

凡婦人年二三十。無病而無子。經血如常。或經血不調者。乃陰不升而陽不降。此上下不得交通。有所滯礙。不能為用。故也可用獨聖散。通訖。寒痰二三升。後用導水丸禹功散。泄三五行。或十餘行。單用無憂散。泄十餘行。見虛寒。熱虛實用之。次服蔥白粥三五



日胃氣宣通。腸中得實。可服玉燭散。更助白朮散茯苓之類。降火益水。既濟之道。當不數月而有孕。內經曰。婦人有癢痔遺溺。嗑乾諸症。雖服妙藥鍼灸。亦不能孕。蓋衝脈督脈任脈。有此病。不能孕故也。

半產

凡婦人半產。俗呼曰小產。或三四月。或五六箇月。皆為半產。以男女成形故也。或因憂恐暴怒。悲哀太甚。或因勞力撲打損傷。及觸冒暑熱。慎勿用黑神散。以其犯熱藥。恐轉生他疾。止宜用玉燭散和經湯之類。

凡婦人天生無乳者。不治。或因啼泣暴怒鬱結。氣血閉塞。以致乳脈不通。用精猪肉清湯調和美味。于食後調益元散五七錢。連服三五服。更用木梳梳乳房週迴。則乳汁自下也。

又一法。猪蹄調下益元散連服之。

又一法。針肩井二穴。長驗。

小兒風門

凡小兒三五歲。或七八歲。至十餘歲。發驚涎潮。搐搦如拽鋸。不省人事。目瞪喘急。將欲死者。內經曰。此者得之在母胎胞之所。受季惕驚駭恐懼之氣。故令小兒輕者為驚風。天吊重者為癩病。風搐胎中積熱者為疳風。已上諸風證。可用吐涎散吐之。吐訖宜珠



辟龍麝清涼墜痰之藥。其食乳子母皆宜服之。安魂定魄之藥。定志丸之類是也。故婦人懷孕之月。大忌悲憂驚怖。縱得子必有前疾。小兒風熱涎嗽者。可以通聖加半夏同煎溫服。

凡小兒疳澁眼數日不開。皆風熱所致。可服涼膈散。瀉肝經風熱。鬱甚鬱結散而自開也。

凡小兒通身浮腫。是風水腫也。小便不通者。宜利小便則愈。內經曰。三焦閉塞。水道不利。水滿皮膚。身體痞腫。是乘之故。可用長流水加燈心煎五苓散。時時呷之。更于不透風處浴之。汗出則腫消。一汗減半。再汗減七八分。三汗消盡。內外俱行也。

## 二火類

凡小兒瘡疱癩疹。癩瘡丹燥等疾。如遇火運勝時。榮惑亂行之者。不可使用升麻散解之。升麻湯味辛性溫。內經曰。積溫而成熱。是謂重火。止可以辛涼之劑解之。如遇平時。可以辛溫。蓋平時無事。便同水化。然而更宜審察病機。甚者亦不可以辛溫。但發散之後。便以涼膈散加當歸及白虎湯玉露散煎服之。更甚者解毒湯調胃散下之。古人云。癩疹瘡疱。首尾俱不可下。皆誤矣。豈不聞揚湯止沸。不如抽薪。內經曰。五疔五疔之歲。多發此病者。蓋明相火之所為也。又曰。少陽客氣勝。丹疹外發。又曰。諸痛痒瘡瘍皆屬心火。王太僕又謂百端之起。皆自心生。豈可使用辛溫發散乎。致熱勢增劇。漸成臟毒。

下血。咬牙發搐。大熱明矣。如白虎加人參。涼膈散加當歸。桔梗。勿問秋冬。但見瘡疹。用之神良。

凡小兒瘡疱癩疹。麤瘡丹。燥斑毒之後。腸毒下血。內經曰。少陽客氣勝。則丹燥瘡疹于外也。蓋餘熱不解。故腸毒下血。治以黃連解毒湯。白虎湯。涼膈散。臨證選而用之。所謂白虎舊說。秋冬勿用。皆誤也。但有此證。便用之。蓋其證屬相火故也。大人亦同。

凡小兒丹瘤浮腫。毒赤走引。遍身者。乃邪熱之毒者。可用磁片。搬出紫血。其病立愈。如

不愈者。後用涼膈散。加大黃芒硝。利三五行。為妙。次用拔毒散。掃三五度。必愈矣。經曰。

丹燥赤瘡。火之色也。相火主之。

凡小兒有赤瘡。微毒腫。可先用牛黃通膈丸瀉之。後用陽起石散傳之。則腫毒自消。如

瘡是也。多在面部兩耳前。一法令母口中嚼白米成。兒并母皆忌雞猪魚兔酒醋。動風發熱之物。如治甜

之轍耳。足上瘡。謂之靴癬。此三者一究其本。皆謬名

熱劇而致然也。或謂內經曰。大槩不可使熱。以為皆

用非減刺之出血。一刺不愈。當復刺之。再刺不愈。

凡小兒有赤瘡。微毒腫。可先用牛黃通膈丸瀉之。後用陽起石散傳之。則腫毒自消。如

則三刺必愈矣。內經曰：血實者決之。眉煉不可用藥傳之。以其瘡多痒痒則爬矣。藥入眼則目必損矣。

凡小兒牙疳齒齲者。是斷腐爛也。下牙屬手陽明大腸之經。燥金為主。上牙屬足陽明胃經濕土。上下是腸胃二經也。或積熱于內。或因服銀粉巴豆大毒之藥。入于腸胃。乳食不能勝其毒。毒氣循經而至于齒。斷牙縫嫩薄之分。反內害也。可以射香玉線子治之。乳母臨卧常服黃連解毒湯一服。牙疳病則愈矣。

凡小兒身熱吐瀉腹滿不進飲食。可急與牛黃通膈丸下四五行。則自愈矣。蓋乳食便屬水。甚則成濕。以治濕法治之。用燥熱之藥非也。

凡小兒水泄不止。可用五苓散與益元散各停。用新水調下三二錢。頻服不拘時候。若暴速注下。甚者屬火。涼膈通聖等散治之。用者勿輕。非深于造化者未易此語。

凡小兒大人小便不通。內經謂三焦約約者不行也。可用常流水煎八正散。時時嚙之。大小便利則止。若不因熱藥所攻而致此者。易治。或因多服熱藥而燥劇至此者。非惟難治。不幸天耳。亦可用蜜水調益元散送通膈丸。

凡小兒久瀉不止。至八九月間。變為秋深冷痢泄瀉者。清白。時時撮痛。乳癖不化。可用養脾丸如黍米大。每服二三十丸。米飲送下。日進三服。則愈。益黃散亦可用之。

凡治小兒之法。不可用極寒極熱之藥。及峻補峻瀉之劑。或誤用巴豆杏仁硫黃膩粉。

之藥。若用此藥。反生他病。小兒易虛易實。腸胃嫩弱。不勝其毒。若治之用。分陰陽。利水道。最為急。用桂苓甘露散之類。

戴人張子和著  
新安吳勉學校

吐劑

三聖散

防風三兩去蘆

瓜蒂三兩

兩搏淨研破以蒂卷定連紙剉細去紙用鹿羅子

藜蘆去苗

及心加減用之或一兩或半兩或一分

右各為麤末每服約半兩以蘆汁三茶盞先用二盞煎三五沸去蘆汁次入一盞煎至三沸却將原二盞同一處熬二沸去滓澄清故溫徐徐服之不必盡劑以吐為度

瓜蒂散

瓜蒂五斤

赤小豆五斤

人參半兩去蘆

甘草半兩或二錢五分

右為細末每服一錢或半錢或二錢量虛實加減用之空心蘆汁調下服之

稀涎散

猪牙皂角

不蛀者去皮弦秤一兩交用之

碌礬

藜蘆半兩

右為細末每服半錢或一二錢幹開牙關漿水調下嚥之

藜蘆散



蔚金

滑石

川芎各半

右為細末。每服一二錢。量虛實加減。以釐汁調下。空心服之。

茶調散亦一名二仙散

瓜蒂木以多少。好茶中停。

右為細末。每服二錢。釐汁調下。空心用之。

獨聖散

瓜蒂木以多少。

右為細末。每服一錢。或二錢。釐汁調服之。脇痛加全蝎。頭痛加蔚金。

碧雲散治小兒驚風有涎

膽礬半兩

銅青一分

粉霜一錢

輕粉一分

右研為細末。每服一字。薄荷湯調下用之。如中風。用漿水調服。

常山散

常山二兩

甘草半兩

右為細末。水煎空心服之。

青黛散

右為細末鼻內灌之其涎自出

汗劑

防風通聖散

防風 川芎

當歸 芍藥

大黃 薄荷

麻黃去根不

連翹

芒硝輕略

石膏

黃芩

桔梗二兩各

滑石錢三

甘草二兩

白朮

山梔子二兩各

右為麤末每服五七錢水一大盞生薑三片煎至七分去滓熱服如涎嗽加半夏五

錢生薑製過

雙解散

通聖散與益元散相合中停水一鍾生薑豆豉葱白同煎

浮萍散

治癩風

浮萍兩 荆芥

川芎

甘草

麻黃槌

已上各一兩或加當歸芍藥

右為麤末每服一兩水二盞煎至七分去滓溫服汗出則愈

升麻湯

升麻去

葛根

芍藥

甘草炒

已上各一兩

右為麤末每服三錢水一盞半煎至七分去滓溫服不拘時候

麻黃湯

麻黃去槲

官桂銹

甘草乾三錢

杏仁尖十二箇去皮

右為麤末每服三錢水一鍾煎至七分去滓溫服汗出自解

桂枝湯

桂枝兩茯苓兩芍藥兩甘草銹

右為麤末每服三錢水一盞生薑棗一同煎溫服

下劑

導水丸

大黃兩黃芩兩滑石兩黑牽牛取四兩末

甘遂一兩去濕熱腰痛泄水濕腫滿久病則加

白芥子一兩去遍身走注疼痛

加朴硝一兩退熱散腫毒止痛久毒宜加

郁李仁一兩散結滯通關節潤腸胃行滯氣通血脈

樟柳根一兩去腰腿沉重

右為細末滴水丸梧桐子大每服五十九或加至百丸臨卧溫水下

禹功散

黑牽牛頭末四箇查一兩

或如人

右為細末。以生薑自然汁調一二錢。臨卧服。

通經散

陳皮去

當歸略一

甘遂以麩出胞冷水浸過去煮百餘乾

右為細末。每服三錢。溫湯調下。臨卧服。

神祐丸

甘遂難臍

大戟醋浸煮乾用

芫花醋浸煮各半兩

黑牽牛兩

大黃兩

右為細末。滴水丸小豆大。每服五七十九。臨卧溫水下。

琥珀丸

右以前神祐丸。加琥珀一兩是也。

益胃散

甘遂依前製過用

右為細末。每服三兩。以獾猪腰子細批破。以鹽椒等物淹透爛切。摻藥在內。以荷葉

裹燒熟。溫淡酒調服。

大承氣湯

大黃兩半

厚朴兩

枳實一枚

芒硝兩半

右為麤末。每服三五錢。水一盞。煎至七分。去滓服。以意加減。

小承氣湯

大黃 厚朴已上各兩 枳實一枚

右為麤末。同前煎服。

調胃承氣湯

大黃 甘草炙 朴硝已上各兩 枳實一枚

右為粗末。每服五七錢。水一盞。煎三五沸。去滓。溫服。食後。

桃仁承氣湯

桃仁去皮尖 官桂 甘草 芒硝 已上各半兩

右判如麻豆大。每服三五錢。水一大盞。煎至七分。去滓。溫服。

玉井散

芫荽根二兩 甘遂一兩 製用

右為細末。以射香湯調下三錢。臨卧服。

水煮桃仁丸

黑牽牛頭末酢瓜蒂末 雄黃過一錢水飛 乾胭脂少許

右以黃水調麪為丸。以水煮令浮熟。取出冷水拔過。射香湯水下。

無憂散



黃耆 木香 桑白皮 陳皮一兩各 胡椒 白木 木香略半

白牽牛頭末兩四

右為細末。每服三五錢。以生薑自然汗調下。食後。

泄水丸又方藏用丸一料加芒硝半兩商陸半兩為末水丸依前服之

大戟 芫花 甘遂 海帶 海藻 郁李仁 續隨子各兩

右為細末。水煮棗肉為丸。如小豆大。每服五七丸。水下。

牛黃通膈丸

黑牽牛 大黃 水通各別取半兩

右為細末。水丸如黍粒。大量兒大小三五丸。或百丸水下。

四生丸一名潤腸丸

黑牽牛 大黃 朴硝 皂角去皮弦 已上各等分

右為細末。水丸如梧桐子大。每服七八丸。食後溫水下。

內托散

大黃 牡蠣各兩 甘草錢 瓜蒌二

右為末。水一大盞。煎三五沸。去滓。露冷服。

藏用丸

大黃 黃苓二兩各 滑石 黑牽牛酪四

右為末。水丸。桐子大。每服五七十九丸。食後溫水下。

神芎丸

藏用丸一料。內加黃連薄荷川芎各半兩。水丸。桐子大。水下。

進食丸

牽牛兩一 巴豆三箇法

右為末。水丸。每服二三十丸。食後隨所傷物送下。

牛黃白朮丸 治腰脚濕

黑牽牛末 大黃二兩各 白朮兩一

右為末。滴水丸。桐子大。每服三十丸。食前生薑湯下。要利加至百丸。

玉燭散

以四物湯承氣湯朴硝各等分。水煎去滓。食前服之。

三和湯

以四物湯涼膈散當歸各中停。水煎服。

丁香化癖散 治小兒脾

白丁香 蜜陀僧 舶上硫黃已上各 桐沙拌 經分少

右研細末每兒一歲服半錢男病女乳調女病男乳調後用通膈泄

抵當湯

水蛭十箇去 盲蟲十箇去 大黃兩 桃仁七枚去

右剉如麻豆作一服水二盞煎至七分去滓溫服

抵當丸

盲蟲五箇 桃仁六箇 大黃三 水蛭五箇

右為細末只作一丸水一大盞煮一丸至七分頓服之

十棗湯

紫芫花醋浸 大戟 甘遂製已上

右為末每服半錢水一盞棗十枚同煎取半盞服

除濕丹

檳榔 甘遂 威靈仙 赤芍藥 澤瀉 葶藶二兩 乳香研 沒藥研

已上各 黑牽牛末兩 大戟炒三兩 陳皮四兩

右為細末麪糊和丸如桐子大每服三五丸水送下

利膈丸

牽牛生四兩 槐角子炒一兩 木香兩 青皮兩 皂角酥去皮 半夏洗各

膏月言見

右為細末。生薑麩糊為丸。桐子大。每服四五十九。水送下。

三一承氣湯

大黃 芒硝 厚朴祛 枳實五兩各 甘草兩

右剉如麻豆大。每服半兩水一大盞。生薑三片。煎至六分。入硝去滓熱服。

大陷胸湯

大黃半兩 芒硝錢八 甘遂末

右以水一盞。煮大黃至八分。去滓入硝。一沸下甘遂末。溫服。

小陷胸湯

半夏錢五分 黃連分 瓜萸實一枚用四分

右剉麻豆大。水二盞。先煮瓜萸至一盞半。下諸藥。取八分。去滓溫服。末利再服。

握宣丸

檳榔 肉桂 乾薑 附子 甘遂 良薑 蕤子 巴豆各 入硫黃錢一

右為細末。軟米和丸。桐子大。早晨先椒湯洗手。放溫揩乾。用生油少許。泥手心。男左

女右。磨令熱。握一丸。宣一二行。

風門

防風天麻散

防風 天麻 川芎 羌活 白芷 草烏頭 荆芥 當歸焙 甘草 滑石

白附子已上各半兩

右為末。熱酒化蜜少許。調藥半錢。加至一錢。少時覺藥行微麻為度。如作丸。煉蜜和彈子大。熱酒化下一丸。或半丸。

防風湯

防風 麻黃 獨活 秦艽去蘆 黃芩 石膏 當歸 白朮已上各半兩

右為粗末。入半夏片子。令攪勻。每服四錢。水二盞。入生薑七片。煎至一盞。去滓取清汁六分。入射香少許。帶熱食後服。

祛風丸

川烏炮 草烏炮 天南星 半夏薑 蒸豆粉 甘草 川芎 殭蠶

藿香 苓苓香 地龍去土 蝎梢炒已上各一兩 川薑兩

右為細末。藥末一兩。用蒸豆粉一兩。以白麩二兩。滴水。和丸。如桐子大。陰乾。細嚼。茶清下三五丸。至五七丸。食後初服三丸。以漸加之。

排風湯

當歸去蘆 杏仁去皮尖 防風去蘆 白蘚皮 白朮 芍藥 官桂去粗皮 川芎



甘草炒略獨活節麻黃節茯苓去皮各  
右為粗末每用三錢水一盞半入生薑四片同煎至八分去滓溫服不拘時候。

小續命湯

麻黃節人參去蘆黃芩芍藥川芎甘草炙杏仁湯泡去皮尖炒防己

官桂皮去防風去蘆各防子半兩去皮臍

右除附子杏仁外合搗為粗末後入二味攪勻每服三錢水一盞半生薑五片煎至一盞去滓少熱服食後

消風散

川芎羌活去蘆人參去蘆白茯苓去白殭蠶炒蟬殼同上已上陳皮白

厚朴去粗皮薑製已上各一兩

右為細末每服二錢茶清調下。

川芎散

川芎荆芥甘菊薄荷蟬殼蔓精子記去各甘草炙一兩

右為細末茶酒任下三二錢食後服

搜風丸 一名人參半夏丸

蛤粉兩 薄荷兩 藿香

右為細末與藏用丸末各中停水丸如菟豆大。每服三十丸。生薑湯送下。

### 當歸川芎散

當歸 川芎以上各半兩 甘草二兩 黃苓四兩 薄荷兩 硝砂仁分

右為細末。溫水調下一二錢。

### 愈風餅子

川烏炮兩 川芎 甘菊 白芷 防風 細辛 天麻 羌活

荆芥 薄荷 甘草炙 已上各一兩

右為細末。水浸蒸餅為劑。捏作餅子。每服三五餅子。細嚼茶酒送下。不計時候。

### 疎風丸

通聖散一料。加天麻。羌活。獨活。細辛。甘菊。首烏。各半兩。

右為細末。煉蜜和丸。彈子大。硃砂為衣。每服一丸。細嚼茶酒下。

### 通頂丸

石膏 川芎 瓜蒂 已上各等分 藜蘆炒

右為細末。鼻內噴之。

### 胃風湯

人參 蘆 茯苓皮去 川芎 官桂 當歸 芍藥 白朮  
右件各等分為末每服三錢水一盞入陳粟米煎空心服之

香芍散

香附子炒 貫芎 石膏飛 白芷 甘草 薄荷 已上各一兩

川烏兩皮炒臍

右為細末每服二錢溫酒茶清調下無時

鐵彈丸

地龍去 防風 白膠香 沒藥 木鱉皮去 草烏頭水浸 白芷 五苓脂

當歸 已上各一兩 細墨三錢 射香研 乳香研 升麻各二

右為末糯粥丸彈子大每服一丸生薑酒下

暑門一癰附

白虎湯

知母去皮一兩半 甘草一兩 糯米合 石膏細研 粳米另為末

右判如麻豆大粳米拌勻另水一盞煎至六分去滓溫服無時日三四服或眩嘔者

加半夏兩薑汁製過用之

桂苓甘露散

官桂兩

人參

藿香

已上各半兩

茯苓

白朮

甘草

葛根

澤瀉

石膏

寒水石

已上各一兩

滑石兩

木香分

右為細末。每服三錢。白湯點下。新水或生薑湯亦可用之。

化痰玉壺丸

南星

半夏生

天麻剉

白麩兩

右為細末。滴水丸如桐子。大每服三十九丸。用水一大盞。先煎令沸。下藥煮候浮即熟。

漉出放溫。別用生薑湯下。不拘時服。

益元散

滑石兩

甘草兩

右為細末。每服三錢。蜜調新水送下。

玉露散 治暑

寒水石

滑石

石膏

瓜蒌根

已上各四兩

甘草兩

右為細末。每服五錢。新水調下。

石膏散

石膏兩

人參去

甘草略

右為細末。新水蜜水調三錢。生薑湯亦可。

辰砂丹 治瘧。

信錢一 雄黑豆六十箇或二兩重

右為細末。朱砂為衣。端午日合。不令雞犬婦人見。每服一丸。無根水下。

溫脾丸

信錢一 甘草二錢 紫河車錢三 豆粉兩

右為末。滴水丸。每服半錢。作十九丸。臨卧無根水下。

溫脾散

紫河散 菜豆已上各兩 甘草兩半 砒另研一錢

右為細末。後入砒研勻。每服半錢。新水盞調下。如是隔日發。直待臨卧服藥。如頻日發。只夜深服。忌葷酒魚兔等。

濕門

五苓散

官桂 澤瀉 猪苓去黑皮 茯苓去皮 白朮各半兩

右為細末。每服二錢。熱湯或新水調下。

葶藶水香散



甘草略半兩官桂分滑石錢

右為細末。每服三錢。生薑湯調下。食前服。

白朮木香散

白朮 猪苓 澤瀉 亦茯苓 各半兩 木香 柳欖 各三錢

陳皮去白官桂錢滑石兩

右為細末。每服五錢。水一盞。生薑三片。同煎至六分。溫服。食後。

大橘皮湯

橘皮兩木香分滑石兩欖柳錢茯苓兩猪苓去皮澤瀉 白朮

官桂 已上各半兩 甘草錢

右為末。每服五錢。水一盞。生薑五片。煎至六分。去滓。溫服。食後。

神助散

苦葶炒黑牽牛取頭末用之澤瀉 猪苓去皮椒目

右為細末。每服葱白三莖。漿水一盞。煎至半盞。入酒半盞。調藥三錢。絕早。面東服之。

桂苓白朮丸

官桂 茯苓 半夏 已上各一兩 白朮 乾生薑分 橘皮去白

澤瀉 黃連 各半兩 黃柏兩

右為末。麩糊為丸。如小豆大。每服三五十丸。薑湯食後服之。

桂苓白朮散

官桂 茯苓 白朮 已上各半兩 甘草 澤瀉 石膏

寒水石已耐各 滑石兩二

右為細末。熱湯調三錢。新水生薑湯亦可。食後服。

白朮調中湯

白朮 茯苓 橘皮白去 澤瀉粃上各 甘草兩一 乾薑炒 官桂

確砂仁 藿香 已上各一分

右為末。白湯化蜜少許。調下二錢。無時。煉蜜每兩作十九丸。名曰白朮調中丸。

甯神散 治嗽

御米殼蜜二兩 人參 苦葶藶 已上各一兩

右為末。入烏梅同煎。三五沸。去滓。稍熱服。食後。

甯肺散

御米蜜炒 甘草 乾薑 當歸 白礬 陳皮 已上各一兩

右為末。煎薑汁調三錢。

人參補肺散

人參 麻黃節去 白朮 防己 防風 各等分 桑白皮加倍

右剉咬咀。以漿水一碗煎至半。去滓溫服。每用半兩。各秤過。

白朮湯

白朮 甘草 當歸 陳皮 桔梗 枳殼 各等分

右為粗末。水煎。去滓溫服三五錢。

薏苡仁湯

桔梗兩一 甘草兩二 薏苡仁兩三

右剉如麻豆大。每服五錢。水煎入糯米為引。米軟為度。食後服之。

益黃散 治小兒痢

陳皮兩一 青皮 柯子肉 甘草兩一 丁香錢二

右為細末。每服二錢。水煎。食前服之。

香連丸

木香 柯子肉炒 黃連炒已上 龍骨錢二

右為細末。飯丸如黍米大。每服二十九丸。米飲湯下。

火門

涼膈散

大黃兩 連翹兩 甘草 黃芩 薄荷 朴硝 山梔 已上各一兩

右粗末每服三五錢水一盞入蜜竹葉煎去滓溫服無時

黃連解毒湯

黃連 黃蘗 黃芩 大梔子 已上各等分

右判為麻豆大每服五錢水二盞煎至八分去滓溫服之

瀉心湯

大黃 甘草 當歸 芍藥 荊芥 麻黃 已上各一兩半

白朮二錢半

右為細末每服二錢水二盞生薑薄荷少許同煎至七分去滓溫服

八正散

大黃 瞿麥 木通 扁蓄 車前子 甘草 山梔子

已上各一兩 滑石二兩 加水香一兩尤佳

右為粗末每服三五錢水一盞入燈心煎至七分去滓溫服

調胃散 治傷寒吐逆四肢厥冷

水銀 舶上硫黃 各半兩

右二味先研硫黃極細欠入水銀同研至深黑每服一錢黃芩二錢溫酒下

不拘時

三黃丸

大黃 黃芩 黃柏 已上各等分

右為末。水丸。每服三十丸。水下。

又方去黃芩用黃連。

芍藥藥皮丸

芍藥者 黃柏去皮 各一兩 當歸 黃連 各半兩

右為末。水丸。桐子大。每服三十丸。水下。食前。

大金花丸

黃連 黃蘗 黃芩 大黃 各等分

右為末。水丸。新水下三十丸。加梔子。減大黃。名梔子名花丸。

清涼飲子

大黃蒸 赤芍藥 當歸 甘草炒 已上各等分

右為末。每服一二錢。水一盞。煎至七分。去滓。溫服。食後以意加減。

黃連清心湯

涼膈散加黃連半兩是也。



犀角散

黃連 大黃 芍藥 犀角 甘草 各等分

右為粗末。每服五錢水一盞煎至七分。去滓。無時溫服之。

黃連木通丸 治心經蓄熱。夏至則甚。

黃連兩 木通兩

右為末。生薑汁打麩糊和丸。每服三十九。食後燈心湯下。日三服。

燥門

神功丸

大黃麩裹 柯子皮 麻子仁搗 人參去蘆 已上各一兩

右為細末。入麻子仁搗研勻。煉蜜丸。桐子大。每服二十九。溫水下。或酒或米飲下。食後臨卧如大便不通加服。

脾約丸

麻仁錢半 枳實煨 厚朴去粗皮 芍藥 已上各二兩

大黃細兩 杏仁去破尖炒黃

右為細末。煉蜜桐子大。每服二十九。臨卧溫水送下。

麻仁丸

郁李仁另搗

火麻仁搗 二味各二兩

大黃二兩半熟

檳榔兩

乾山藥

防風去蘆

枳殼炒去錢 糠

羌活

木香各半

右為細末。入另搗者三味攪勻。煉蜜丸。如桐子大。每服二十丸。至三十丸。溫水下。食後牽牛滑石。

潤腸丸

郁李仁 大黃

桂心

黑牽牛

當歸

黃蘗逆性兩

輕粉炒

右為細末。滴水丸。如桐子大。每服三十丸。至四十丸。溫酒或生薑湯下。

寒門

薑附湯

乾薑二兩另

附子一兩生用去皮臍細切

右二味攪勻。每服三錢。水一盞半。煎至一盞。去滓。溫服。食前。

四逆湯

甘草三兩

乾薑兩

附子兩生用去皮臍切片子

右為粗末。每服三五錢。水一盞半。煎至一盞。去滓。溫服。無時。

二薑湯

良薑

乾薑炮

二味各三兩

右為細末。酒煮糊為丸。桐子大。每服三十九。空心米飲湯下。

木附湯  
黑附子腫一兩 白朮半兩 甘草半錢

後。右為細末。每服三五錢水一盞。半生薑五片。棗二枚。劈破同煎。至一盞。去滓。溫服。食

大己寒丸

附子炮去皮臍 川烏頭炮去皮臍作豆大再炒黃 乾薑炮製 良薑炒 官桂去粗皮

吳茱萸一兩 各

右為細末。醋糊為丸。桐子大。每服五七十九。米飲下。食前。

理中丸

人參蘆去 白朮 乾薑 甘草炙 附子炮去皮臍 已上各一兩

右為細末。煉蜜為丸。每兩作十九。彈子大。每服一丸。以水一盞化破。煎至七分。稍熱空心服之。

平胃散

厚朴薑 陳皮 二味各三兩 蒼朮泔浸 甘草炒三兩

右為末。每服二錢水一盞。生薑三片。棗二枚。煎至七分。去滓。食前服。

養脾丸

乾薑炮

硝砂各二兩

茯苓皮去

人參去蘆

麥藥炒各一兩

白朮半兩

甘草炒半兩

右為細末煉蜜為丸每兩作八九每服一丸細嚼生薑湯下

兼治於內者

大柴胡湯

柴胡四兩

黃芩

赤芍藥 各一兩半

半夏錢二兩

枳實二錢半

大黃兩一

右為粗末入半夏片子每服三錢水一盞半入生薑五片棗一枚煎至一中盞濾去

滓溫服食後

小柴胡湯

柴胡四兩去蘆

黃芩

人參

半夏湯洗七片

甘草

已上各一兩半

右為粗末每服三錢水一盞半生薑五片棗一枚劈破同煎至七分去滓溫服不拘

時候

柴胡飲子

柴胡

人參

黃芩

甘草

大黃

當歸

芍藥

已上各半兩

右為粗末。每服三錢。水一盞。生薑三片。煎至七分。去滓溫服。

防風當歸飲子

柴胡

人參

黃芩

防風

甘草

芍藥

大黃

當歸

滑石

已上各一兩

右為粗末。每服三五錢。生薑三片。水一盞。煎至七分。去滓溫服。不拘時候。

白朮湯 治孕婦痢嘔吐血。

白朮

黃芩

當歸

各等分

右為末。每服二三錢。水煎食前服。

兼治於外者

桂苓湯

麻黃湯

升麻湯

已上三方在前汗法中附

五積散

蒼朮四錢

桔梗四錢

枳殼炒

陳皮二味各六錢

白芷

川芎

當歸

甘草炙

官桂去粗皮

半夏湯浸

茯苓銹三

麻黃去節

厚朴

乾薑 各四錢



半入生薑五片。葱白三寸。鹽豉七粒。同煎七分。去滓。溫服。無時。

青衿散 治咽喉

益元散加薄荷青黛。生蜜丸如彈子大。噙化。

獨治於內者

陷胸湯

大黃二兩 芒硝錢半 甘草為梘另

右以水三盞。先煮大黃至一盞。去滓。下芒硝。冷泄。次下甘草末。放溫服之。

大黃丸

大黃 黑牽牛 枳殼 木通 已上各一兩

右為末。滴水為丸。如桐子大。每服三十丸。食後以生薑湯下。

備急丸

巴豆去皮 大黃 乾薑炮 已上各一兩

右為細末。煉蜜丸。桐子大。每服三丸。溫水下。不拘時服。

枳殼丸

商枳殼炒 牽牛頭末兩

右為細末。水丸。如桐子大。每服三十丸。食前溫酒。或生薑湯下。

蓮殼散 治血崩。

櫻皮燒灰 蓮殼燒灰存性二各半兩

香附子炒三兩

右為末米飲調下三四錢食前。

木香檳榔丸

木香 檳榔 青皮 陳皮 廣茂燒 黃連炒 已上各一兩

黃連 大黃略 三香附子炒 牽牛各四兩

右為細末水丸如小豆大每服三十九食後生薑湯送下。

導飲丸

青皮 陳皮 京三稜炮 廣茂炮 黃連 枳殼炒 已上各一兩

大黃 黃蘗 已上各三兩 香附子炒 黑牽牛 已上各四兩

右為細末桐子大用水丸每服三五十九食後生薑湯下。

五香連翹散

丁香 青木香 沉香 熏陸香 麝香 木通 連翹

桑寄生 獨活 升麻 大黃 已上各等分

右為粗末以竹瀝煎五七錢末利加大黃去滓稍熱以利為度。

四物湯

川芎 當歸 熟地黃 芍藥 已上各等分

右為粗末。每服三四錢。水一盞。煎三五沸。去滓。空心溫服。加草龍膽防己。名一醉散。治目暴發。加蒲黃。治娠婦漏血。

當歸散 治血崩

當歸兩 龍骨炒 枳殼 香附子炒 三錢 櫻毛灰 錢

右為末。米飲調三四錢。空心服。

又一方。當歸白芍藥香附炒。各等分為末。米飲湯調下。食前服。

又當歸散 行經

當歸 杜蒺藜 各等分

右為末。米飲湯調服。食前。

葛根散 解酒毒

甘草 乾葛花 葛根 確砂仁 貫衆 各等分

右為粗末。水煎三五錢。去滓服之。

定志丸

柏子仁 人參 茯苓 遠志心 茯神 酸棗仁

右為末。酒糊丸。小豆大。每服五七十九。生薑湯下。

檳榔丸

檳榔半錢

陳皮兩

木香半錢

牽牛兩

右為末醋糊丸桐子大每服三十九生薑湯下

小檳榔丸

枳殼

陳皮

牽牛

已上各等分

右為細末水丸食後生薑湯下三四十九

瞿麥散

治酒積

甘遂兩

瞿麥

葛根

麥蘖

已上各一兩

右為末每服二錢酒調服

治氣積方 香附子為末生薑湯調下三二錢

獨治於外者

青金散

芒硝錢

青黛錢

乳香

沒藥

各少許

右為細末鼻內嚙之

拔毒散

寒水石不以多少燒令赤

右研為末以新水調雞翎掃痛處

### 水澄膏

雄黃水飛三錢 黃連兩 蔚金二錢 黃柏兩 大黃兩 黃丹半兩

右為細末。量所腫處用藥多少。新汲水半盞炒藥在內。須臾藥沉。慢去其澄者。水盡。然後用槐柳枝攪藥數百餘轉。如麪糊相似。勻以小紙花子攤藥塗腫處。更以雞翎擦涼水。不住掃之。

### 魚膽丸

草龍膽 青鹽 腦子 已上各半兩 黃連去鬚一兩 硃砂

南硼砂 射香 鯉魚膽 已上各二錢

右除草龍膽。鯉魚膽外。同為細末。先將草龍膽同微研破。以河水三升浸。春秋二宿。夏一宿。冬三宿。將浸者取揉極爛。用絹袋濾去滓。于石器內慢火熬成膏子。點于水內不散。用指頭捏開有絲。乃膏子成。然後入魚膽拌勻。將膏和上藥件末作劑丸。如粟米。徐徐點可視之。

### 金絲膏

黃丹 代赭石 玄精石 已上各半兩 爐甘石燒兩 腦子銹  
黃連 蕤仁去皮 二味各三錢 白丁香 南硼砂二味各一錢



右除礪砂腦子外。同為細末。以河水一升。白砂蜜三兩同熬三五沸。然後入藥末。再熬至半茶盞以上。用綿子濾過去滓。次用礪砂腦末攪勻。定磁器內放。徐徐點眼。大有神効。

生肌散

黃連錢三 蜜陀僧兩半 乾胭脂錢一 雄黃錢一 菜豆粉錢二 輕粉錢一  
右為細末。以溫漿水洗過。用無垢軟綿搵淨藥貼之。有大效矣。

赴筵散

五倍子 蜜陀僧 已上各等分

右為細末。先入漿水。漱過乾貼。

麝香玉線子

豆粉兩半 信錢一 枯白礬錢一

右三件同研。入射香半錢。再研為細末。滴水和于手背上。然作線。如用時。先以漿水嗽了口。用毛翎了縫中淨。臨卧乾貼。或為線子。住于縫中。

化癭丹 治贅

海帶 海藻 海蛤 昆布 已上四味皆焙  
豬鬃 羊鬃 各十枚  
澤瀉炒 連翹

右為細末蜜丸如雞頭大臨卧噙化一二丸

通氣丸 同上所治

海藻 海帶 昆布 木通 甘草 已上各一兩 柯子

薄荷 已上各半兩 杏仁少許煮浸去皮尖用之

右為細末煉蜜和丸每夜噙化一丸忌油膩物

又方

海藻 海帶 昆布 澤瀉 木通 猪鬃 羊鬃 各五枚

海蛤 連翹

右為細末研磨為丸如雞頭大每服一丸臨卧噙化下効

消毒散 治喉腫

當歸 荊芥 甘草 各等分

右為末水煎三五錢去滓熟嗽之

煮肝散 治雀目

青蛤粉 夜明砂 穀精草 各等分

右為細末每服五七錢猪肝內煮熟細嚼茶清下

枯瘤方

硃砂 粉霜 雄黃 已上各二錢 輕粉 沒藥 乳香

已上各一錢 土黃錢三 射香許少

右為細末。以津調塗瘡頂外邊。取一韭菜葉。先花紙貼之。上以小黃膏貼之。

小黃膏

黃柏 黃芩 大黃 已上各等分

右為細末。以水調為糊。比前藥大。一遭三日。至八九上不取。直候可取。

剪刀藥

石灰年新陳 龍骨兩 刺薊一束

右為末。杵作泥。為餅子。或為散貼。端午日合。

木香檳榔散

木香 檳榔 黃連 乳香 輕粉 蜜陀僧 已上各等分

右為細末。乾摻之。先以口噙漿水洗之。

又方加 黃柏 射香

陽起石散

陽起石燒

右研末。新水調塗腫處。

鈿白霜散

鈿白霜

乾胭脂

寒水石

已上各等分

腦子

輕粉各少

右為末摻之。

雄黃散

雄黃

乳香

沒藥

射香

右為末。量瘡大小乾貼。

化斑湯

紫草

升麻

甘草炙

各半兩

右剉麻豆大。水一盞。糯米二十粒。煎至一盞去滓。溫服。

調治

無比山藥丸

乾山藥兩二

肉苁蓉酒四兩燉

五味子

六兩揀淨

兔絲子

酒三兩浸

杜仲

粗皮三兩去炒

牛膝酒一兩浸

澤瀉兩一

熟地黃兩一

山茱萸兩一

茯苓

去皮兩一

巴戟去心一兩

赤石脂兩一

右為細末。煉蜜為丸。桐子大。每服二三十丸。食前溫酒下。米飲亦可。

當歸丸

當歸 香附子炒 杜疾藜 芍藥 各等分  
右為末。酒糊為丸。如小豆大。每服三五丸。米飲送下。

香薷湯

香薷五錢 去土 厚朴五錢 薑製 白扁豆二錢 半 生炒  
右為末。每服三錢。水一盞。入酒煎。去滓。溫服。

石葦散

石葦毛法 木通 各一兩 當歸 甘草 王不留行 以上各兩  
滑石 白朮 瞿麥 葵子 芍藥 已上各三兩

右為細末。每服二錢。煎小麥湯調下。

妙功丸

京三稜炮一兩 川烏四錢 生 去皮 大黃兩 已上同為細末。好醋半升。熬膏。不破積。

水丸 神麴 麥蘗 已上各一兩 乾薑二錢 裂用 炒 巴豆去皮 兩箇

半夏兩 兩 茴香兩 炒 官桂 牽牛三兩 揀淨

右為細末。用膏丸。小豆大。生薑湯下。十九十五丸。溫涼水亦可。以意加減。以利為度。

人參散

石葦 甘草 已上各一兩 滑石兩 寒水石兩 人參兩



右為末。每服二錢。溫水調下。食後。

茴香丸

茴香炒八兩

川練子炒

川烏炮去皮

威靈仙洗去土

防風蘆去

陳皮

各三兩

地龍土一兩去微炒

赤小豆兩

右為末。酒糊為丸。每服三五丸。茶酒下。

七宣丸

大黃濕紙裹煨

枳實炒

木香

柴胡蘆去

柯子皮

各五兩

桃仁六兩去皮尖炒

甘草四兩炒

右為末。煉蜜和丸。如桐子大。每服三十丸。酒下。

人參調中湯

沉香兩二

木香

白豆蔻用仁

甘草分

腦子錢一

射香錢半

人參兩半

右為細末。每服半錢。用沸湯點服。或入生薑鹽少許。食後服。

烏金散

當歸兩一

自然銅金色者煨為末醋熬一兩

烏金石鐵炭三

大黃一兩童子小便浸用

右為末。每服二錢。紅花酒半盞。童子小便半盞。同調下。食前日二服。

沉香降氣湯

沉香 木香 確砂仁 白豆蔻仁 青皮白去 陳皮白去 廣茂煨

枳實炒 已上各一兩 蘿白子一另兩 黑牽牛兩二 大黃炒二兩

右為末。生薑汁浸。蒸餅為丸。如桐子大。每服三十九。橘皮湯下。

枳朮丸 治氣下下。降胸膈滿悶。

枳實炒 白朮各半

右為細末。燒飯為丸。如桐子大。每服五十九。諸飲送下。

劉河間先生三消論

恐在前此書未傳於世  
因為沉沒故刊而行之

易言天地自太虛至黃泉有六位。內經言人之身自頭至足亦有六位。今余又言人胸腹之間自肺至腎又有六位。人與天地造化五行同一爐備。知彼則知此矣。故立天之氣曰金與火。立地之氣曰土與水。立人之氣曰風與火。故金與火合則熱而清。水土合則濕而寒。風火合則溫而炎。人胸腹之間亦猶是也。肺最在上。為金主燥。清心次為君。火主熱。肝又次之。為風木主溫。膽又次之。為相火主極熱。脾又次之。為濕土主涼。腎又次之。黃泉為寒水主寒。故心肺象天。脾腎象地。肝膽象人。不知此者不可與論人之病矣。夫土為萬物之本。水為萬物之元。水土合德以陰居陰。同處乎下。以立地為氣。萬物根於地。是故水土濕寒若燥熱陽實則地之氣不立。萬物之根索澤而枝葉枯矣。五常政大論曰。根於中者命曰神機。是為動物根本在于中也。根本者脾胃腎也。食入胃則脾為布化氣味。榮養五藏百骸。故酸入肝而養筋膜。苦入心而養血脈。甘入脾而養肌肉。辛入肺而養皮毛。鹹入腎而養骨髓。五氣亦然。故清養肺。熱養心。溫養肝。濕養脾。寒養腎也。凡此五味五氣太過則病不及亦病。惟平則常安矣。故六節藏象論曰。五味入口藏於腸胃。味有所藏以養五氣。氣和而生津液相成。神乃自生。是其理也。又太陰陽明論云。脾病而四肢不用者何也。岐伯曰。四肢皆稟氣于胃。而不得至經。必因于脾胃。

乃稟也。今脾病不能為胃行其津液，不得稟水穀氣。脾日以衰，脈道不利，筋骨肌肉皆無氣以生，故不用焉。帝曰：脾不主時，故也。岐伯曰：脾者土也，治中央，常以四時長四臟各十八日寄治，不得獨主于時也。脾藏者常著胃土之精也。土者生萬物而法天地，故上下至頭足，不得獨主于時也。帝曰：脾與胃以膜相連爾，而能行其津液，何也。岐伯曰：足太陰者三陰也，其脈貫胃屬脾絡嗌，故太陰為之行氣于三陰。足陽明者表也，五臟六腑之海也，亦為之行氣于三陽。臟腑各因其經而受氣，以益陽明，故為胃行其津液。四肢不得稟水穀氣，日以衰，陰道不利，筋骨肌肉皆無氣以生，故不用焉。不用者謂不能為之運用也。由是觀之，則五臟六腑四肢百骸皆稟受于脾胃，行其津液，相與濡潤滋養矣。後之醫者欲以燥熱之劑以養脾胃，滋土之氣，不亦外乎。况消渴之病者，本濕寒之陰氣極衰，燥熱之陽氣太甚，更服燥熱之藥，則脾胃之氣竭矣。叔世不分五運六氣之虛實，而一概言熱為實，而虛為寒，彼但知心火陽熱一氣之虛實，而非臟腑六氣之虛實也。蓋肺本清虛則溫，心本熱虛則寒，肝本溫虛則清，脾本濕虛則燥，腎本寒虛則熱，假若胃冷為虛者，乃胃中陰水寒氣實甚，而陽火熱氣衰虛也。非胃土濕氣之本衰，故當溫補胃中陽火之衰，退其陰水寒氣之甚。又加胃熱為實者，乃胃中陽火實而陰水虛也。故當以寒藥瀉胃中之實火，而養其虛水。然此皆補瀉胃中虛熱水火所乘之邪，非胃為濕者之本。其餘例同法。夫補瀉脾胃濕土之水氣者，潤其濕者是補，燥

其濕者是瀉濕。土本濕故也。凡臟腑諸氣不必腎水獨當寒。心火獨當熱。要知每臟每腑諸氣和同。宣而平之可也。故余嘗謂五常之道。陰中有陽。陽中有陰。孤陰不長。獨陽不成。但有一物皆備五行。遞相濟養。是謂和平。交互克伐。是謂衰興。變亂失常。患害由行。故水少火多。為陽實陰虛而病熱也。水多火少。為陰實陽虛而病寒也。其為治者。瀉實補虛。以平為期而已矣。故治消渴者。補腎水陰寒之虛。而瀉心火陽熱之實。除腸胃燥熱之甚。濟身津液之衰。使道路散而不結。津液生而不枯。氣血利而不澁。則病日已矣。况消渴者。本因飲食服餌失宜。腸胃乾涸。而氣液不得宣平。或耗亂精神。過違其度。或因大病。陰氣損而血液衰。虛陽氣悍而燥熱鬱甚之所成也。故濟眾云。三消渴者。皆由久嗜鹹物。恣食炙煖。飲酒過度。亦有年少服金石丸散。積久石熱結于胸中。下焦虛熱。血氣不能制石熱。燥甚于胃。故渴而引飲。若飲水多而小便多者。名曰消渴。若飲食多而不甚饑。小便數而漸瘦者。名曰消中。若渴而飲水不絕。腿消瘦而小便有脂液者。名曰腎消。如此三消者。其燥熱一也。但有微甚耳。余聞世之方。多一方而通治三消渴者。以其善消水穀而喜渴也。然叔世論消渴者。多不知本。其言消渴者。上實熱而下虛冷。上熱故煩渴多飲。下寒故小便多出。本因下部腎水虛而不能制其上焦心火。故上實熱而下虛冷。又曰水數一為物之本。五行之先。故腎水者。人之本命之元。不可使之衰弱。根本不堅。則枝葉不茂。元氣不固。則形體不禁。消渴病者。下部腎水極冷。若更服



寒藥則元氣轉虛而下部腎水轉衰。則上焦心火亢甚而難治也。但以暖藥補養元氣。若下部腎水得實而勝退上焦火則自然渴止。小便如常而病愈也。若此之言正與仲景相反。所以巧言似是。于理實違者也。非徒今日之誤。誤已久哉。又如蔣氏藥證病原中論消渴消中消腎病。曰三焦五臟俱虛熱。惟有膀胱冷似水。又曰腰腎虛冷日增重。又曰膀胱腎臟冷如泉。始言三焦五臟俱虛熱。惟有膀胱冷似水。復言五臟亦冷。且腎臟水冷。言為虛。其餘熱者。又皆言其虛實陰陽興衰。安有此理。且其言自不相副。其失猶小。至於寒熱差殊。用藥相反。過莫大焉。或又謂腎與膀胱屬水。虛則不能制火。虛既不能制火。故小便多者愈失之遠矣。彼謂水氣實者。必能制火。虛則不能制火。故陽實陰虛而熱燥其液。小便淋而常少。陰實陽虛不能制水。小便利而常多。豈知消渴小便多者。非謂此也。何哉。蓋燥熱太甚。而三焦腸胃之腠理怫鬱結滯。緻密壅塞。而水液不能滲泄。浸潤于外。榮養百骸。故腸胃之外燥熱太甚。雖復多飲于中。終不能浸潤于外。故渴不止。小便多出者。如其多飲。不能滲泄于腸胃之外。故數溲也。故余盡言原病式。曰皮膚之汗孔者。謂泄汗之孔竅也。一名氣門者。謂泄氣之門戶也。一名腠理者。謂氣液之隧道紋理也。一名鬼門者。謂幽冥之門也。一名玄府者。謂玄微之府也。然玄府者。無物不有。人之臟腑皮毛肌肉筋膜骨髓爪牙。至于萬物悉皆有之。乃出入升降道路。

非升降則無以生長化收藏。是知出入升降無器不有。故知人之眼耳鼻舌身意神識能為用者皆由升降出入之通利也。有所閉塞則不能用也。若目無所見耳無所聞鼻不聞香舌不知味筋痿骨痺爪退齒腐毛髮墮落皮膚不仁腸胃不能滲泄者悉由熱氣拂鬱玄府閉塞而致津液血脈滯衛清氣不能升降出入故也。各隨鬱結微甚而有病之大小焉。病在表則拂鬱腠理閉密陽氣不能散越故燥而無汗而氣液不能出矣。叔世不知其然故見消渴數洩妄言為下部寒爾。豈知腸胃燥熱拂鬱使之然也。予之所以舉此世為消渴之證乃腸胃之外燥熱否閉其滲泄之道路水雖入腸胃之內不能滲泄於外故小便數出而復渴。此數句足以盡其理也。試取內經凡言渴者盡明之矣。有言心肺氣厥而渴者。有言肺痺而渴者。有言脾熱而渴者。有言腎熱而渴者。有言胃與大腸熱結而渴者。有言脾痺而渴者。有言小腸痺熱而渴者。有因病瘧而渴者。有因肥甘不藥而渴者。有因醉飽入房而渴者。有因遠行勞倦遇大熱而渴者。有因傷害胃乾而渴者。有因腎熱而渴者。有因病風而渴者。雖五腸之部分不同而病之所遇各異其歸燥熱一也。

所謂心肺氣厥而渴者。厥論曰。心移熱于肺。傳為膈消。注曰。心熱入肺久而傳化。內為膈熱消渴多飲也。

所謂肝痺而渴者。痺論曰。肝痺者夜卧則驚。多飲數小便。如脾熱而渴者。痿論曰。脾氣

熱則胃乾而渴。肌肉不仁。發為痿渴。

所謂腎熱而渴者。刺熱論曰。腎熱病者。先腰痛。胛酸。若渴數飲。身熱。熱論曰。少陰脈貫腎。絡於肺。繫舌本。故口燥。口乾而渴。叔世惟言腎虛不能制心火。為上實熱而下虛冷。以熱藥溫補腎水。欲令勝退心火者。未明陰陽虛實之道也。夫腎水屬陰而本寒。虛則為熱。心火屬陽而本熱。虛則為寒。若腎水陰虛。則心火陽實。是謂陽實陰虛。而上下俱熱。明矣。故氣厥論曰。腎氣衰。陽氣獨勝。宣明五氣論曰。腎惡燥。由燥腎枯。水涸。藏氣發時。論曰。腎苦燥。急食辛以潤之。夫寒食屬陰。能養水而瀉心。熱物屬陽。能養火而耗水。今腎水既不勝心火。則上下俱熱。奈何以熱藥養腎水。欲令勝心火。豈不繆哉。又如胃與大腸熱結而渴者。陰陽別論。二陽結為之消。注曰。陽結胃及大腸俱熱結也。腸胃藏熱。善消水穀。又氣厥論曰。大腸移熱于胃。善食而瘦。脈要精微論曰。痺成為消中。善食而瘦。如腸痺而渴者。數飲而不得中。氣喘而爭。時發殮泄。夫數飲而不得中。其大便必不停留。然則消渴數飲而小便多者。止是三焦燥熱。怫鬱而氣衰也。明矣。豈可以燥熱毒藥助其強陽。以伐衰陰乎。此真實實虛虛之罪也。夫消渴者。多變聾盲瘡癬。痲痺之類。皆腸胃燥熱。怫鬱水液不能浸潤于周身故也。或熱甚而膀胱怫鬱。不能滲泄。水液妄行。而面上腫也。如小腸痺熱而渴者。舉痛論曰。熱氣留于小腸。腸中痛。痺熱焦渴。則便堅不得出矣。注曰。熱滲津液而小便堅矣。如言病瘧而渴者。瘧論曰。陽實則外熱。陰

虛則內熱。內外皆熱。則喘而渴。故欲飲冷也。然陽實陰虛。而為病熱。法當用寒藥。養陰瀉陽。是謂瀉實補衰之道也。如因肥甘石藥而渴者。奇病論曰。有口甘者。病名為何。岐伯曰。此五氣之所溢也。病名脾痺。痺為熱也。脾熱則四臟不稟。故五氣上溢也。先因脾熱。故曰脾痺。又經曰。五味入口。藏于胃。脾為之行其精氣。津液在脾。故令人口甘也。此肥美之所發也。此人必數食甘美而多肥也。肥者。令人內熱。甘者。令人中滿。故其氣上溢。轉而為消渴。通乎虛實論曰。消痺。仆擊。偏枯。痿厥。氣滿發逆。肥貴之人。膏粱之疾也。或言人惟胃氣為本。脾胃合為表裏。脾胃中州。當受溫補。以調飲食。今消渴者。脾胃極虛。益宜溫補。若服寒藥。耗損脾胃。本氣虛乏。而難治也。此言乃不明陰陽寒熱虛實補瀉之道。故妄言而無畏也。豈知腹中論云。帝曰。夫子數言熱中消中。不可服芳草石藥。石藥發癩。芳草發狂。言多飲數溲。謂之熱中。多食數溲。謂之消中。多喜曰癩。多怒曰狂。芳美味也。石謂英乳。乃發熱之藥也。經又曰。熱中消中。皆富貴人也。今禁膏粱。是不合其心。禁芳草石藥。是病不愈。願聞其說。岐伯曰。芳草之味美。石藥之味悍。二者之氣急疾堅勁。故非緩心。和人不可服此二者。帝曰。何以然。岐伯曰。夫熱氣慄悍。藥氣亦然。所謂飲一溲二者。當肺氣從水而出也。其水穀之海竭矣。凡見消渴。便用熱藥。誤人多矣。故內經應言渴者。皆如是。豈不昭晰歟。然而猶有惑者。諸氣過極。反勝也者。是以人多誤也。如陽極反似陰者是也。若不明標本。認似為是。始終乖矣。故凡見下部覺冷。兩

膝如水。此皆心火不降。狀類寒水。宜加寒藥下之。三五次。則火降水升。寒化自退。然而舉世皆同執迷。至如易素二書。棄如朽壤。良可悲夫。故處其方。必明病之標本。達藥之所能通氣之所宜。而無加害者。可以制其方也。已。所謂標本者。先病而為本。後病而為標。此為病之本末也。標本相傳。先當救其急也。又云。六氣為本。三陰三陽為標。蓋為病臟病最急也。又云。六氣為胃之本。假若胃熱者。胃為標。熱為本也。處其方者。當除胃中之熱。是治其本也。故六氣乃以其者為邪。衰者為正。法當瀉其補。衰以平為期。養正除邪。乃天之道也。為政之理。補賤之義也。大凡治病。明知標本。按法治之。何必謀于眾。陰陽別論曰。謹孰陰陽。無與眾謀。標本病傳論。知標知本。萬舉萬當。不知標本。是謂妄行。至真要大論曰。知標知本。用之不死。明知逆順。正行無問。不知是者。不足以言診。適足以亂經。故大要曰。粗工嚶嚶。以為可知。言熱未已。寒病復起。同氣異形。迷診亂經。此之謂也。夫標本之道。要而博。小而大。可以言一。而知百。言標與本。易而弗損。察本與標。氣可令調。明知勝復。為萬民式。天之道畢矣。天元紀大論曰。至數極。而道不惑。可謂明矣。所謂藥之巧能者。溫涼不同。寒熱相反。燥濕本異。云云。前已言之矣。斯言氣也。至于味之巧能。如酸能收。甘能緩。辛能散。苦能堅。鹹能軟。酸屬水也。燥金主于散落。而木反之。土濕主於緩。而水勝之。故能然也。若能燥濕而堅。火者苦也。易曰。燻萬物者。莫燥于火。凡物燥則堅也。甘能緩。若急而散。結甘者土也。燥能急。若文爰則急。故也。辛能散。故也。



結潤燥辛者金也。金主散落。金生水故也。况抑結散。則氣液宣行。而津液生也。藏氣發時論曰。腎苦燥。急食辛以潤之。開腠理。致津液。通氣也。鹹能軟堅。鹹者水也。水潤而柔。故勝火之堅矣。此五臟之味也。其為五味之本也。淡也。淡胃土之味也。胃土者地也。地為萬物之本。胃為一身之本。天元紀大論曰。在地為化。化生五味。故五味之本淡也。以配胃土。淡能滲泄利竅。夫燥能急結。而甘能緩之。淡為剛土。極能潤燥。緩其急結。令氣通行。而致津液。滲泄也。故消渴之人。其藥與食皆宜淡劑。至真要大論曰。辛甘發散為陽。酸苦涌泄為陰。鹹味涌泄為陰。淡味滲泄為陽。六者或散或收。或緩或急。或燥或潤。或堅或軟。所以利而行之。調其氣也。本草云。藥有三品。上品為君主養命。小毒以應天。中品為臣主養性。常毒以應人。下品為佐使主治病。大毒以應地。不在三品者。氣毒之物也。凡此君臣佐使者。所以明藥之善惡也。處方之道。主治病者為君。佐君者為臣。應臣之用者為佐使。適其病之所根。有君臣佐使奇偶小大之制。明其歲政。君臣脈位。而有逆順反正主療之方。隨病所宜以施用。其治法多端。能備所用者。良工也。寒者熱之。熱者寒之。溫者清之。清者溫之。結者散之。散者收之。微者逆而制之。甚者從而去之。燥者潤之。濕者燥之。堅者軟之。軟者堅之。急者緩之。客者除之。留者却之。勞者溫之。逸者行之。驚者平之。衰者補之。甚者瀉之。吐之下之。摩之。蓋之。薄之。劫之。開之。發之。灸之。刺之。適足為用。各安其氣。必清必淨。而病氣衰去。臟腑和平。歸其所宗。此治之大體也。陰

陽應象論曰。治不法天之紀。不明地之理。則災害至矣。又六節藏象論曰。不知年之所加氣之所衰。不可以為功也。今集諸經驗方。附于篇末。

神白散 治真陰素被損虛。多服金石等藥。或嗜炙博鹹物。遂成消渴。

桂府滑石 兩 甘草 生一兩

右為細末。每服三錢。溫水調下。或大渴欲飲冷者。新汲水尤妙。

猪肚丸 治消渴消中。

猪肚 枚 黃連 兩五 括萋 兩四 麥門冬 去心 兩四 知母 兩四 如無以 茯苓代之

右四味為末。納猪肚中線縫。安置甑中。蒸極爛熟。就熟于木臼中搗可丸。如硬少加

蜜丸。如桐子大。每服三十丸。漸加至四五十丸。渴則服之。如無木臼。以沙盆中用水

杵研。亦可以爛為妙矣。

葛根丸 治消渴消腎。

葛根 兩三 括萋 兩三 鉛丹 兩二 附子 去皮臍用 兩一

右四味搗羅為細末。煉蜜為丸。如桐子大。每服十九丸。日進三服。治日飲碩水者。春夏

去附子。

胡粉散 治大渴。百方療不瘥者。亦治消腎。

鉛丹 胡粉 各半兩 括萋 兩一 甘草 兩二 澤瀉 石膏

赤石脂 白石脂 各半兩

右八味為細末。水服。方寸匕。日二服。壯者一七半。一年病。一日愈。二年病。二日愈。渴甚者。二服。腹痛者。減之。如丸服。亦妙。每服十丸。多則腹痛也。

三黃丸 主治男子婦人。五勞七傷。消渴。不生肌肉。婦人帶下。手足發寒熱者。

春三月 黃芩兩四 大黃兩二 黃連兩四

夏三月 黃芩兩六 大黃兩一 黃連兩一

秋三月 黃芩兩六 大黃兩二 黃連兩三

冬三月 黃芩兩三 大黃兩五 黃連兩二

右三味。隨時加減。搗為細末。煉蜜為丸。如大豆大。每服五丸。日三服。不去者。加七丸。服一月。病愈。嘗試有驗矣。

人參白朮散

治胃膈痺熱。煩滿不欲食。或痺成為消中。善食而瘦。或燥鬱甚。而消渴多飲。而數小便。或熱病。或恣酒色。誤服熱藥者。致脾胃真陰。血液損虛。肝心相搏。風熱燥甚。三焦腸胃燥熱。沸鬱。而水液不能宣行。則周身不得潤濕。故瘦瘁黃黑。而燥熱消渴。雖多飲。而水液終不能浸潤于腸胃之外。渴不止。而便注為小便多也。叔世俗流。不明乎此。妄為下焦虛冷。誤死多矣。又如周身風熱燥鬱。或為目瘡。癰疽瘡瘍。上為喘嗽。下

為痿痺或停積而濕熱內甚不能傳化者變水腫腹脹也凡多飲數溲為渴多食數溲為消中肌肉消瘦小便有脂液者為消腎此世之所傳三消病也雖無所不載以內經考之但燥熱之微甚者也此藥兼療一切陽實陰虛風熱燥鬱頭目昏眩風中偏枯酒過積毒一切腸胃滯滯壅塞瘡癬痿痺并傷寒雜病煩渴氣液不得宣通并宜服之

人參 白朮 當歸 芍藥 大黃 山梔子 澤瀉 各半兩

連翹 瓜蒌根 乾葛 茯苓 已上各一兩 官桂 木香

藿香 各一分 寒水石 甘草 石膏 滑石 盆硝 各半兩

右為粗末每服五錢水一盞生薑三片同煎至半盞絞汁入蜜少許溫服漸加十餘錢無時日三服或得臟腑疏利亦不妨取效更妙後却常服之或兼服消痞丸似覺腸胃結滯或濕熱內甚自利者去大黃芒硝

人參散

治身熱頭痛或積熱黃瘦或發熱惡寒畜熱寒戰或膈痰嘔吐煩熱煩渴或燥濕瀉痢或目疾口瘡或咽喉腫痛或風昏眩或蒸熱虛汗肺痿勞嗽一切邪熱變化真陰損虛並宜服之

石膏 寒水石 滑石 甘草 人參

右為細末每服二錢溫水調下或冷水亦得

三消之論劉河間之所作也。因麻徵君寓汴梁暇日訪先生後裔。或舉教醫學者即其人矣。徵君親詣其家求先生平昔所著遺書。乃出三消論氣宜病機三書。未傳于世者又多不全。止取三消論于卷首。增寫六位藏象二圖。其餘未遑潤色。即付友人穆子昭。子昭乃河間門人。穆大黃之後也。時覓官于京師。方且告。因徵君欲因是而惠之。由是余從子昭授得一本。後值兵火。遂失其傳。偶于鄉人霍司承君祥處復見其文。然傳寫甚誤。但依倣而錄之。以符後之學者。詳為刊正。云時甲辰年冬至日。錦溪野老書續方。柏亭東久亭寺僧悟大師傳經驗方。

治飲水百盃尚猶未足。小便如油。或如杏色。服此藥三五日。小便大出。毒歸于下。十

日永除根本。此方令子和辯過。云是重劑可用。悟公師親驗過矣。

水銀錢

錫研成水銀

牡蠣兩

蜜陀僧兩

知母兩

貝母兩

紫花苦參兩

黃丹兩

瓜萸根斤半

右為細末。男子用不生兒猪肚一箇。內藥。婦人用獷猪肚一箇。麻線縫之。新瓦合蓋。一合。繩繫一兩。遭米一升。更用瓜萸根末半斤。却于新水煮熟。取出放冷。用砂盆內研爛。就和為丸。如猪肚丸法用之。

儒門事親卷之十三終



竹園詩集卷之三

竹園詩集卷之三

竹園詩集卷之三

竹園詩集卷之三

竹園詩集卷之三

竹園詩集卷之三

竹園詩集卷之三

竹園詩集卷之三

竹園詩集卷之三

竹園詩集卷之三

竹園詩集卷之三

竹園詩集卷之三

竹園詩集卷之三

竹園詩集卷之三

儒門事親卷之十四

扁鵲華陀察聲色定死生訣要

病人五臟已奪神明不守聲嘶者死

病人循衣縫謔語者不可治

病人陰陽俱絕掣衣撮空妄言者死

病人妄語錯亂及不能言者不治熱病者可治

病人陰陽俱絕失音不能言者三日半死

病人兩目皆有黃色起者其病方愈

病人面黃目青者至期而死重出在下文

病人面黃目赤不死赤如衄血者死

病人面黃目白者不死白如枯骨者者死

病人面黃目黑者不死黑如炷死

病人面黑目青者不死

病人面目俱黃者不死

戴人張子和著  
新安吳勉學校

傳門 卷十四  
病人面青目白者死。

病人面黑目白者不死。

病人面赤目青者六日死。

病人面黃目青者九日必死。是謂亂經。飲酒當風。邪入胃經。膽氣妄泄。目則為青。雖天

救亦不可生。

病人面赤目白者十日死。憂恚思心。氣內索。面色反好。急棺槨。

病人面白目黑者死。此謂榮華已去。血脈空索。

病人面黑目白八日死。腎氣內傷。病因留損。

病人面青目白五日死。

病人着牀心痛短氣。脾氣內竭。後百日復愈能起。徬徨因坐于地。其上倚牀。能治此者

也。

病人耳目鼻口有黑色。起入于口者必死。

病人目無精光。若土色。不受飲食者四日死。

病人目無精光。及牙齒黑色者不治。

病人耳目及顴頰赤者。死在五日中午。

病人黑色出于額上髮際。直鼻脊兩顴上者。亦死在五日中午矣。

病人黑色出天中下至上顴上者死。

病人及健人黑色若白色起入目及鼻口者死在三日中矣。

病人及健人面忽如馬肝色望之如青近之如黑者必死矣。

病人面黑直視惡風者死。

病人面黑唇青者死。

病人面青唇黑者死。

病人面黑兩脇下滿不能自轉反者死。

病人目不回直視者一日死。

病人頭目久痛卒視無所見者死。

病人陰結陽絕目睛脫恍惚者死。

病人陰陽竭絕目眶陷者死。

病人眉系傾者七日死。

病人口如魚口不能復閉而氣出多不反者死。

病人臥遺尿不覺者死。

病人屍臭者不可治。

肝病皮白肺之日庚辛死。

心病目黑腎之日壬癸死  
脾病唇青肝之日甲乙死

肺病頰赤目腫心之日丙丁死

腎病面腫唇黃脾之日戊己死

青欲如蒼壁之赤不欲如藍

赤欲如帛裹朱不欲如赭

白欲如鵝毛不欲如枯骨

黑欲如黑漆不欲如炭

黃欲如羅裹雄黃不欲如土

目赤色者病在心。白在肺。黑在腎。黃在脾。青在肝。黃色不可名者病在胸中。

診目病赤脉從上下者太陽病也。從下上者陽明病也。從外入內者少陽病也。

診寒熱瘰癧。目中有赤脉。從上下至腫子。見一脈一歲死。見一脈半一歲半死。見二脈

半二歲半死。見三脈三歲死。

診牙齒痛。按其陽明之脈來太過者。獨熱在右。右熱。熱在左。左熱。熱在上。上熱。熱在下

下熱。

診血者脈。多赤多熱。多青多痛。多黑多黃多痺。多赤多黑多青皆見者。寒熱身痛。面色



診百病死生訣第七

診傷寒熱盛脈浮大者生。沉小者死。傷寒已得汗。脈沉小者生。浮大者死。

溫病三四日已下不得汗。脈大疾者生。脈細小難得者死。不治。

溫病穰穰大熱。其脈細小者死。千金穰穰作特行

溫病下痢。腹中痛甚者死。不治。

溫病汗不出。出不至足者死。厥逆汗出。脈堅彊急者生。虛緩者死。

溫病二三日身體熱。腹滿頭痛。食如故。脈直而疾者。八日死。四五日頭痛。腹痛而吐。脈

來細強。十二日死。八九日頭不疼。身不痛。目不變色。不變而反利。脈來喋喋。按之不彈

手時。時心下堅。十七日死。

熱病七八日。脈不軟。一作喘不散。一作數者。當有瘡。瘡後三日。溫汗不出者死。

熱病七八日。其脈微細。小便不利。加暴口燥。脈代。舌焦。乾黑者死。

熱病未得汗。脈盛躁疾。得汗者生。不得汗者難瘥。

熱病已得汗。脈靜安者生。脈躁者難治。

熱病已得汗。大熱不去者亦死。

熱病已得汗。熱未去。脈微躁者。慎不得刺治。

熱病發熱甚者其脈陰陽皆竭慎勿刺不汗出必下利。

診人被風不仁痿躄其脈虛者生。堅急疾者死。

診癩病虛則可治實則死。

診癩病脈實堅者生。脈沉細者死。

又癩疾脈得大滑者久而自已。其脈沉小急實不可療。小堅急者亦不可療也。

診頭痛目痛久視無所見者死。

診人心腹積聚其脈堅強急者生。虛弱者死。又實強者生。沉者死。其脈大腹大脹四肢

逆冷其人脈形長者死。腹脹滿便血脈大時絕極下血脈小疾者死。

腸澼便血身熱則死。寒則生。

腸澼下白沫脈沉則生。浮則死。

腸澼下膿血脈懸絕則死。滑大則生。

腸澼之屬身熱脈不懸絕滑大者生。懸濇者死。以臟期之。

腸澼下膿血脈沉小留連者生。數疾且大有熱者死。

腸澼筋攣其脈小細安靜者生。浮大緊者死。

洞泄食不化不得留下膿血脈微小連者緊急者死。洩注脈緩時小結者生。浮大數者死。

蠶蝕陰注其脈虛小者生。緊急者死。

效嗽脈沉緊者死。浮直者浮軟者生。小沉伏匿者死。

效嗽羸瘦脈形堅大者死。

效脫形發熱脈小堅急者死。肌瘦下脫形熱不去者必死。

效而嘔腹脹且洩其脈弦急欲絕者死。

吐血衄血脈滑小弱者生。實大者死。

汗若衄其脈小滑者生。大躁者死。

吐血脈緊強者死。滑者生。

吐血而欬上氣其脈數有熱不得卧者死。

上氣脈數者死。謂損形故也。

上氣喘息低昂其脈滑手足溫者生。脈澁四肢寒者必死。

上氣面浮腫肩息其脈大不可治。加利必死。

上氣注液其脈虛寧伏匿者生。堅強者死。

寒氣上攻脈實而順滑者生。實而逆澁者則死。太素云寒氣在上脈滿實何如曰實而

日舉形盡滿者脈急大堅尺滿而不應知是者順則生逆則死何謂順則生逆則死所謂順者手足溫也逆者手足寒也

病癉脈實大病久可治。脈弦小堅急病久不可治。

消渴脈數大者生。細小浮短者死。

消渴脈沉小者生。實堅大者死。

水病脈洪大者可治。微細不可治。

水病脈閉。其脈浮大軟者生。沉細虛小者死。

水病腹大如鼓。脈實者生。虛則死。

卒中惡咯血數升。脈沉數細者死。浮大疾快者生。

卒中惡腹大四肢滿。脈大而緩者生。緊大而浮者死。緊細而微亦生。

瘡。腰脊強急。瘕瘕。皆不可治。

寒熱瘕瘕。其脈代絕者死。

金瘡血出太多。其脈虛細者生。數實大者死。

金瘡出血。脈沉小者生。浮大者死。

斫瘡出血。一二升。脈來大二十日死。

斫刺俱有病。多少血出不自止者。其脈來大者七日死。滑細者生。

從頭頓仆。內有血。腹脹滿。其脈堅強者生。小弱者死。

人為百藥所中。傷脈澁而疾者生。微細者死。洪大而遲者生。千金遲作速。

人病甚而脈不調者難治。脈洪大者易瘥。

人內外具虛。身體令而干。出微區而頭憂。手足厥逆。豐不得安。淨者死。永實滿。手足寒。

頭熱春秋生。冬夏必死矣。

老人脈微。陽羸陰強者生。脈大而加息者死。陰弱陽強。脈至而代。期月而死。

尺脈濇而堅。為血實氣虛也。其發病腹痛逆滿。氣上行。此為婦人胞中絕傷。有惡血。久成結癥。得病以冬時。泰當赤而死。

尺脈細而微者。血氣俱不足。細而來有力者。是穀氣不克。病得節輒動。棗葉生而死。此病秋時得之。左手寸口脈偏動。乍大乍小不齊。從寸至關。關至尺三部之位。其脈動各異不同。其人病仲夏得之。此脈桃花落而死。

左手寸口脈偏沉伏。乍小乍大。朝浮大而暮沉伏。浮大即太過。上出魚際。沉伏即下不止。關中往來無常時。復來者榆華枯而死。

右手尺部脈三十動一止。有須臾還二十動止。乍動乍疎。連連相因。因不與息數相應。其人雖食穀猶不愈。繫草生而死。

右手尺部脈四十動而一止。止而復來。來逆如循張弓絃。絃絃然如兩人共引一索。至立冬死。

病機

諸風掉眩。皆屬於肝。甲乙木也。木鬱達之。諸寒收引。皆屬於腎。壬癸水也。水鬱泄之。



諸氣臏鬱皆屬於肺庚辛金也。金鬱折之。

諸濕腫滿皆屬於脾戊己土也。土鬱奪之。

諸痛痒瘡瘍皆屬於心丙丁火也。火鬱發之。

諸熱贅瘻皆屬於火。

諸厥固泄皆屬下。下謂下焦肝腎氣也。夫守司于下腎之氣也。門戶束要肝之氣也。故

禁出入無度燥濕不恒皆由下焦主守也。

諸病喘嘔皆屬於上。上謂上焦心肺氣也。炎熱薄燥。承熱分化。肺之氣也。熱鬱化上。故

病屬上焦。

諸禁鼓慄如喪神守皆屬於火熱之內作。

諸頸項強皆屬於濕太陽傷濕。

諸逆衝上皆屬於火炎上之性用也。

諸脹腹大皆屬於熱熱鬱于內肺脹于上。

諸躁狂越皆屬於火熱盛于胃及四末也。

諸暴強直皆屬於風陽內鬱而陰行于外。

諸病有聲鼓之如鼓皆屬於熱。

諸熱肘腫疼酸驚駭皆屬於火。

諸轉反戾。水液渾濁皆屬于熱。反戾筋轉也。水液小便也。諸病水液澄清徹冷皆屬寒。上下所出及吐出溺出。

諸嘔吐酸暴注下迫皆屬于熱。故大要曰：謹守病機，各司其屬。有者求之，無者求之。盛者責之，虛者責之。必先五勝，疎其血氣，令其調達，而致和平。此之謂也。五勝謂五行更勝也。

### 標本運氣歌

少陽從本為相火。本陰從本濕上坐。厥陰從中火是家。陽明從中濕是我。太陽少陰標本從陰陽。二氣相包裹。風從火斷汗之宜。燥與濕兼下之可。萬病能將火濕分。徹開軒岐無縫鎖。

### 辨十二經水火分治法

膽與三焦尋火治。肝和包絡都無異。脾肺常將濕處求。胃與大腸同濕治。惡寒表熱小。膀胱溫惡熱表寒。心腎熾十二經最端的。四經屬火。四經濕。四經有熱有寒時。攻裏解表細消息。濕同寒火同熱。寒熱到頭無兩說。六分分來半分寒。寒熱中停真浪舌。休治風休治燥。治得火時風燥了。當解表時莫攻裏。當攻裏時莫解表。表裏如或兩可攻。後先內外分多少。敢謝軒岐萬世恩。爭奈醯雞笑天小。

### 治病

不讀本草焉知藥性專泥藥性決不識病假饒識病未必得法識病得法工中之甲。

六陳

藥有六味陳久為良。狼棗半橘。枳實麻黃。

十八反

本草名言十八反。半萋貝欬及攻烏。藻戟遂芫俱戟草。諸參辛芍叛藜蘆。

運氣歌

病如不是當年氣。看與何年運氣同。只向某年求治法。方知都在至真中。

五不及

坎一丁三土五中。一七癸九是災宮。勝復都來十一位。誰知臟腑與宮同。

斷病人生死

靈樞經云。人有兩死而無兩生。陽氣前絕。陰陽後竭。其人死身色必青。陰氣前絕。陽氣後竭。其人死身色必赤。故陰竭則身青而冷。陽竭則身赤而溫。

四因

夫病生之類。其有四焉。一者始因氣動而內有所成。二者始因氣動而外有所成。三者不因氣動而病生于內。四者不因氣動而病生于外。

因氣動而內成者。謂積聚癥瘕留氣。起結核。賴簡之類是也。

不因氣動而病生於內者。謂流飲辟食。饑飽勞損。宿食霍亂。悲恐喜怒。想慕憂結之類。不因氣動而病生於外者。謂瘴氣賊魅。蟲蛇蠱毒。蜚食鬼擊。衝薄墮墮。風寒暑濕。斫射刺割。撻扑之類是也。如此四類。有獨治內而愈者。有兼治內而愈者。有獨治外而愈者。有兼治外而愈者。有先治內後治外而愈者。有先治外後治內而愈者。有須解毒而攻擊者。有須無毒而調引者。凡此之類。方法所施。或重或輕。或緩或急。或收或散。或潤或燥。或軟或堅。方士之用。見解不同。各擅己心。好丹非素。故復問之。

### 五苦六辛

五苦六辛。從來無解。蓋史家闕其疑也。一日麻徵君以此質疑于張先生。先生亦無所應。行十五里。忽然有所悟。欣然迴告于麻徵君。以為五苦者。五臟為裏。屬陰。宜用苦劑。謂苦涌泄為陰。六辛者。六腑為表。屬陽。宜用辛劑。謂辛甘發散為陰。此其義也。徵君大服其識。鑒深遠。鑿昔人不傳之妙。故曰知其要者。一言而終。不知其要者。流散無窮。





瘡瘍癰腫第一

治蜈蚣瘡

良薑 白芨 瀝青 已上各等分

右為細末。嚼芝蔴水同熬為膏。入冷水共定。用緋絹片火熨斗作膏藥。貼瘡上。

又方千年石灰 茜根燒灰

右為細末。用水調雞翎塗上。

水沉金絲膏 貼一切惡瘡。

瀝青 白膠 已上各一兩 春秋宜用油 夏宜油蠟二錢半

冬宜用油蠟四錢

右件鎔開油蠟下瀝青白膠。用槐枝攪勻。綿子濾過。入冷水中扯一千餘遍。如瘡透了。喫數丸。作劑于瘡口填者亦妙。攤紙上貼。勿令火炙。

乳香散 治下疳。

乳香 沒藥 輕粉 黃丹 龍骨 烏魚骨 黃連 黃芩

戴人張子和著  
新安吳勉學校

銅碌 已上各等分 麝香抄

右為細末。先以溫漿水洗過貼疔瘡上。

治蛇傷方

右用蒲公英科根作泥塗貼于傷處。用白麪膏藥貼之大効。

紫金丹 治疔瘡

白礬兩四 黃丹兩二

右用銀石器內鎔礬作汁。下丹。使銀釵子攪之。令紫色成也。用文武火。無令太過。不及如有瘡。先以周圍挑破。上藥。用唾津塗上數着。無令瘡乾。其瘡潰動。取疔出也。兼瘡顏色紅赤為効。如藥未成就。再杵碎炒令紫色。

治疔瘡

生蜜與隔年葱一處研成膏

右先將瘡周圍用竹鍼刺破。然後用瘡藥于瘡上攤之。用緋絹蓋覆。如人行二十里。覺疔出。然後熱醋湯洗之。

千金托裏散 治一切發背疔瘡

連翹二錢 黃耆半兩 厚朴兩二 川芎兩一 防風兩一 桔梗兩一

白芷一兩 芍藥一兩 官桂一兩 木香三錢 乳香三錢 當歸半兩

沒藥錢三

甘草兩一

人參兩半

右為細末每服三錢用酒一碗盛煎三沸和滓溫服膏子貼之。

三聖散 治諸瘡腫

黃丹兩二

白礬飛二兩

右為細末每服乾摻瘡口上後用保生錠子捏作餅子貼之。

保生錠子

巴豆文四十九筒另研  
武火燒熱

金脚信錢二

雄黃錢三

輕粉匣半

礪砂錢二

麝香錢二

右件為末用黃蠟一兩半化開藥將和成錠子冷水浸少時取出旋捏作餅子如錢

眼大將瘡頭撥破每用貼一餅子次用神聖膏藥封貼然後服托裏散若瘡氣透裏

危者服破棺散用神聖膏貼之。

神聖膏藥 貼治一切惡瘡

當歸兩半

沒藥錢三

白芨半錢

乳香錢三

藁本兩半

琥珀半錢

黃丹錢四

木鼈子去五箇  
皮一錢

膽礬錢一

粉霜錢一

黃蠟兩二

白膠兩三

巴豆箇二  
去皮

槐柳枝各長二把  
二十條

清油斤一

右件一處先將槐柳枝下油內煮焦取出次後下其餘藥物煮得極焦亦撈出却將

油澄清再熬成膏子。用緋絹上攤貼之。

破棺丹

大黃半兩

甘草二兩

荆三稜半兩

山梔子半兩

牽牛末二兩

右為細末。煉蜜為丸。如彈子大。每服半丸。食後酒半盞。研化服之。忌冷水。

三聖散 治腫瘡疔瘡搭手背疽等瘡。

葱白一斤 馬荳一斤 石灰一斤

右三味濕搗為團。陰乾為細末。貼瘡。如有死肉者。宜先用潰死肉藥。

潰死肉藥方

炊飯尖三兩各

一等半兩入巴豆二箇

一等半兩入巴豆三箇

一等半兩入巴豆五箇各銀玃

右先用二巴豆納瘡。如不潰。再用納三巴豆。又不潰。用五巴豆者。更用丹砂炒紅色。摻瘡口。追出清水。其惡肉未盡。至追出赤水。是惡肉盡。更用三聖散貼之。用膏藥傳

之。

治腫瘡久不愈者

用川烏頭黃蘗各等分為末。用唾津調塗紙上貼之。大有効矣。

治一切惡瘡方

以天茄葉貼之或為細末貼之亦妙

又方 用臘月中白燒灰油調塗瘡疥上

又方 以瓦松不拘多少陰乾為末先用槐枝蔥白湯洗之過搽之立效。灸瘡久不斂者更妙。

者更妙

又方 以蒲公英搗之貼一切惡瘡諸刺。

替鍼丸 治一切惡瘡

川烏錢二 草烏錢二 五靈脂錢二 輕粉分 粉霜分

又方 加班猫二十箇去翅 巴豆二十箇去皮

右將三件為末研令勻次入輕粉粉霜研勻又入班猫巴豆以水調糊為錠子如是散

謂針頭散

懸婁散 治發背惡瘡

懸婁一箇 大黃兩一 金銀花兩一 當歸兩半 皂角刺兩一

右剉碎用酒一椀煎至七分去滓溫服如有頭者加黍粘子

治附骨癰及一切惡瘡

當歸兩一 甘草兩一 山梔子箇 木鼈子兩一

右為細末每服三五錢冷酒調服之



治諸惡瘡

白殭蠶直

大黃二味各等分

右為細末。生薑自然汁與蜜同和為劑。丸如彈子大。每服一丸。細嚼。

治惡瘡死肉錠子

巴豆一錢去皮

五靈脂兩

黃丹二錢飛

加枯白礬錢

右為細末。以糊和丸。錠子入瘡內用之。

當歸活血散

治瘡瘍未發出。內痛不可忍。及婦人產前後腹痛。

當歸二錢

沒藥半錢

乳香半錢

白芍藥三錢

瘡瘍者。加人參。木香。婦人加赤芍藥。

右為細末。每服一錢。水一中盞。煎至七分。和滓溫服。日二服。婦人酒煎。瘡既發。不須用。

薰惡瘡方

紫花地丁一名米布袋收

右取根曬乾。用四箇半頭。壘成爐子。燒着地丁。用絡埤埤一枚蓋了。使令埤眼內

烟出。薰惡瘡。出黃水。自愈。

治地瘡

用蒲公英科眼作塗。貼于傷處。用白膏藥封之。

接骨散 并治惡瘡

金頭蜈蚣箇

金色自然銅

研半兩燒紅醋末用之

乳香

二錢為細末用之

銅錢

五文燒紅醋研碎細

金絲水蛭

瓦一錢半作三截每箇為度

沒藥

三錢研細

右為細末如瘡腫處津調半錢塗立止痛如見得出膿先用粗藥末少許小油少半匙同打勻再入少半匙再打勻又入前藥接骨散半錢再用銀釵子打成膏子用雞翎掃在瘡腫處立止痛天明一宿自破便効如打折骨頭并損傷可用前項接骨散半錢加馬兜鈴末半錢同好酒一大盞熱調連滓溫服如骨折損立接定不疼如不折了喫了藥立便止住疼痛此方屢經效驗不可具述服藥觀可以食前服食後服又外用接骨藥

陳爛麻根

兩把半耳

亂絲者

一握多

右取肥松節劈碎約量輕重先放三兩根于新瓦上都於上外三味在上燒着存性就研為末如生再燒研為度後入五靈脂或半兩如疼入好乳香少許和藥如茶褐色為度用布條子約纏一遭先攤小黃米粥勻上撒上藥末勻纏定折處上又用軟帛三五重上又竹篋子纏勒得緊慢得中初三日換上一次再後五日換一次又七日再換上一次無有不接者

赤龍散

消散一切腫毒

用野葡萄根紅者去粗皮為末。新水調塗。腫上頻掃新水。  
便癰方 本名血疔

牡蠣 大黃 甘草 已上各半兩 懸萋一箇

右酒浸露一宿服之。以利為度。

又方 冬葵子為末。酒調下三兩服。

又方 皂角不蛀者。燒過陰乾為末。酒調服立効。皂角子七箇。水調服之亦効。

又方 胡桃七箇。燒過陰乾。研為末。酒調服之。不過三服大効。

又方 生蜜米粉調服。休喫飯。利小便為度。

治瘡無頭者

蛇退皮于腫處貼之。

又方 皂角刺燒灰陰乾。

右為末。每服三錢。酒調嚼。葵菜子三五箇。前藥送下。大効。

生肌斂瘡藥

白斂 定粉 各等分 黃丹 鈔

右同為細末。洗淨瘡口乾貼之。

治諸瘡水度腫者

生白礬末水調塗之自消。

### 接骨藥

銅錢半兩醋浸碎 木香錢 自然銅錢 射香抄

右為極細末。如在上食後。每服三匙。頭嚼丁香一枚。乳香一粒。無灰酒一小盞。在下食前。如不折。其藥反出。服罷。其痛不可當。勿疑。待一日。如骨未接。再服如前。老者十餘少者不過五七日。

### 萬聖神應丹出箭頭

菘若科根一名天仙子取着中一科

右於端午日前一日持不語。尋見菘若科。言道先生你却在這裏。那道罷。用柴灰自東南為頭圍了。用木楔子。撮取了根。周圍土。次日端午日未出時。依前持不語。用鐵頭一隻。取出土。用淨水洗了。不令雞犬婦人見。于淨室中。以石臼搗為泥。丸如彈子。大黃丹為衣。以紙袋封了。懸于高處。陰乾。如有人着箭不能出者。用緋絹盛此藥。訖放臍中。用綿裹肚繫了。先用象牙末于瘡口上貼之。後用前藥。如瘡口生。合用刀子利開貼之。

### 治凍瘡

臘月雀腦子燒灰研細小。油調塗凍瘡口上。

又方 以正黃藥為細末。用乳汁調塗瘡口上。

又方 以山藥少許。生於新瓦上磨為泥。塗瘡口上。

治手足裂

白芨不以多少為末。水調塗裂處。

治面上瘡

用鐵子底黑煤。于小油中以匙打成膏子。攤在紙上貼瘡神效。

治金瘡血不止

用白薇末貼之立止。

善應膏藥

黃丹 斤二

南乳香 研

沒藥 研

當歸

木鼈子 用生

白欬 用生

官桂 寸三

杏仁 生

白芷 以上各一兩

新柳枝 各長一斤

除黃丹乳沒等。外八件用芝麻油五斤。浸一宿。用鐵鍋內煎令黃色。藥不用。次入黃丹。鍋內柳條攪令黃色。方可擬下。用柳枝攪出大煙。入乳沒勻令冷。傾在磁盆內。候藥硬。用刀子切作塊。油紙裹。

接骨丹

五靈脂 兩一 茴香 錢一



右二味為細末。另研乳香為細末于極痛處搽上。用小黃米粥塗了。後用二味藥末搽于上。再用帛子裹了。用木片子纏了。少壯人二日効。老者五六日見効矣。

治癬如聖丸

黃蘗 黃芩 黃連 防風 已上各半兩

白殭蠶兩 全蝎分三 輕粉錢

右為細末。羊蹄根汁浸蒸餅為丸。如梧桐子。每服二三十丸。嚼羊蹄根汁送下。隨病人上下分食前後。又羊蹄汁塗癬。

治小兒癬雜瘡

白膠香 黃蘗 輕粉

右為細末。羊骨髓調塗癬上。

治瘰癧方

班猫去頭 赤小豆 白殭蠶 苦丁香 白丁香 磨刀泥

右各等分。為細末。十歲已上服一錢。二十已上服二錢。五更用新汲水一盞調下。比至辰時見効。女人小便見赤。白色三兩次。男子于大便中見赤。白色為効。當日服白粘粥。不得喫別物。大忌油膩。患三四年者。只一服。七八年者。再一服。

玉餅子 治瘰癧一切惡瘡軟癬

右用白膠一兩磁器內鎔開去滓再于磁開後以草麻子六十四箇作泥入膠內攪勻入小油半匙頭柱點水中試硬軟添減膠油如得所量瘡大小以緋絹攤膏藥貼之一膏藥可治三五癬

又方治瘰癧

小龍肚腸一條乾 蟹殼裙襴炮

川練子甌 牡蠣

大黃

牛蒡子燒存性

皂角子甌十

右為細末蒸餅為丸如菘豆大每服十五丸食後艾湯下日三服

又方將臘月貓糞用新瓦兩箇合在內外用鹽泥固濟燒成灰以小油調塗瘡口上

又方取小左盤龍不以多少為末陳米飯搜和得所丸如梧桐子大每服三五丸却

用陳米湯送下

治眉煉頭瘡

小麥不以多少燒冷黑色存性為末以小油調塗瘡上

治小兒瘡瘡

羊糞熬湯洗去痂用屋懸燥炒羅為末以小油塗瘡上

聖靈丹 治打撲胸損痛不可忍者

乳香三錢另研

烏梅五箇去核細切焙乾為末

白萬莖子二兩八錢炒令黃搗為末

白米一捻另研

右再入乳鉢內研數百下。煉蜜為丸如粟大。細嚼熱湯下。病在上食後在下食前  
出醫方

右用蕎麥楷一擔。不爛者燒灰存性。入石灰半斤。同灰一齊過令火滅。然後以熱水  
霖灰窩淋下灰水。用鐵器內煮。以捺起攪成膏子。于醫上點自出。或先以草莖刺破  
亦可。

又方。桑柴灰石灰淋汁熬成膏。草莖刺破點。以新水沃之。忌油膩等物。  
燒湯火方

多年廟上物與走獸為末。小油調塗燒湯火瘡効。

又方。生地黄汁入小油。蠟同熬成膏。磁器內盛。用雞翎掃盪處。

又方。牆上青苔燒灰。小油調塗燒燙處。

治燒燙方

生地黄旋取新者爛搗。取自然汁。入小油黃蠟少許。銀石器中熬成膏子。用雞翎

掃瘡上。

又方。血餘灰用臘猪脂調塗。

又方。寒水石燒過為細末。水調塗之。

枯瘤方

砒 硃砂 黃丹 雄黃 粉霜 輕粉 以上各等一錢

乳香錢三 沒藥錢一

同研為末。粥糊為丸。捏作碁子樣。爆乾。先灸破。瘤頂三炷為則。上以瘡藥餅蓋上。用

黃蘗末。以水調貼之。數日自然乾枯。落下。

又方。以銅碌為末。草刺破。瘤摻在上。以膏藥塗之。

治頭面生瘤子。用蛛絲勒瘤子根。三二日自然退落。

乳香散 貼杖瘡腫痛

大黃 黃連 黃蘗 黃芩 己上各三錢 乳香研 沒藥研

以上各一錢 腦子抄

右四味為末。後入三味。冷水調勻。攤于緋絹上。貼杖瘡上。

### 治疔瘡

馬明退燒灰錢三 輕粉抄 乳香抄

右研為細末。先以溫漿水洗淨。乾摻之。

### 治疔瘡久不愈者

海浮石燒紅醋 金銀花

右每石一亭。金銀花一亭。同為田末。每辰二錢半。口資令一錢。...

後在下食前服如病一年服藥半年即愈

瀉肺湯 治肺癰喘 坐卧不安

桑白皮剉 甜葶隔紙焙 各一兩

右二味粗末每服三錢水一盞煎至六分去滓食後温服以利為度

桔梗湯 治肺癰吐膿

桔梗剉半 甘草較剉

右為粗末每服六七錢水二盞煎至半盞去滓空心服須臾吐膿立愈

黃蘗散 治鵬窠微腰等瘡

黃蘗 白芨 白斂 已上各等分 黃丹謔

右為細末涼水調塗

口齒咽喉第二

地龍散 治牙痛

地龍去土 玄胡索 葶撥 已上各等分

右為細末每用一字用綿子裹隨左右痛于耳內塞之大効

牙宣藥

葶撥 胡椒 良薑 乳香研另 麝香 細辛 青鹽 雄黃



已上各等分

右為細末。先以溫漿水刷淨。後用藥末于痛處擦。追出頑涎沫吐了。嗽數十次痛止。忌油膩一二日。

仙人散 刷牙

地骨皮 浸二兩酒

青鹽 兩

黍粘子 半兩

細辛 酒浸

右為細末。入射香少許。每用一字。臨卧擦牙。茶酒嗽良久吐出。

又方 石膏

細辛

柳椹

已上各等分

右為末擦之。

治牙疳

米二停

鹽一停

盆碱

射香 許

白礬

右相合。水半勺。紙包裹。燒黑焦為末。貼瘡上立愈。

治牙痛

口噙水一口。用大黃末紙燃。隨左右痛處。鼻內任之立止。

又方

韶粉 錢二

好朱砂 錢一

右為末。每用少許。擦痛處。

又方 好紅豆錢

花碱

右為末。隨牙痛處左右鼻內啗之。

又方 華細羊齒 白茯苓皮去 川升麻 華撥 青鹽 明石膏 川芎

不蛀皂角皮去殼酥 已上各等分

右為細末。早晚刷牙。溫水嗽之。牙痛處更上少許。

又方

以巴豆去皮。用針刺于燈焰上。灸令烟出。薰牙痛處。薰三五上。

又方 高良薑一塊 全蝎一隻

右為細末。先用酸漿水嗽牙。次用藥末擦之。流下涎水即愈。

又方 治牙疼 花 牙坑痛立止

又方 枯白礬熱 之

治走馬咽痺

右用巴豆去皮。以綿子微裹。隨左右塞于鼻中立透。如左右俱有者。用二枚。

又方

用生白礬研細。塗于綿針上。按于喉中立破。綿針以榆條上用綿纏。作棗大是也。

又一法。如左右喉痺。于頂上分左右頭髮。用手挽拔之。剝然有聲。立効。此法年幼時常

見鄭六嫂救人甚多。不得其訣。近與子正話。及方得其傳。

又一法。以馬勃吹咽喉中立止。

治喉痺

大黃

朴硝

白殭蠶

右件同為細末。水煎量虛實用。以利為度。

口瘡方

白礬

至一兩飛

黃丹

再炒紫色為度

右二味為細末。摻瘡上立愈。

目疾證第三

治倒睫拳毛

將川山甲以竹篔子刮去肉。用羊腰窩脂去皮膜。仍將川山甲于炭上灸令黃色。用

脂擦去山甲上。如此數遍。令酥為末。隨左右眼噙水。鼻內噙一字。一月餘見効。

又方

木鱉子 三箇 乾炒

木賊 十節

地龍 二條 去土

赤龍爪 則一百二十箇

右為細末。摘去倒睫。每日以紙捻蘸藥噙之。一日三五次。

穿山甲地龍皮 蟬衣 五倍子 已上各等分

右為細末。如用藥時。先將拳毛摘盡。後用藥一字。隨左右鼻內噴之。次日目下如線樣微腫。是驗也。

貼赤眼

取青泥中蛆。淘淨。熬乾為末。赤眼上乾貼之。甚妙。

貼赤瞎

蘆甘石兩 蜜陀僧兩 黃連 朴硝

右方先將黃連用水熬成汁。入童子小便再同熬。後下硝。又熬。少時用火煨蘆甘石。紅黃連汁內淬七次。與蜜陀僧末同為末。臨卧貼之。

貼赤眼

銅碌 輕粉 牙硝 腦子諺 麝香

右為細末乾貼之。

截赤眼方

黃連 碌礬 杏子 甘草 銅碌 各等分

右為粗末。水煎洗甚効。

碧霞丹 治赤眼暴發。并治赤瞎。

銅碌 白土 芒硝

右件各分為末。丸如皂子。大每用白湯研化。一丸洗之立効。

汾州郭助教家神聖眼藥

麩仁兩一 金精石兩二 銀精石兩二 爐甘石燒四兩 赤石脂兩一 滑石兩二

密陀僧兩二 秦皮兩一 黃丹飛過兩 銅碌錢三 碓砂錢三 礪砂半錢

乳香錢 盆硝鈔 青鹽 腦子 麝香 以上并少用之

右用東流水三升。先入麩仁。次用餘味等。白沙蜜一斤。熬至二升。以線絹細濾過。澄

清入前藥攪之。勻點大効。

視星膏

白沙蜜一斤揀去蜜滓可秤十四兩 密陀僧水一兩金色者研極細淘可得六七錢

新柳筭子半四兩去皮心乾半炒

右用臘雪水五升。與蜜鑿調入藥。與柳筭子同貯于磁瓶中。以柳木塞瓶口。油絹封

勒於黑豆鍋中熬。從朝至暮。仍用柳棒閣瓶。防傾側。用文武火另添一鍋豆水滾下

旋於另鍋中取水添之。熬成。用重綿濾淨。却入瓶中。用井水浸三兩日。埋在雪中更

妙頻點為上。

復明膏 台小章



白丁香臘月收者尤佳

棟黃連兩

防風指許一兩

新柳枝約三片

右好四味用新水一升半。雪水更妙。春秋而三時。冬月一宿。以銀石器內熬至六分。濾去滓。另用蜜一斤。蜜院僧研極細末三字。入蜜攪勻另熬。以無漆匙捺點下。蜜中急攪候沸湯定。一人攪蜜一人旋。又攪藥汁都下在內攪勻。再熬兩三沸。色稍變。用新綿三兩。重濾去滓。盛器內點眼如常。本方每藥半合。用片腦一麥粒大。不用亦可。

### 錠子眼藥

黃丹飛一兩

黃蘗半兩

黃連半兩

枯白礬半兩

爐甘石半兩

銅碌半兩

硃砂錢

川烏炮錢

乾薑錢

蝎稍錢

信半錢

乳香許

沒藥許

右為細末。入豆粉四兩。澆蜜和。就如大麥許。錠子于眼大皆頭。待藥化淚出為効。

### 治冷淚目昏

密蒙花

甘菊花

杜蒺藜

石決明

木賊節

白芍藥

甘草

各等分

右為細末。茶清調下一錢。服半月後。加至二錢。

又方 乾薑肥者為末。每用一字。浸湯點洗。

又方 貝母一枚。膩白者。胡椒七粒。為末。點之。

單治目昏

荆芥穗 地骨皮 楮實 已上各等分

右為細末。煉蜜為丸。桐子大。每服二十九丸。米湯下。

治一切目昏

川椒一斤微炒搗取約取四兩

甘菊花四兩末之

生地黄一斤取新者作泥極爛

右將地黃泥與前藥末同和作餅子。透風處陰乾。再為末。以蜜為丸。如梧桐子大。每

服三十丸。食後茶清送下。

洗眼黃連散

當歸 赤芍藥 黃連 黃柏 各等分

右細剉以雪水或甜水濃煎汁。熱洗。能治一切風毒赤目。

諸物入眼中

好墨清水研。傾入眼中。良久即出。

點攀睛瘀肉

黃丹一兩二錢水飛過泣乾

白礬一兩銀器內化成汁

右將白礬于銀器內化成汁。入黃丹末在內。以銀匙兒攪勻。更入乳香沒藥各一錢。

慢火不住手攪。令枯乾為粉。候冷研極細。熟絹羅過後。入鷹條錢半。血竭二分。射香

青金散

芒硝兩一

螺青

沒藥

乳香

已上各少許

右為細末。每用少許。鼻內噴之。

治雀目炒黃色為細末

右油蠟就熱和為丸。如皂子。納于猪腰子中。麻纏蒸熟食之。可配米粥。

頭面風疾第四

治野贈風刺方

苦參斤一

紅芍藥

冬瓜

二味各四兩

玄參兩

右為末。每用一字。用手洗面上。

猪蹄膏洗面上野藥

右用猪蹄一副。刮去黑皮。切作細片。用慢火熬如膏粘。用羅子濾過。再入鍋內用蜜

半盞。又用

白芷

黑豆皮去

瓜萸筒一

白芨

白欬

苓苓香

藿香

已上各一兩

鷲梨細切

右將七味藥為末。同梨入藥一處再熬。滴水不散方成。以絹濾過。臨卧塗面。次日用

漿水洗面

治面風

益母草灰麩湯和燒七遍洗面用之。

治面黚黑斑點方

白附子兩

白芨

白欬

蜜陀僧

胡粉

白茯苓

各等分

右為細末洗淨臨卧以乳汁調一錢塗面但洗光淨牛乳亦可。

治頭風

苦丁香

川芎

藜蘆

各等分

右為細末噙水鼻內嚙之。

芎黃湯 治頭目眩運

大黃

荊芥穗

貫芎

防風

已上各等分

右為粗末大作劑水煎去滓服之以利為度。

耳聾方 苧麻子五十箇去皮

右與熟棗一枚同搗和丸如棗子大更入小兒乳汁就和每用一丸綿裹納于聾耳

內覺熱為度一日一易如藥難丸日中曝乾

又方口噙甘草一枚耳中塞二塊用綿裹立通

腦宣方

皂角不蛀者去皮弦子蜜炙槌碎水中揉成濃汁熬成膏子鼻內噴之口中咬解良  
久涎出為度

治耳底方

以枯白礬為末填于耳中立効。

治鼻中肉螻蛄

赤龍爪

苦丁香

以上各三十箇

苦葫蘆子炙

射香炒

右為末用紙撚子點藥末用之。

臍臭方

烏魚膏錢三

枯白礬錢三

蜜陀僧錢一

右為末先用漿水洗臭處後用藥末擦之。

又方蜜陀僧不以多少研細先以漿水洗臭處乾擦。

烏頭藥

細針沙炒

蕎麥炒

以上各一盞

大麥同亦

醎醋半升與前二味打糊。

凡用先使皂角水先洗淨時前二味糊稀稠得所于髭鬚上塗之均勻先用荷葉包次用皮帽裹之三五時辰用溫漿水洗了却收取元針沙其髭髮淨後用黑藥塗之。

黑藥方



沒食子

石榴皮

乾荷葉搗

已上各一兩

五倍子

柯子皮

百藥煎

金絲礬

碌礬另研旋點諸藥

間洗淨甚黑

右將七味為細末炒熟麪五六匙入好醋打麪糊和藥末再塗髭鬚。又用荷葉封裹。後用皮帽裹之三五時間洗淨甚黑。若更要黑光用猪膽漿水澤洗如鴉翎。

又方 酸石榴

五倍子

芝蔴葉

右同杵碎用絹袋盛之。于鐵器內水浸掠髮自黑。

治大頭病兼治喉痺方歌曰

人間治疫有仙方

一兩殭蠶二大黃

薑汁為丸如彈大

井花調蜜便清涼

又法

以砭針刺腫處出血立効。

治時氣

馬牙硝

寒水石

黍粘子

鬼臼

川大黃

鬼劍草

已上各等分

腦子抄

右六味為細末。用新井花水一盞藥末一二錢入腦子。喫外一半留。用新水得稠。雞翎掃在腫處。有風涼處坐。

雙解丸

巴豆六箇去皮 天麻二錢半

胭脂少

右將巴豆天麻為末。滴水丸如林米大。胭脂為衣。一日一丸。二日二丸。三日三丸。以外不解。先喫冷水一口。後用熱水下。如人行十里。以熱湯投之。

又一法。無藥處。可用兩手指相交緊。扣腦後風門穴。向前禮百餘拜。汗出自解。

又一法。適於無藥處。初覺傷寒。傷食。傷酒。傷風。便服太和湯。百沸湯。是避風處。先飲半

椀。或以釐汁亦妙。以手揉肚。覺恍惚。更服半椀。又用手揉至恍惚。更服。以至厭飲。心

無所容。探吐汗出則已。

不卧散

川芎一兩半

石膏七錢半

藜蘆半兩去土

甘草二錢半生

右為細末。口噙水。鼻內各噴之。少時喫白湯半椀。汗出解之。

川芎湯 解利一切傷寒。

川芎

藁本

蒼朮

右三件為細末。沸湯點三錢。須臾覺嘔逆便解。如不解再服之。

諸腰脚疼痛第六

皂角膏

右用醇酒二大碗。皂角一斤。去皮弦搗碎。熬至一半。沸去滓。再用前汁入銀石器熬為膏子。隨痛處貼之。

治腰脚疼痛方

天麻

細辛

半夏

已上各二兩

右用絹袋二箇。各盛藥三兩。煮熟。交牙慰痛處。汗出則愈。

牛黃白朮丸

治腰脚濕痛

黑牽牛

大黃

各二兩

白朮兩一

右為細末。滴水丸桐子大。每服三十丸。食前生薑湯下。如要快利。加至百丸。

婦人雜症第七

如聖丹 治婦人赤白帶下。月經不來。

枯白礬

蛇床子

各等分

右為末。醋作麪糊丸。如彈子大。以胭脂為衣。綿子裹納于陰戶。如熱極再換。

洗洗丸

療婦人無子

當歸

熟地黃

已上各三兩

玄胡索

澤蘭

已上各一兩半

川芎

赤芍藥

白薇

人參

石斛

牡丹皮

已上各一兩

當歸散 治月經欲來前後腹中痛

當歸以微煨醋 玄胡索用

沒藥研

紅花用

右為末温酒調下二錢

治產婦橫生 草麻子三十箇

研爛婦人頂上剃去髮少許以上藥塗之須臾覺腹中提正便刮去藥却于脚心塗

之自然順生也

治血崩 蠶沙不以多少

右為末每服三五錢熱酒調下服

又方 管仲去須判碎

或用酒醋煎三錢煎至七分去滓温服一服立止

當歸散 治血崩

當歸兩

龍骨燒兩

香附子炒三錢

椶毛灰兩半

右為細末空心米飲調下三四錢忌油膩雞猪魚兔等物

蓮殼散

乾蓮蓬燒灰

椶櫚皮及毛

各燒灰已上各半兩

香附子炒二錢

右為細末每服三四錢空心米飲湯調下服之

治婦人血枯

川大黃

右為末醋熬成膏。就成雞子大。作餅子。酒磨化之。

三分散

治產後虛勞。不進飲食。或大崩後。

白朮

茯苓

黃芪

川芎

芍藥

當歸

熟乾地黄

已上各一兩

柴胡

人參

已上各一兩六錢

黃芩

半夏洗切

甘草炙

已上各六錢

右為粗末。每服一兩水一大盞。煎至半盞。去滓溫服。日二服。

治產後惡物上潮痞結。大小便不通。

芒硝

蒲黃

細墨

各等分

右為末。用童子小便半盞。水半盞。調下服之。

治婦人產後虛弱和血通經。

當歸焙兩

芍藥二兩

香附子炒三兩

右為細末。每服一二錢。米飲調下。服之無時。

治婦人產後惡物不出。上攻心痛。

赤伏龍肝土竈底

研細

用酒調三五錢。瀉出惡物立止。



治娠婦下痢膿血及咳嗽。

白朮

黃芩

當歸

各等分

右為末。每服三五錢。水煎去滓。食前加桑皮止嗽。

百花散 治婦人產中咳嗽。

黃蘗

桑白皮

用蜜塗慢火炙黃色為度

二味各等分

右為細末。每服一二錢。水一盞入糯米二十粒同煎至六分。以款冬花燒灰六錢攪

在藥內同調溫服之。

治婦人吹嬾

以樺皮燒灰存性。熱酒調下三錢。食後服之。

又方 馬明退

燒灰五錢

輕粉

射香

許少

右為細末。每服二錢。熱酒調下服之。

又方 以皂角燒灰。蛤粉和熱酒將來調數字。下得喉嚨笑呵呵。

又方 以淘米木杓上砂子七箇。酒下以吹筳枝透乳孔甚妙。

欬嗽痰涎第八

九仙散

九尖草 麻子葉

錢三

飛過白礬

錢二

右用猪肉四兩。薄批。碁盤利開。摻藥二味。荷葉裹。文武火煨熟。細嚼。白湯送下。後用乾食壓之。

止嗽散

半夏洗一兩半湯 枯白礬兩四

右二味為末。生薑打麪糊和丸。桐子大。每服三二十次。空心温酒送下。

八仙散

欵冬花 佛耳草 甘草 鍾乳 礬管石 白礬 官桂

井泉石 已上各等分

右為細末。每服三錢。水煎服之。嗽一方。喉中

三才丸 治嗽

人參 天門冬心法 熟乾地黄 已上各等分

右為細末。煉蜜為丸。如櫻桃大。含化服之。

三分茶

茶錢二 蜜兩二 蕎麥麪兩四

右以新水一大碗。約打千餘數。連飲之。飲畢。良久下氣。不可停人。喘自止。

石膏湯 治熱嗽

石膏亂文者

人參去蘆

甘草半兩

右為細末。每服三錢。新水或生薑汁。蜜調下亦可。

三生丸 治嗽

胡桃仁兩一

生薑皮細切

杏仁兩一

右二味同研為泥。就和作劑。可得十三四丸。臨卧爛嚼一丸。可數服即止。

化痰延壽丹

天麻兩半

枸杞子兩二

白礬生半熟

半夏洗七次用

乾生薑兩一

人參兩一

右為細末。好糯酒拌勻。如砂糖。用蒸餅劑蒸熟。去皮杵白搗四五十杵。便丸。如乾入

酒三點。丸如小豆大。每服三五丸。生薑湯下。

半夏湯 治噦欲死者

半夏洗兩

生薑兩二

右二味細切。水二盞。煎至八分。去滓。作二服。食後。

治肺痿喘嗽

漢防己

右為細末。每服三錢。漿水一盞。同煎至七分。和滓溫服之。

治年高上氣喘促。睡卧難禁。

右蘿蔔子搗羅為末。白湯浸調五七錢。食後服之。或炒或用糖蜜作劑為丸服之。  
麻黃湯 治因風寒衣服單薄致嗽。

麻黃 不去節 甘草 生 杏仁 生用

右為粗末。每服三二錢。水煎。食後溫服。

心氣疼痛第九

失笑散 治急心痛并男子小腸氣。

五靈脂 兩半 蒲黃 炒兩

右為末。每服三錢。醋半盞煎二沸。再入水半盞。再煎二沸。空心食前。和滓溫服之。

又方 醋一盞。加生白礬一小塊。如皂子大。同煎至七分。溫服立愈。

又方 高良薑 兩 山梔子 兩 蔚金 兩

又方 以新嫩槐枝一握。切去兩頭。水二盞。煎至一盞。去滓。分作二服。熱服之。

又方 沒藥 乳香 薑黃 玄胡索 已上各等分

右為末。每服三錢。水煎。食後服之。

小腸疝氣第十

抽刀散

川練子 一兩 破四分 巴豆 三箇 同炒 黃色去 巴豆用之

茴香 一兩 鹽炒 黃色去 鹽用之

右為細末。每服三錢。蔥白酒調下。空心服之。

治陰痛不可忍

吳茱萸二兩洗七遍  
焙乾微炒

檳榔兩

茴香兩

右為細末。醋糊為丸。熱酒送下。十九丸。食前服之。

治偏腫

茴香

甘遂

右二味各等分。為末。酒調二錢。食後服之。

又方

巴戟心去

川練炒

茴香炒

各等分。為末。溫酒調二錢服之。

治小兒疝氣腫硬

地龍坏去

為末。唾津調塗患處。

治小腸氣痛

全蠲兩

茴香炒一兩  
黃

右為細末。醋糊和丸。如梧桐子大。如發時。每服五七十九。溫酒送下。食前服之。

治小便渾濁如精之狀

沒藥

木香

當歸

已上各等分

右為末。以刺棘心自然汁為丸。如梧桐子大。每服五七丸。食前鹽湯下。



治小便頻滑數不禁

知母 黃蘗 已上各等分

右剉碎酒浸透炒微黃為末水丸梧桐子大如服藥前一日休喫夜飯來日空心立服米飲湯下一百丸只見一服効後喫淡白粥一頓

蕩疝丹

川練子炒 茴香炒 破故紙炒 已上各半兩 黑牽牛錢 青皮 陳皮

已上各三錢 廣茂錢四 木香錢四

右八味為細末用好酒打麪糊為丸如梧桐子大空心温酒食前下三十九

灸疝法 放疝邊堅紋左右交弦灸七壯

腸風下血第十一

神應散 治腸風痔漏

牛頭角腮一隻酌 猪牙皂角七 穿山甲四十九片或圓取或一字取之 蝟皮兩

蛇退皮條

右五味錘碎盛在小口磁器內鹽泥固定日中曝乾瓶口微露出烟用文武火燒紅赤烟微少取出放冷為細末如服藥日先一日臨卧細嚼胡桃仁半箇如糊用温

錢。用水半大碗。醇糯酒半大盞。相合。熱和藥服之。至辰時再服。又一服。再依前服藥。不須用胡桃仁。久病不過七服。忌油膩魚蟹雞兔猪犬等物。大有

神効

温白丸 治臟毒下血。

椿根白皮凡引酒去粗皮

右為末。棗肉為丸。如梧桐子大。每服三五十九。淡酒送。或酒糊丸。

治脫肛痔瘻

胡荽子升 乳香許少 粟糠半升或一升

右先泥成爐子。留一小眼。可抵肛門大小。不令透烟。火薰之。

治脫肛

蔓陀羅花子 蓮殼對 橡椀筒十六

右搗碎。水煎三五沸。入朴硝。熱洗其肛。自上。

治痔漏下血不止

紫皮蒜十箇獨 大椒箇十 豆豉兩

右搗爛為泥。丸彈子大。空心細嚼。一丸鹽湯下。日進三服。効。

治痔漏

白牽牛頭末兩 沒藥錢

右同為細末。如欲服藥。先一日不食晚飯。明日空心。將獾猪精肉四兩。燒令香熟。薄批。摻藥末在內。裹之。漸又細嚼食盡。然後用宿蒸餅壓之。取下膿血為效。量病大小。虛實。加減服之。忌油膩濕麪酒色。三日外不忌。一服必效。或用淡水煮肉熟。用上法。亦可。又云。服前一日。不食午飯。并夜飯。明日空心服之。

又方 黑白牽牛一合。炒黃為末。猪肉四兩。切碎炒熟。與藥末攪勻。只作一服。用新白米飯三二匙壓之。取下白蟲為效。

又坐藥黑鯉魚鱗二三甲。以薄編罽裹如棗柱樣。納之。痛即止。  
淨固丸 治痔漏下血痒痛

槐花炒 枳殼去穢 已上各一兩

右為細末。醋糊為丸。如梧桐子大。每服二十九丸。米飲湯下。空心食前。十服見效。

黃連貫眾散 治腸風下血

黃連 雞冠花 貫眾 大黃 烏梅 以上各一兩

甘草三錢 枳殼炮 荊芥 已上各一兩

右為細末。每服二三錢。溫米飲調服。食前。

荆芥槐花等分為末水煎一大碗服丸亦可為之

又方 豆豉炒 槐子炒 各等分

右為末每服一兩水煎空心下

薰漂藥 鳳眼草 赤皮葱 椒

三味搗粗同漿水滾過坐盆令熱氣薰痔但通手漂之如此不過三次愈矣

小兒病證第十二

治小兒痺疳 蘆薈 史君子 已上各等分

右為細末米飲調下一二錢服之

玉筋散 治小兒馬脾風

甘草煎水 甘遂末一字

右同油蜜生薑銀釵兒攪調下後用冷水半盞調奪命散

奪命散 治小兒胸膈喘滿

檳榔 大黃 黑牽牛 白牽牛 各等分皆當各半生熟用之

右為細末蜜水調服之

治小兒斑瘡入眼

麩炒蒺藜炙甘草 羌活防風等分搗

每服二錢漿水下

撥雲見日直到老

治瘡疹黑陷

鐵脚威靈仙炒一錢末

腦子分

右為末用溫水調下服之。取下瘡痂為効。

治小兒黃瘦腹脹

乾雞糞兩一

丁香末錢一

右為末蒸餅為丸如小豆大每服二十九丸米湯下。

黃連散 治小兒頭瘡

川黃連

黃蘗去粗皮用

草決明

輕粉

已上各等分

右為細末用生小油調藥于瘡上塗之立愈。

治班瘡倒壓方

胡桃一箇燒灰存性

乾胭脂錢三

右為末用胡荽煎酒調下一錢服之。

又方 人牙燒灰存性研入射香少許每服三錢溫酒調下少許服之不拘時。

又方 小豬兒尾尖取血三五點研入腦子少許新水調下食後與服之。

又方 人中白臘月者最佳通風處以火煨成煤水調三五錢陷者自出。

消毒散 治瘡疹已未出咽喉腫痛



右為粗末。每服三錢水一盞半煎至七分去滓溫服不拘時。

治小兒斑瘡入眼

猪懸蹄甲二兩甘鍋內鹽泥固齊燒焦為末用

蟬殼二兩去土

羚羊角鎔為細末研之用

右二味為末。研入羚羊角細末一分拌勻。每用一字。百日外兒服半錢。三歲已上服三錢。新水或溫水調下。日三四服。夜一二服。一年已外則難治之。

又方 透耳藥

朱砂錢一分 粉霜八分

右研為細末。水調少許。用匙杓頭傾一兩點于耳內中後用。

白菊花 萊豆皮 穀精草 夜明沙

右四味為末。用米泔半盞熬成去滓。入乾柿十餘箇。再同熬。每日喫兩三箇。仍飲煮

乾柿湯

又方 治小兒斑瘡入眼

朱砂 腦子 水銀 射香 已上各等分

右四味研為細末。用水銀調滴入耳中。

發班藥 珠子七箇研碎。用新水調勻服之。

破傷風邪第十三 陰毒傷寒亦附於此

辰砂奪命丹

鳳凰臺

川烏頭生

已上各二錢

射香訛

朱砂訛

右為細末。棗肉和為丸。如彈子大。朱砂為衣。醪酒送下。量病人年甲虛實。加減用之。  
小兒半丸。以吐為度。不止以葱白湯解之。

治破傷風

病人耳塞。并爪甲上刮末唾津調塗瘡口。上立效。無瘡者難用。

治破傷風

烏梢尾筒

兩頭尖筒

全蝎筒

右三味為細末。另用石灰五升。柴灰五升。沸湯五升。淋灰水。澄清下藥熬之。鐵鍋器內攪成膏子。加稠。用唾津調。先用溫漿水洗淨瘡口。後塗藥。即時藥行。吐黃水一日。以新水嗽口即愈。

又方

天南星半生

防風蘆

二味各等分

右為末。清油調塗瘡上。追去黃水為驗。

又方

白芷生

草烏頭尖去皮

二味等分

右為末。每用半錢。冷酒一盞。入葱白小許。同煎服之。如人行十里。以葱白熟粉投之。

汗出立愈甚者不過二服

又方蜈蚣散

蜈蚣頭

烏頭尖

附子底

蝎稍

四味各等分

右為細末每用一字或半字熱酒調下如禁了牙關用此藥斡開灌之

治陰毒傷寒破傷風

草烏頭燒熟去牙武火

麝香錢

朱砂錢

右為細末每服一字以熱酒調下食前服之汗出為度忌猪兔魚蟹粘葷肉

治陰毒病者

用芥末以新水調膏藥貼臍上汗出為効

又方牡蠣乾薑末新水調塗手心握外腎汗出為効

諸風疾證第十四

不老丹 治一切諸風常服烏髭駐顏明目延年

蒼朮四斤米泔水浸軟竹刀刮去皮切作片子內一斤用椒三兩去白炒黃去椒

何首烏二斤米泔水浸軟竹刀刮去皮切作片子用瓦甑蒸先鋪黑豆三升乾

合定侯豆秦香熟地骨皮去粗皮

右件於石臼內搗為細末候用椹汁搜和如軟麪劑相似磁盆內按平上更用椹汁

藥上高三指。用紗綿帛覆之。晝取太陽。夜取太陰。使乾再搗。羅為細末。煉蜜和丸。如梧桐子大。空心温酒下。六十九丸。忌五辛之物。  
四仙丹

春甲乙採杞葉

夏丙丁採花

秋庚辛採子

冬壬癸採根皮

右為末。以桑椹汁為丸。每服五十丸。茶清酒任下。

起死神應丹 治癱瘓四肢不舉風痺等疾

麻黃

去根節河水五升熬去滓可成膏子五斤

白芷

二兩

桑白皮

二兩

甘松

二兩去土

川芎

三兩

苦參

三兩

加浮萍

二兩

已上各為細末。用膏子和丸。如彈子大。每服一丸。温酒一盞化下。臨卧服之。微汗出。勿慮。如未安。隔三二日再服。手足即時軟快。及治卒中風邪。涎潮不利。小兒驚風。服之立効。

愈風丹

芍藥

川芎

白僵蠶

桔梗

細辛

羌活

已上各半兩

麻黃

方風

白芷

天麻

全蜀

甘草

白星

右為末。煉蜜丸如彈子大。每服一丸。細嚼茶酒吞下。

香芎散 治偏正頭風。

貫芎 香附子 炒

石膏 亂紋者  
良水飛

白芷

甘草

薄荷 已上各  
一兩

一方川烏頭 兩炮去  
臍皮用之

右為細末。每服二錢。溫酒或茶清調下服之。

妙功十一丸 治癩。

丁香 木香

沉香

乳香

射香

荆三稜 炮

廣茂 炮

黑牽牛 微炒

黃連

雷丸 炒

鶴虱 炒

胡黃連

黃芩

甘草 炙

大黃 焙

陳皮

青皮

雄黃

熊膽

以上各二錢半

赤小豆 十三粒  
百六

白丁香 直尖者三  
百六十箇

輕粉 錢四

巴豆 粒七

右二十三味為細末。赤小豆煮爛研泥。同蕎麩打糊。和作十一丸。朱砂為衣。陰乾。服時水浸一宿。化一丸。大便出。隨病各有形狀。取出為驗。或作化一丸。不可再服。曾經

火炙者。不治。遠年愈効。

朱砂滾涎散 治五癩。

朱砂 飛

白礬 用

赤石脂

消石

以上各等分

右同為細末。研蒜膏如丸。菜豆大。每服三十九。食後荆芥湯下。



又方 朱砂不以多少。水飛研為細末。

右用猪心血浸蒸餅為丸如菜豆大。每服二十九。空心金銀湯下之。

治諸風疥癬及癩

浮萍兩一

荊芥

川芎

甘草

麻黃兩上各

兩

或加芍藥

當歸

右為粗末。每服一兩水一碗。入葱白根豆豉同煎。至一半無時服。汗出為度。

治癩塗眉法

半夏用生

羊糞燒

已上各等分

右為末。生薑自然汗調塗。

五九散 治癩

地龍土去

蟬殼

白僵蠶

凌霄

全蠍

已上各九箇

右同為末。只作一服。熱酒調下。浴室中汗出粘臭氣為効。

苦參散 治癩風

苦參取頭末

猪肚箇一

右以苦參末。摻猪肚內。用線縫合。隔宿煮軟。取出。洗去元藥。先不喫飯五頓。至第二

日。先飲新水一盞。後將猪肚食之。如吐了。再食之。食罷待一二時。用肉湯調。無憂散

五七錢。取出小蟲一二萬為効。後用皂角一斤。不住者。去皮生及子。連碎。用水四碗。

煮至一椀用生絹濾去滓再入苦參末攪熟稀麩粉膏子相似取出放冷後入食鹽相和藥附後

何首烏二兩 防風二兩 芍藥五錢 人參三錢 當歸一兩

右為細末入皂角膏子為丸如桐子大每服三五丸溫酒或茶清送下不拘時候日進三服後用苦參荆芥麻黃煎湯洗冷

水腫黃疸第十五

治通身黃腫

苧蒂焙乾三四錢

右為細末每用半字於鼻內吹上日三度併吹三日如不愈後用黃芩末之前湯五錢服下

錢服下

治蠱氣

取環腸草不以多少曝乾水煎利小便為度

治黃疸面目遍身如金色

瓜蒂一箇 母丁香一箇 黍米四粒

右先搗瓜蒂為末次入二味同為細末每用半字夜卧令病人先嚙水一口兩鼻內各半字吐了水令病人便睡至夜或明日取下黃水旋用熟帛搵了直候取水定便

服黃連散病輕者五日重半月。

黃連散 治黃疸大小便秘澀壅熱。

黃連 兩三

川大黃 一兩對碎醋拌炒過用之

黃芩

甘草炙

各一兩

右為細末每服二錢食後溫水調下一日三服。

治水腫不利小便非其法也故內經云濕氣在上以苦吐之濕氣在下以苦瀉之吐瀉後長服益元散加海金沙煎以長流水服之則愈矣大忌脚膝上針刺出水取一時之效後必死矣尤忌房室濕麪酒醋鹽味犯之必死。

木通散 治水腫

海金沙

舶上茴香

巴戟

大戟

甘遂

芫花

木通

滑石

通草

已上各等分

右為細末每服三錢以大麥麪和作餅子如當十錢大爛嚼生薑湯送下。

下痢泄瀉第十六

治痢

紫苑

桔梗

赤芍藥

白朮

已上各等分

右為細末每服三五錢細切羊肝拌之作麪角兒燒服之後用白湯送下食前。

治痢

杜蒺藜炒研為末。酒調下三兩服。

香鼓丸 治痢

蒜為泥

豉為末

右二味相和作丸。如梧桐子大。米飲湯下五七十九。食前服之。

治大人小兒吐瀉腹脹胸膈痞閉

五靈脂

青皮

陳皮

硫黃

芒硝

已上各等分

右將硝黃於銚子內。以文武火鎔開。用匙刮聚。自然結成砂子。取出研碎。與前三藥

同末。麩糊為丸。如菉豆大。小兒麻子黃米大。每服二十九。量虛實加減。米飲湯送下

無時

又方治瀉。車前子不以多少。右為細末。每服二錢。米飲湯調下服之。水穀分吐瀉止。

諸雜方藥第十七

治消渴

棟黃連

二兩八九節者良

右判如咬咀。以水一碗煎至半碗。去滓。頓服立止。

百日還丹

佛茄子

樟柳眼

已上各等分

為末。枸杞汁和丸。如雞頭大。每服十九。新水送下。

酒癥丸

巴豆箇六

全蝎箇五

雄黄塊一

白麩兩五

右為末。滴水丸如豌豆大。每一丸如痛飲者二丸。

立應丸 治臟腑泄痢膿血不止。腹中疼痛。

乾薑炮另末一兩

百草霜兩一

巴豆連皮用一兩炒

杏仁一兩同巴豆和皮炒黑

右用黃蠟四兩。鎔開。臘次入前四味。用鐵器攪勻。旋丸。桐子大。每服三五丸。甘草湯

下白痢用乾薑湯下。食前。若水瀉。溫水下。

反胃 黃蘗末。熱酒調三五錢。食後服之。

治小便多滑數不禁

金剛骨為末。以好酒調下。三錢服之。

又方 白茯苓去黑皮

乾山藥去皮白礬水內湛

右二味各等分為細末。稀米飲調下服之。

治卒淋痛

芫花散錢三

茴香炒黃二錢微

右為細末。水煎服之。

治疝方



治大便秘

生麻子不以多少。研爛水調服之。

坐劑治大便久秘。攻之不透者用之。

又用蜜不計多少。慢火熬令作劑。稀則粘手。硬則脆。稀稠得所。堪作劑。搓作劑樣。如棗核大。粗如筋。長一寸許。蘸小油。內于肛門中。坐良久。自透。有加鹽少許。以素問鹹以軟之。

交加飲子 治久瘧不已。山嵐瘴氣。

肉豆蔻

十一箇 燒一箇 齧

草豆蔻

二箇 同上法用

厚朴

二寸 一寸 一半 生用 一半 熟用 生薑汁製過用

甘草

二寸 半 一寸 半 生用 一半 炙用 一半 生用

生薑

二塊 如棗 紙裹 煨過 半生 半熟

右為末。每服分一半。水一碗。銀石器內煎至一大盞。去滓。溫服。發日空心。未愈則再服。

大真丸 補虛損

佛袈裟。男用。女用。女用。男用。新水四擔。洗盡血水。以酒煮爛為泥。

威靈仙

兩 當歸 兩 半

硝砂

兩 蓮子肉 炒 兩

乾地黃酒浸

兩 廣茂 兩 半

甘草

兩 牡丹皮 兩

牛膝酒浸

兩 木香 兩 半

白朮

兩 白茯苓 兩

右為細末。與君主同搗。羅為細末。酒浸蒸餅為丸。如梧桐子大。每服三五十九。三進。

日服

取雕青

水蛭取陰乾為末。先以白馬汗擦青處。後用白馬汗調藥塗之。

治蚰蜒入耳中

右用猫尿灌耳中立出。取猫尿用盆盛猫。以生薑擦牙大妙。

又方 黑驢乳灌耳中亦出。

又方 以濕生蟲研爛塗于耳邊自出。

辟穀絕食第十八

辟穀方

大豆五升洗淨蒸三遍去皮為細末

大麻子五升湯浸一宿漉出蒸三遍令口開去皮為細末用

糯米五升淘淨同白茯苓一處蒸熟用之

白茯苓五兩去皮同上糯米一處蒸熟為用

右將麻仁末一處搗爛如泥。漸入豆黃末同和勻。便團如拳大。再入甑蒸。從初更着

火至半後夜住火。至寅時出甑。午時曝乾。搗為末服之。以飽為度。不得喫一切物。用

麻子汁下。第一頓一月不飢。第二頓四十日不飢。第三頓一千日不飢。第四頓永不

飢。顏采日增。氣力加倍。如渴飲麻仁汁。轉更不渴。滋潤五臟。若待喫食時分。用葵菜

子三合為末煎湯。放冷服之。取其藥如後。初間喫三五日白米稀粥湯。少少喫之。三

後諸般食飲無避忌此藥大忌欲事

又方 茯苓餅子

白茯苓四兩為末 頭白麪一二兩

右同調水煎餅麪稀調以黃蠟代油燂成煎餅蠟可用三兩飽食一頓便絕食至三日覺難受三日後氣力漸生熟果芝蔴湯米飲涼水微用些小潤腸胃無令涸竭開食時用葵菜湯并米飲稀粥少少服之

又方 保命丹

人參兩 麻子仁二兩 炒 乾地黄 瓜蒞子炒 兔絲子酒

已上各二兩 生地黃 乾大棗 各三兩 大豆黃一升 煮

黑附子炮 去皮用一兩 白茯苓 茯神 地骨皮去粗 蔓精子煮 熟

杏仁去 炒 麥門冬炒 去 地膚子蒸 黍米作粉 粳米作粉 白糯米作

粉 天門冬心 車前子蒸 側柏葉煮 已上各二兩五錢

右同為細末各揀選精粹者臘月內合者妙他時不可合日月交蝕不可合如合時須揀好日淨室焚香志心修合勿令雞犬婦人見又將藥末用蠟一斤半濾去滓白蜜一斤共二斤半一處溶開和勻入白杵二千下微入酥油丸如梧桐子大每服十丸服至五日如來日服藥隔宿先喫糯米一頓粳米白麪皆可次日空心用糯米粥

飲送下如路行人服遇如好食喫不妨要止便止如喫些小蒸餅爛嚼嚥或乾果子以助藥力不喫更妙忌鹽醋日後退下藥來於長流水中洗淨再服可百年不饑矣

先生辭世詩一首

徘徊歲將暮我今者破番成羞青燈黃色已無用死生默定何怨尤倚闌無語笑西風  
書劍不成空白頭錯錯功名兩事自擔閣休休休富貴榮枯非自由却以數事養愚  
叟我今說破君知否一張琴一壺酒一溪雪五株柳謾昂藏閑抖搜從今跳出是非叢  
雖然盡屬風浪口千年不復見菱花縱有那能照妍醜爭如拂袖傲林泉追退興衰幾  
常久紙窗土坑醉復醉日夕間醒吞五斗

又絕句四首

學劍功夫兩不成年來蹤跡愈如萍而今急水無魚釣收拾漁竿海上行  
耽嗜醫經五十年野芹曾獻紫宸前而今憔悴西山下更比文章不值錢  
齒豁頭童六十三邇來衰病百無堪舊游馬上行人老不是當初過汝南  
幻化形軀事可悲遽罹災患數難移我應不達長生理汝莫將來免死期